



1018

THE UNIVERSITY OF CHICAGO










150



Small, scattered black ink marks or dots are visible in the lower right quadrant of the page, possibly representing a signature or a stamp.

ԳԻՐԲ

ՍԱՂՄՈՍԱՑ


ԴԱԻԹԻ

مصارفی آمریقان بیبل شرکتی طرفندن تسویه اولنه رق
معارف عمومیه نظارت جلیله سنک رخصتیه
۲۷ جانی الاخر ۹۹ و ۳ مایس ۹۸ نومرو ۲۱۹

ԿՈՍՏԱՆԴՆՈՒՊՕԼԻՍ

Ի ՏՊԱՐԱՆԻ Ա. ՅԱԿՈԲ ՊՕՅԱՃԵԱՆ

1882



1881

THE UNIVERSITY OF CHICAGO

1881

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

THE UNIVERSITY OF CHICAGO

LIBRARY

1881

ՍԱԳՄՈՍԸՅ ԴԵՒԹԻ

ՍԱԳՄՈՍ Ե

1 Երանեալ է այր որ ոչ գնաց 'ի խորհուրդս ամբարշտաց . 'ի ճանապարհի մեղաւորաց նա ոչ եկաց , և յաթոռս ժանտից նա ոչ նստաւ :

2 Եյլ յօրէնս տեառն են կամք նորա , և յօրէնն նորա խորհեցի նա 'ի տուէ և 'ի գիշերի . և եղեցի նա որպէս ծառ , որ տնկեալ է 'ի գնացս ջուրց :

3 Որ զպտուղ իւր 'ի ժամու տացէ , և տերև նորա մի' թափեցի . և զամենայն զոր ինչ արասցէ , յաջողեցի նմա :

4 Ոչ այսպէս են ամբարիշտք , և ոչ այսպէս . այլ որպէս հողմ զփոշի , զի հոսէ 'ի վերայ երեսաց երկրի :

5 Մասն տոյսորիկ ոչ յարիցեն ամբարիշտք 'ի դատաստան , և ոչ մեղաւորք 'ի խորհուրդս արդարոց :

6 Քանզի ճանաչէ տէր զճանապարհս արդարոց . ճանապարհք ամբարշտաց կորիցեն :

Սեփեռագիր 'ի հեբրայեցոց . երբոքն ոտա ընդ թ համար են :

1 Ընդէր խռովեցան հեթանոսք , և ժողովուրդք խորհեցան 'ի սնտոխս :

2 Յանդիման եղեն թագաւորք երկրի , և իշխանք ժողովեցան 'ի միասին վասն տեառն և վասն օծելոյ նորա :

3 Խղեսցուք զկապանս նոցա , և ընկեսցուք 'ի մէնջ զուծ նոցա :

4 Բնակեալն յերկինս ծիծաղեսցի զնոքօք . և տէր արհամարհեսցէ զնոսա :

5 Յայնժամ խօսեսցի ընդ նոսա բարկութեամբ իւրով , և սրտմտութեամբ իւրով խռովեցուցէ զնոսա :

6 Ես կացի թագաւոր 'ի նմանէ , 'ի վերայ լերին սիովնի սրբոյ նորա , 'ի պատմել ինձ զհրամանս տեառն :

7 Տէր ասաց ցիս՝ որդի իմ ես դու , և ես այսօր ծնայ զքեզ :

8 Խնդրեա յինէն , և տանց քեզ՝ զհեթանոսս 'ի ժառանգութիւն , և իշխանութիւն քեզ ընդ ամենայն՝ ծագս երկրի :

9 Հովուեսցես զնոսա զաւազանաւ երկաթեաւ , և որպէս զանօթ բրտի փշրեսցես զնոսա .

10 Երդ թագաւորք՝ զայս 'ի միտ առէք . և խրատեցարուք ամենեքեան , ոյք գատիք զերկիր :

11 Տառայեցէք տեառն երկիւղել , և
ցնծացէք առաջի նորա դողութեամբ :

12 Ընկալարուք զխրատ նորա , զի մի՛
բարկասցի տէր . և կորնչեցիք ՚ի ճանա-
պարհացն արդարութեան :

13 Ի ժամանակի յորժամ բորբոքեսցի
բարկութիւն նորա :

14 Երանի ամենեցուն՝ ոյք յուսացեալ
են ՚ի տէր :

Տունք 14 :

ՍԱՂՄՈՍ Գ

Սաղմոս ՚ի դաւիթ . ՚ի ժամանակի՛ զի փախոցեալ եր նա յերեսաց աբեսողմոյ
արդոյ իւրոյ :

1 Տէր զի բազում եղեն նեղիչք իմ . և
բազումք յարեան ՚ի վերայ իմ :

2 Բազումք ասէին զանձնէ իմմէ՝ թէ
չեք փրկութիւն սորա առ աստուած իւր :

3 Եւ դու տէր օգնական իմ ես ,
փառք իմ և բարձրացուցիչ գլխոյ իմոյ :

4 Չայնիւ իմով ես առ տէր կարգացի ,
և լուա ինձ ՚ի լեռնէ սրբոյ իւրմէ :

5 Են ննջեցի և ՚ի քուն եղէ . զարթեայ՝
և տէր ընդունելի իմ է :

6 Ոչ երկեայց ես ՚ի բիւրուց զօրաց
նոցա , ոյք շուրջանակի պատեալ պաշա-
րեալ պահէին զես :

7 Երի տէր և փրկեա զես աստուած
իմ . զի դու հարեր զամենեսեան , ոյք

էին ընդ իս թշնամութեամբ 'ի տարապարտուց . և զատամունս մեղաւորաց փշրեսցես :

8 Տեառն է փրկութիւն . 'ի վերայ ժողովրդեան քոյ՝ օրհնութիւն քո :

Յունք 8 : Գորղայս 28 :

ՄԱՂՄՈՍ Դ

Ի Կարաթաթ օրհնութիւն . սուրբ երգոց 'ի դասին :

1 Ի կարգալ իմում լուար ինձ աստուած ըստ արդարութեան . 'ի նեղութեան ինձ անդորր արարեր . ողորմեա ինձ և լուր աղօթից իմոց :

2 Որդիք մարդկան՝ մինչև յերբ էք խստասիրտք . ընդէր սիրէք զնանրութիւն , և խնդրէք զստութիւն :

3 Ծաներուք զի սքանչելիս արար տէր սրբոյ իւրում . և տէր լուիցէ ինձ 'ի կարգալ իմում առ նա :

4 Բարկանայք և մի՛ մեղանչէք, զոր ինչ ասէք 'ի սիրտս ձեր , յանկողինս ձեր զղջացարուք :

5 Մատուցէք պատարագ արդարութեան , և յուսացարուք 'ի տէր :

6 Բազումք ասէին , թէ ո՞ ցուցցէ մեզ զբարութիւն տեառն : նշանեցաւ առ մեզ լոյս երեսաց քոց . և ետուր ուրախութիւն սրտից մերոց :

7 Ի պաղոյ ցորենոյ գինւոյ ձիթոյ իւրեանց լցուցեր զնոսա :

8 Խաղաղութեամբ յայս և 'ի սոյն ննջեսցուք և զարթիցուք . զի զու տէր միայն առանձին յուսով քո բնակեցուցեր զմեզ :

Յունք 8 :

ՍՇՂՄՈՍ Ե

Ի խորամ լասն վեհախելցն . սաղմո 'ի դասիլն :

1 Բանից իմոց ունկն զիր տէր , և 'ի միտ առ զաղաղակ իմ :

2 Նայեա 'ի ձայն աղօթից իմոց , թաղաւոր իմ և աստուած իմ :

3 Ես զքեզ աղաչեմ տէր , ընդ առաւօտս լուիցես ձայնի իմում . ընդ առաւօտս պատրաստ եղէց յանդիման լնել առ քեզ :

4 Աչ թէ զու աստուած կամիս զանօրէնութիւն . և ոչ բնակին առ քեզ չարք , և անօրէնք մի' բնակեսցեն առաջի աչաց քոց :

5 Ետեցեր զայնոնիկ , որ դործեն զանօրէնութիւն . կորուսանես զամենեսեան ոյք խօսին սուտ :

6 Օայր արիւնահեղ . և զնենդաւոր պիղծ առնես զու տէր . այլ ես ըստ բազում ողորմութեան քում մտից 'ի տուն

քո , և երկիր պազից 'ի տաճար սուրբ
քո երկիւղեւ քո :

7 Տէր առաջնորդեա ինձ յարդարու-
թեան քում . վասն թշաւեաց իմոց
ուղիդ արա առաջի իմ զճանապարհս քո :

8 Զի ոչ գոյ 'ի բերանս 'նոցա ճշմար-
տութիւն . և սիրտք 'նոցա 'նանքեալ են :

9 Որպէս զերեզման բաց է կոկորդ
'նոցա . և լեզուք իւրեանց 'նենդաւորք
եղեն :

10 Դատեա զնոսա աստուած՝ զի անկ-
ցին 'ի խորհրդոց իւրեանց . ըստ բա-
զում ամբարշտութեան 'նոցա մերժեա
զնոսա , զի զառնացուցին զքեզ :

11 Ուրախ լիցին ամենեւեան՝ որք յու-
սացեալ են 'ի քեզ . յախտեան ցնծաս-
ցեն , և բնակեացեա զու 'ի նոսա :

12 Պարծեսցին 'ի քեզ սիրելիք անուան-
քո , զի օրհնեացեա զու զարդարն . տէր
որպէս զնսու հաճութեամբ քո պատկե-
ցեր զնոսա :

Յունք 12 .

ՍԵՂՄՈՍ Զ.

Ի կաթարս ընդ օրհնութեան կրան սափեցորդաց . սաղմոս 'ի դաւիթ Է .

1 Տէր մի՛ սրամտութեամբ քով յան-
դիմաներ զես , և մի՛ բարկութեամբ քով
խրատեր զես :

2 Ողորմեա ինձ տէր , զի հիւանդ եմ

Ես . բժշկեա զանձն իմ , զի խռովեցան
 ոսկերք իմ :

3 Ենձն իմ յոյժ խռովեցաւ . և զու
 տէր մինչև յերբ :

4 Գարձ տէր և փրկեա զանձն իմ .
 կեցո զիս տէր ըստ ողորմութեան քում :

5 Օ՛ի ոչ ոք է որ 'ի մահու յիշէ զքեզ ,
 կամ 'ի գժոխս խոստովան առնի առ
 քեզ :

6 Աստակեցայ ես 'ի հեծութեան
 իմում . լուացի զամենայն գիշեր զմա-
 հիճս իմ , և արտասուօք իմովք զան-
 կողինս իմ թացի :

7 Խռովեցաւ 'ի սրտմտութենէ ակն
 իմ . և մաշեցայ ես 'ի վերայ ամենայն
 թշնամեաց իմոց :

8 Ի բաց կացէք յինէն ամենեքեան ,
 ոյք գործէք զանօրէնութիւն :

9 Լուաւ տէր ձայնի լալոյ իմոյ . լուաւ
 տէր անղօթից իմոց . և տէր զիննդրուածս
 իմ ընկալաւ :

10 Մահչեօցեն և խռովեսցին յոյժ ա-
 մենայն թշնամիք իմ . դարձցին յետս և
 ամահչեօցեն յոյժ վաղվաղակի և խռո-
 վեսցին :

Յունք 10 : Գորդայս 80 :

1 Տէր աստուած իմ 'ի քեզ յուսացայ ,
փրկեա զիս , և յամենայն հալածչաց ի-
մոց ապրեցո զիս :

2 Գուցէ երբէք յափշտակիցէ որպէս
առիւծ զանձն իմ . ոչ ոք իցէ որ փրկի-
ցէ , և ոչ այն՝ որ ապրեցուցանիցէ :

3 Տէր աստուած իմ թէ արարի զայս .
և թէ իցեն անօրէնութիւնք 'ի ձեռս իմ :

4 Թէ հատուցի երբէք այնոցիկ , ոչք
հատուցին ինձ չար . անկեայց և ես 'ի
թշնամեաց իմոց ընդունայն :

5 Հալածեսցէ ապա թշնամին զանձն
իմ . հասցէ և կոխեսցէ յերկիր զկեանս
իմ , և զփառս իմ 'ի հող բնակեցուսցէ :

6 Երի տէր բարկութեամբ քով , և
բարձր լեր 'ի սպառել թշնամեաց իմոց :

7 Օարթիր տէր աստուած իմ 'ի հը-
րամանս քո՝ զոր պատուիրեցեր . և ժո-
ղովք ժողովորոց շուրջ եղեցին զքե .

8 Աման այսորիկ 'ի բարձունս դարձ
տէր . և տէր դատի զժողովուրդս իւր :

9 Դատ արա ինձ տէր ըստ արդարու-
թեան իմում , ըստ ամբժութեան իմում՝
որ յիս :

10 Աստարեսցին չարիք 'ի վերայ մե-
զաւորաց , և յաջողեսցես դու արդա-
րոյն :

11 Որ քննէ զսիրտս և զերիկամունս

աստուած արդար . յիրաւի է օգնու-
թիւն ինձ յաստուծոյ՝ որ ապրեցուցանէ
զայնոսիկ ոյք ուղիղ են սրտիւք :

12 Աստուած դատաւոր արդար՝ հզօր
և երկայնամիտ , որ ոչ ածէ զբարկու-
թիւն իւր զօրհանապազ :

13 Ապա թէ ոչ դառնայք առ նա ,
զսուր իւր սրեալ է և զաղեղն իւր լա-
րեալ . 'ի նմա պատրաստեալ է զանօթս
մահու , և զնետս իւր այրեցելովք է գոր-
ծեալ :

14 Ահաւասիկ երկնեաց զանօրէնու-
թիւն . յղացաւ զցաւս , և ծնաւ զանի-
րաւութիւն :

15 Գուրն՝ զոր փորեաց և պեղեաց , 'ի
նոյն անկցի 'ի խորխորատ՝ զոր և գոր-
ծեաց :

16 Դարձցին ցաւք 'ի գլուխ նորա . և
'ի վերայ զազաթան նորա անօրէնու-
թիւնք իւր իջցեն :

17 Խոստովան եղէց տեառն ըստ ար-
դարութեան . նորա . սաղմոս ասացից
անուան տեառն բարձրելոյ :

Տու. 17 :

ՄԱՂՄՈՍ Ը

Ի խորտարած 'ի վերայ հնչանայն . ասիմոս 'ի գառնիլ :

1 Տէր տէր մեր , զի՛ սքանչելի է անուն
քո 'ի վերայ ամենայն երկրի :

2 Համբարձաւ մեծ վայելչութիւն քո
'ի վերոյ քան զերկինս : 'ի բերանոց ման-
կանց տղայոց ստընդիեցաց հաստատե-
ցեր զօրհնութիւն :

3 Ասան թշնամեաց քոց տէր , զի
եղծցի թշնամին և հակառակորդն :

4 Տեսից զերկինս զգործս մատանց
քոց , զլուսին և զաստեղս՝ զորս դու
հաստատեցեր :

5 Ո՞վ է մարդ , զի յիշես դու զնա .
կամ որդի մարդոյ , թէ այց ինչ արաս-
ցես դու նմա :

6 Փոքր ինչ խոնարհ արարեր զնա քան
զհրեշտակս քո . փառօք և պատուով
պսակեցեր զնա , և կացուցեր զնա 'ի
վերայ ամենայն ձեռակերտաց քոց :

7 Օճամենայն ինչ հնազանդ արարեր
'ի ներքոյ ոտից նորա , զխաշն և զարջառ
և զամենայն ինչ :

8 Աւա և զերէ վայրի , զթռչունս երկ-
նից , և զձկունս ծովու՝ որ շօջին ընդ
շաւիղս ծովու :

9 Տէր տէր մեր , զի սքանչելի է անուն
քո յամենայն երկրի :

Տունք 9 : Գորղայս 26 :

ՄԱՂՄՈՍ Թ

Ի խորհրդս . վասն գաղտնեացն որդւոյ :

1 Գոհացայց զբէն տէր բոլորով սրտիւ

իմով . պատմեցից զամենայն սքանչելիս քո :

2 Ուրախ եղէց և ցնծացայց 'ի քեզ . սաղմոս ասացից անուան քում բարձրեալ :

3 Ի դառնալ յետս թշնամեաց իմոց , տկարասցին և կորիցեն յերեսաց քոց :

4 Արարեր զգատաստանս իմ և զերաւունս . նստար յաթոռ՝ դատաւոր արդարութեան .

5 Սաստեցեր 'ի հեթանոսս , և կորեաւ ամբարիշտն . զանուանս նոցա ջնջեցեր յաւիտեանս յաւիտենից . և թշնամւոյն զէն պակասեաց մինչ իսպառ :

6 Օքաղաքս աւերեցեր , և կորեալ յիշատակ նոցա աղաղակաւ :

7 Աստուած կայ և մնայ յաւիտեան . պատրաստ արար զաթոռ իւր 'ի դատածատանի :

8 Ինքն դատի զաշխարհս արդարութեամբ , և զժողովուրդս իւր ուղղութեամբ :

9 Եղև տէր ապաւէն տնանկի , օգնական 'ի նեղութեան 'ի դէպ ժամանակի :

10 Յուսասցին 'ի քեզ ամենեքեան՝ ոյք գիտեն զանուն քո . զի ոչ թողցես զայնոսիկ , որք խնդրեն զքեզ տէր :

11 Սաղմոս ասացէք տեառն՝ որ բնա-

կեալն է 'ի սիոն . պատմեցէք 'ի հեթա-
նոսս զգործս նորա :

12 Ի խնդրել զարիւն նոցա՝ յիշեաց .
և ոչ մոռացաւ տէր զաղօթս տնանկաց :

13 Ողորմեա ինձ տէր՝ և տես զխո-
նարհութիւն իմ 'ի թշնամեաց իմոց . ո՛ր
բարձր արարեր զես 'ի դրանց 'ի մա-
հուանէ :

14 Որպէս պատմեցից զամենայն օրհ-
նութիւնս քո 'ի դրունս դստեր սիոնի ,
և ցնծացայց 'ի փրկութեան քում :

15 Ընկլան հեթանոսք յապականու-
թեան իւրեանց՝ զոր արարին : և որո-
գայթ՝ զոր թագուցին , առցէ զոտս
նոցա :

16 Ղանաչի տէր յառնել զդատաս-
տանս իւր . և 'ի գործս ձեռաց իւրեանց
կապեցին մեղաւորք :

17 Դարձցին մեղաւորք անդրէն 'ի
դժոխս . և ամենայն հեթանոսք որք
մոռացան զաստուած :

18 Ոչ իսպառ մոռանայ տէր զաղքատն .
համբերութիւն տնանկաց մի՛ կորիցէ
իսպառ :

19 Երի տէր՝ և մի՛ զօրասցի մարդ .
զատեսցին հեթանոսք առաջի քո :

20 Կացո տէր օրէնսդ իր 'ի վերայ նոցա .
և ծանիցեն հեթանոսք՝ թէ մարդիկ են :

21 Ընդէր տէր՝ կացեր 'ի հեռաստանէ .
անտես արարեր 'ի դէպ նեղութեան ժա-
մանակի :

22 Յամբարտաւանել ամբարշտի՝ այրի
աղբաւն . արգելցին 'ի խորհուրդս իւ-
րեանց զոր և խորհեցան :

23 Օ՛ի գովի մեղաւորն 'ի ցանկու-
թիւն անձին իւրոյ . որ զրկէն , և նա
գովի :

24 Իսկ ընդէր բարկացոյց մեղաւորն
դաստուած , ըստ բազում բարկութեան
իւրում , թէ ոչ խնդրի :

25 Աչ է աստուած առաջի աչաց նորա .
պիղծ են ճանապարհք նորա յամենայն
ժամ :

26 Բարձեալ են իրաւունք յերեսաց
նորա . 'ի վերայ ամենայն թշնամեաց
իւրոց տիրեսցէ :

27 Եսաց 'ի սրտի իւրում , թէ ոչ սա-
սանկեցայց անգէ յազգ առանց չարի :

28 Ընծիւք և դառնութեամբ և նեն-
գութեամբ լի է բերան նորա , և 'ի ներ-
քոյ լեզուի նորա ցաւք և վաստակք :

29 Նստի դարանեալ ընդ մեծամեծս 'ի
զաղտնիս՝ սպանանել զամբիծն :

30 Եւք նորա 'ի տնանկս հային . դա-
րանի 'ի զաղտնիս , որպէս զառիւծ 'ի
մորլոջ իւրում :

31 Դարանի յափշտակել զաղբատն .
յափշտակել զաղբատն , և ձգել զնա :

32 Յորոգայթ իւր խոնարհեցուցէ
զնա . խոնարհեցի և անկցի 'ի տիրել
իւրում 'ի վերայ տնանկաց :

33 Օ, ի ասաց 'ի սրտի իւրում թէ մո-
ռացաւ աստուած . դարձոյց զերեսս իւր ,
զի մի' տեսցէ իսպառ :

34 Արի տէր աստուած իմ . բարձր ե-
ղեցի ձեռն քո , և մի' մոռանար զտը-
նանկս :

35 Իսկ ընդէր բարկացոյց ամբարիշտն
զաստուած . զի ասաց 'ի սրտի իւրում
թէ ոչ քննի :

36 Տեսանես դու զնա 'ի ցաւս , և 'ի
սրամտութիւնս հայիս . 'ի քեզ թողեալ
է աղբատն , և որբոյն դու ես օգնա-
կան :

37 Խորտակեսցի բազուկ մեղաւորի զ՛
չարի . խնդրեսցին մեղք նորա , և նա մի'
գտցի :

38 Տէր թազաւոր յաւիտեանս յաւի-
տենից . կորիցեն հեթանոսք յերկրէ
նորա :

39 Օ, ցանկութիւն տնանկաց լուա-
տէր . 'ի պատրաստութիւն սրտից նոցա
հայեցաւ ունկն քո :

40 Դատ առնել որբոյն և տնանկի . զի

մի՛ ևս յաւելուցու մարդ , 'ի մեծաբանել իւրում 'ի վերայ երեսաց երկրի :

Տունք 40 :

ՍՆՂՄՈՍ Ժ

Ի խորարած . ստղնոս 'ի դասելն :

1 Ի տէր յուսացայ , ո՞րպէս ասիցէք ցանձն իմ՝ փոփոխեաց 'ի լերինս որպէս ճնճղուկ :

2 Օ՛ի ահա մեղաւորք լարեցին զաղեղունս իւրեանց . պատրաստ արարին զնետս 'ի կապարճս , ձգել ընդ խաւար այնոցիկ ոյք ուղիղ են սրտիւք :

3 Օ՛ի զոր դուն շինեցեր , նորա աւերեցին . իսկ արդարն զե՞ արար :

4 Տէր 'ի տաճար սուրբ իւրում . տէր յերկինս յաթոռ իւրում :

5 Աչք նորա 'ի տնանկս հային , արտևանունք նորա քննեն զորդիս մարդկան . :

6 Տէր քննէ զարդարն և զամբարիշտն . որ սիրէ զմեղս , ատեայ զանձն իւր :

7 Տեղասցէ 'ի վերայ մեղաւորաց որոգայթ՝ հուր և ծծումբ . այս մրրիկ՝ բաժին բաժակի նոցա :

8 Արդար է տէր՝ և զարդարութիւն սիրէ . զուղղութիւն տեսանեն երեսք նորա :

Տունք 8 :

Ե խորհրդանշանները . սաղմոս 'ի բարեի' :

1 Ապրեցո զես տէր . զի նուազեաց սուրբ . նուազեցին ճշմարտութիւնը յորդուց 'ի մարդկանէ :

2 Ի նանիր խօսեցաւ այր ընդ ընկերի իւրում . շքեամբք նենդաւորօք սրտէ 'ի սիրտ խօսեցաւ :

3 Սատակէ տէր զամենայն շքեունս նենդաւորս և զլեզուս մեծարանս :

4 Այբ ասացին . զլեզուս մեր մեծս արասցուք , շքեունք մեր առ մեզ են , և արդ մեր ոմ է տէր :

5 Վասն տառապանաց աղքատին և հեծութեան տնանկին , այժմ յարեաց սաէ տէր . եղից զփրկութիւն իմ , և համարձակեցայց 'ի նոսա :

6 Բանք տեառն են բանք սուրբ , որպէս զարծաթ ընտրեալ և փորձեալ յերկրէ , սրբեալ և պարզեալ եծթնպատիկ 'ի հողոյ :

7 Դու տէր պահեցեր զմեզ , և նապրեցուցեր զմեզ . յազդէ յայամանէ մինչև յախտեան :

8 Շուրջանակի ամբարիշտք շքին . բառ բարձրութեան բում մեծ արասցես զու զորդիս մարդկան :

ՄԱՂՄՈՍ ԺԲ

Ի Խորհրդած . սաղմոս 'ի դաւիթ :

1 Մինչև յերբ տէր՝ մոռանաս զիս իսպառ . մինչև յերբ դարձուցանես զերեսս քո յինէն :

2 Մինչև յերբ զնեմ՝ զխորհուրդս յանձն իմ . և ցաւք սրտի իմոյ զաւուրս :

3 Մինչև ցերբ բարձրանայ թշնամին՝ ի վերայ իմ . նայեա և լուր ինձ տէր աստուած իմ :

4 Լոյս տուր տէր աչաց իմոց , զի մի՛ երբէք ննջեցից ՚ի մահ :

5 Մի՛ ասացէ թշնամին՝ թէ յաղթեցի նմա . կամ նեղեչք իմ ցնծասցեն , թէ ես սասանեցայց :

6 Ես յողորմութիւնս քո տէր յուսացայ , ցնծացաւ սիրտ իմ՝ ի փրկութեան քում . օրհնեցից զտէր զբարերարդ իմ :

Տունք 6 :

ՄԱՂՄՈՍ ԺԳ

Ի Խորհրդած . սաղմոս 'ի դաւիթ :

1 Եսաց անզգամն՝ ի սրտի իւրում , թէ ոչ գոյ աստուած :

2 Եպականեցան և պղծեցան յանօրէնութեան իւրեանց . և ոչ ոք է՝ որ առնէ զքաղցրութիւն :

3 Տէր յերկնից նայեցաւ յամենայն

որդիս մարդկան , տեսանել թէ իցե՞ որ
իմաստուն , որ խնդրիցէ զաստուած :

4 Ամենեքեան խոտորեցան 'ի միասին
և անպիտանացան :

5 Աչ որ է որ առնէ զքաղցրութիւն , և
չէ որ մինչև 'ի մի :

6 Որպէս ոչ ծանիցեն ամենեքեան ,
որք գործեն զանօրէնութիւն :

7 Այք ուտէին զժողովուրդ իմ որպէս
կերակուր հացի , և առ տէր ոչ կարգա-
ցին :

8 Անդ երկիցեն զերկիւզ՝ ուր ոչ իցէ
երկիւզ . զի տէր է յազգս արդարոց :

9 Օխորհուրդ աղքատի յամօթ ա-
րարին . զի տէր է յոյս նորա :

10 Ո՞ տացէ 'ի սիոնէ զփրկութիւն իս-
րայէլի . 'ի դարձուցանել տեսուն զգե-
րութիւն ժողովրդեան իւրոյ . ցնծացէ
յակովբ՝ և ուրախ եղիցի իսրայէլ : .

Տունք 10 : Կորնայս 32 :

ՄԱՂՄՈՍ ԺԳ

Ի խորհրտ . սաղմս 'ի դաւիթ :

1 Տէր ո՞վ կացցէ 'ի խորանի քում ,
կամ ո՞վ բնակեսցէ 'ի լեառն սուրբ քո :

2 Որ գնայ անբիծ՝ գործէ զարդարու-
թիւն , խօսի զճշմարտութիւն 'ի սրտի
իւրում :

3 Ար ոչ նենգաւ որեաց լեզուաւ խբով ,
և չար բնիկի խբում ոչ արար :

4 Աստիաամինս 'ի մերձաւորաց ոչ աս-
նու : արհամարհեալ է ասաջի նորա շա-
րագործն :

5 Օգրկի գաճս տեառն փառաւոր աս-
նէ : որ երգնու բնիկի խբում , և ոչ
ստէ :

6 Օարծաթ խբ 'ի փարձու ոչ տայ ,
և կաշառս 'ի վերայ իրաւանց ոչ ասնու :
որ գոյս արաացէ , նա մի' սասանեացի
յախտեան :

Յոճք 6 :

ՍՄՆԱՄՈՍ ԺԿ

(Կարճագիտի 'ի գառի) :

1 Պահեա զես սասուած իմ զի ես 'ի
քեզ յասացայ : ասացի տեառն , տէր
իմ էս զու , և բարիք իմ ինձ 'ի քէն
էն :

2 Արբոց քոց' որք են յերկրի քում ,
սքանչելի արարեր գամենայն կամն իմ 'ի
նոսա :

3 Յաճախեացին հիւանդութիւնք նո-
ցա : յետ սյտորիկ ապա փաղփաղեացին :

4 Աչ ժողովեցայց 'ի ժողովս նոցա
յարեանց : և ոչ յիշեցից զանուանս նո-
ցա 'ի շքժոճնս իմ :

5 Տէր բաժին ժառանգութեան իմնց'

և բաժակի իմոյ դու ես , որ այսրէն
դարձուցանես զժառանգութիւն իմ յիս :

6 Ա իճակք ելին ինձ ընդ ընտիրս , և
ժառանգութիւն իմ հաճոյ եղև ինձ :

7 Օրհնեցից զտէր՝ որ իմաստուն
արար զիս , մինչ ՚ի գիշերի ևս խրատե-
ցին զիս երիկամունք իմ :

8 Յառաջագոյն տեսանէի զտէր առա-
ջի իմ յամենայն ժամ , զի է ընդ աջմէ
իմմէ , զի մի՛ սասանեցայց :

9 Ա անն այսորիկ ուրախ եղև սիրտ
իմ , և ցնծացաւ լեզու իմ , ևս և մար-
մին իմ բնակեսցէ յուսով :

10 Օի ոչ թողցես զանձն իմ ՚ի
դժոխս , և ոչ տացես սրբոյ քում տե-
սանել զապականութիւն :

11 Յուցեր ինձ զճանապարհս քո կե-
նաց , լցուցեր զիս ուրախութեամբ ե-
րեսաց քոց ՚ի քաղցրութենէ վայելչու-
թեան աջոյ քո մինչև ՚ի սպառ :

Տունք 11 :

ՍԱՂՄՈՍ Ժ.Օ.

Ստեփանոս ՚ի Գառնի :

1 Առ տէր արդարութեան , և նայեա
՚ի ինդրուածս իմ . ունկն դիր ազօթից
իմոց , զի ոչ շօթամբք նենգաւորօք :

2 Յերեսաց քոց իրաւունք ինձ ելցեն ,
և աչք իմ տեսցեն զուղղութիւն :

3 Փորձեցեր զսիրտ իմ , և քննեցեր 'ի զիշերի . փորձեցեր զիս , և ոչ գտաւ յիս անիրաւութիւն :

4 Մի խօսեսցի բերան իմ զգործս որդւոց մարդկան . վասն բանից շրթանց քոց ես պահեցից զճանապարհս խիստս :

5 Հաստատեա զշաւիղս իմ 'ի ճանապարհի քում , զի մի՛ գայթազղեսցին զնացք իմ :

6 Ես առ քեզ տէր կարդացի , զի լուար ինձ աստուած . խոնարհեցո առ իս զունկն քո , և լուր բանից իմոց :

7 Աքանչելի արարեր զողորմութիւնս քո . ո իբրեկես զայնոսիկ ոյք յուսացեալ են 'ի քեզ՝ յայնցանէ , ոյք հակառակ կան աջոյ քո :

8 Պահեա զիս որպէս բիբ ական . ընդ հովանեալ թւոց քոց ծածկեսցես զիս յերեսաց ամբարըշտաց , ոյք տառապեցուցին զիս :

9 Թշնամիք զանձն իմ պաշարեցին , և 'ի ճարպըն իւրեանց արգելին . և բերանք նոցա խօսեցան զամբարտաւանութիւն :

10 Մերժեցին զիս , և այժմ՝ զարձեալ պատեցան զինս . ուշ եղին խոնարհեցուցանել զիս յերկիր :

11 Համարեցան ինձ որպէս առիւծ զի

պատրաստի յորս , և որպէս կորիւն առիւծու զի նստի դարանեալ :

12 Երի տէր՝ Ժամանեա նոցա և խափանեա զնոսա . փրկեա զանձն իմ յամբարշտաց , 'ի սրոյ՝ և 'ի ձեռաց [Թշնամւոյն :

13 Տէր կորո զնոսա յերկրէ . բաժանեա և խափանեա զնոսա 'ի կեանս իւրեանց :

14 Գաղտնեօք քովք լցան որովայնք նոցա . յազեցան կերակրովք , և [Թողին զմնացուածս տղայոց իւրեանց :

15 Ես արդարութեամբ երևեցայց երեսաց քոց . յազեցայց յերևել փառաց քոց :

Տունք 15 : Գորղայս 32 :

ՍԵՂՄՈՍ ԺԷ

Ի հարարած 'ի վերայ պատերազմող նահապառի՛ ծառայնն պեառն դաւնի . զոր խօնեաց ընդ պեառն զբանս օրհնութեան , յառոր յորում փրկեաց զնա զնոր 'ի յեռաց ամենայն ինձամեաց , և 'ի յեռաց սատուղայ . և ասէ :

1 Սիրեցից զքեզ՝ տէր զօրութիւն իմ , տէր հաստատիչ իմ , ապաւէն իմ և փրկիչ իմ :

2 Եստուած օգնական իմ , և ես յուսամ 'ի նա . ապաւէն իմ , եղջիւր փրկութեան իմոյ ընդունելի իմ է :

3 Օրհնելով կարգացից առ տէր , և 'ի [Թշնամեաց իմոց ապրեցայց :

4 Շուրջ եղեն զինև երկունք մահու .

և ուղիք անօրէնութեան խռովեցուցին զիս :

5 Ա իշար դժօխոց պաշարեցին զիս .
և ժամանեցին ինձ որոգայթք մահու :

6 Ի նեղութեան խնամ ևս առ տէր
կարգացի , և առ աստուած իմ աղաղա-
կեցի :

7 Առաւ ինձ 'ի տաճարէ սրբոյ իւրմէ :
ձայնի աղօթից իմոց . և աղաղակ իմ
առաջի նորա մտղէ յականջս նորա :

8 Խռովեցաւ և դողաց երկիր , և հի-
մունք յերանց սասանեցան և խռովե-
ցան , զի բարկացաւ 'ի վերայ նոցա աս-
տուած :

9 Այ ծուխ 'ի բարկութենէ նորա , և
հուր յերեսաց նորա բորբոքեցաւ , և
փայլատակունք հատան 'ի նմանէ :

10 Խանարհեցոյց զերկինս և Էջ . և մէդ
'ի ներքոյ ոտից նորա :

11 Այ 'ի քրովելս և թռեաւ . սլացաւ
նա 'ի թևս հողմոց :

12 Այ զիսնար 'ի ծածկոյթ իւր , և
շուրջ գնովաւ են յարկը իւր . և խաւա-
րային ջուրք մինչև յամպս օդոց :

13 Ի փայլատակել նորա առաջի նոցա ,
ամպք անցուցին զկարկունս , և զկայ-
ծակունս հուր :

14 Արտոաց տէր յերկնից , և բարձ-

րեալն ետ դձայն իւր 'ի կարկուտ , և 'ի կայծակունա հուր :

15 Առաքեաց գնեաա իւր և ցրուեաց գնտաա : յաճախեաց զփայլատակունա իւր , և խռովեցոյց գնտաա :

16 Արեւեցան արեւըր ջուրց , և յայտնեցան հիմունք աշխարհի :

17 Ի սաստէ քումիլէ տէր , և 'ի շնչել հոգւոյ բարկութեան քո :

18 Առաքեաց 'ի բարձանց և բնկարազեա . բնկարազեա 'ի ջուրց բազմաց :

19 Փրկեացէ զեա տէր 'ի թշնամեաց իմոց հզօրաց , և յատկեաց իմոց զի հզօր եղեն քան զեա :

20 Ժամանեցին ինձ յաւուր չարչարանաց իմոց . եղև տէր հզօրիչ իմ , և եհան զեա յանդորր . և փրկեացէ զեա տէր , զի կամեցաւ զեա :

21 Հատուցէ ինձ տէր ըստ արդարութեան իմում . ըստ ամբժութեան իմում հատուցէ ինձ :

22 Առ պահեցից զճանապարհս տնառն , և ոչ ամբարշտեցայց յաատուծոյ իմիլ :

23 Ամենայն իրաւունք նորա առաջի իմ են , և զարդարութիւն իւր ոչ 'ի բացէ արար յիսէն :

24 Աղէց և ես ամբիժ բնոյ նմա , և զգուշացայց յանօրէնութեան իմիլ :

25 Հատուացէ ինձ տէր ըստ արդարութեան իմում, ըստ սրբութեան ձեռաց իմոց առաջի աչաց իւրոց :

26 Ընդ սրբոյն սուրբ եղիցիս , ընդ առն ամբժի ամբիժ եղիցիս , ընդ ընտրեալն ընտրեալ եղիցիս , և զթիւրսն կործանեսցես :

27 Դու զժողովուրդս խոնարհս կեցուցանես . և զաչս ամբարտաւանից դու խոնարհեցուցանես :

28 Դու լուսաւոր առնես զճրագ իմ տէր . աստուած իմ , լոյս արա ինձ 'ի խաւարի :

29 Բև փրկեցայց 'ի փորձութենէ . աստուծով իմով անցից ընդ պարիսպս :

30 Եստուած իմ , ամբիժ են ճանապարհք նորա . և բանք տեառն ընտրեալ են . և ապաւէն ամենեցուն որք յուսան 'ի նս :

31 Այսն զի ո՞վ է աստուած բաց 'ի տեառնէ , կամ ո՞վ է աստուած բաց յաստուծոյ մերմէ :

32 Եստուած , որ զգեցուցեր ինձ զօրութիւն , և եղիր յամբժութեան զճանապարհս իմ :

33 Հաստատեցեր զոտս իմ որպէս զեղջերուի . և 'ի վերայ բարձանց կացուցեր զիս :

34 Ուսուցեր զձեռս իմ 'ի պատերազմ ,
և արարեր զբազուկ իմ որպէս զաղեղն
հաստ . և ետուր ինձ զպաշտպանութիւն
փրկութեան քոյ :

35 Աջ քո ընկալաւ զիս , և խրատ քո
կանգնեաց զիս իսպառ , և խրատ քո
ուսուցէ զիս :

36 Բնդարձակեցեր զզնացս իմ 'ի
ստորէ իմմէ . և ոչ տկարացան շաւիղք
իմ :

37 Հալածեցից զթշնամիս իմ և հա-
սից նոցա . և ոչ դարձայց 'ի նոցանէ՝
մինչև սպառեցից զնոսա :

38 Նեղեցից զնոսա , և այլ մի՛ կարաս-
ցեն կեալ . և անկցին 'ի ներքոյ ոտից
իմոց :

39 Օգեցուցեր ինձ զօրութիւն 'ի պա-
տերազմի . զյարուցեալսն 'ի վերայ իմ՝
ներքոյ իմ արարեր :

40 Օթշնամիս իմ հալածականս, ա-
րարեր , և զատելիս իմ սատակեցեր :

41 Աղաղակեցին , և ոչ ոք էր որ փրո-
կէր զնոսա . կարդացին առ տէր , և ոչ
լուաւ նոցա :

42 Մանրեցից զնոսա որպէս փոշի ա-
ռաջի հողմոյ . և որպէս կաւ գռեհաց
կոխեցից զնոսա :

43 Փրկեսցէ զիս տէր 'ի հակառակու-

Թենէ ժողովրդոց , և կացուցէ զիս
զլուխ հեթանոսաց :

44 Ժողովուրդ՝ զոր ոչ գիտէի , ծա-
ռայեաց ինձ , և ՚ի լուր ականջաց լուա-
ինձ :

45 Որդիք օտարաց ստեցին ինձ . որ-
դիք օտարաց մաշեցան , և կաղացան ՚ի
շաւղաց իւրեանց :

46 Աննդանի է տէր և օրհնեալ է աս-
տուած . և բարձր եղիցի աստուած փրո-
կութեան իմոց :

47 Աստուած է որ խնդրէ զվրէժ իմ ,
և հնազանդ առնէ զժողովուրդս ընդ
ինև :

48 Փրկիչ իմ ՚ի թշնամեաց իմոց բար-
կացողաց , յայնցանէ որ յարուցեալ են
՚ի վերայ իմ , բարձր արարեր զիս , և
յառնէ անիրաւէ փրկեսեր զիս :

49 Ասան այսորիկ խոստովան եղէց
քեզ ՚ի հեթանոսս , և անուան քում սաղ-
մոս ասացից :

50 Մեծ արարեր զփրկութիւն թա-
գաւորի նորա . առնել ողորմութիւն ընդ
օձելոյ նորա ընդ դաւթի , և ընդ զաւա-
կի նորա ազգէ մինչև յազգ :

Ի խորարած : սոցնո 'ի դասին :

1 Երկինք պատմեն զփառս աստուծոյ .
և զարարածս ձեռաց նորա պատմէ հաս-
տատութիւն :

2 Օր աւուր բղխէ զբան . և զիշեր զի-
շերի ցուցանէ զգիտութիւն :

3 Ոչ են բանք և ոչ են խօսք , որոց ոչ
լին ձայնք նոցա :

4 Ընդ ամենայն երկիր ել բարբառ նո-
ցա , մինչև 'ի ծագս աշխարհի են խօսք
նոցա :

5 Յարևու եհար զխորան իւր . և ինքն
որպէս փեայ՝ զի ելանէ յառազաստէ
իւրմէ . և ցնծայ նա որպէս սկայ յըն-
թանալ զճանապարհս իւր :

6 Ի ծագաց երկնից են ելք նորա . և
հանգիստ նորա մինչև 'ի ծագս նորուն . և
ոչ որ իցէ , որ թագիցէ 'ի տապոյ նորա :

7 Օրէնք տեառն ամբիժ՝ են , և՞ զար-
ձուցանեն զհոգիս . վկայութիւն տեառն
հաւատարիմ , և իմաստուն առնէ զտը-
ղայս :

8 Երգարութիւն տեառն ուղիղ է , և
ուրախ առնէ զսիրտս . պատուիրանք
տեառն լոյս են , և լոյս տան աչաց . եր-
կիւղ տեառն սուրբ է , և մնայ յաւի-
տեան :

9 Դատաստան տեառն ճշմարիտ է , և արդար է 'ի նոյն :

10 Յանկալի է նա քան զոսկի և քան զականս պատուականս բազումս . քաղցր է նա քան զմեղու խորիսխ :

11 Բանզի ծառայ քո պահեսցէ զայս . 'ի պահել՝ նմա հատուցումն բազում .

12 Օյանցուածս իւր ո՞վ կարէ առնուլ 'ի միտ . 'ի զաղտնեաց իմոց սուրբ արա զիս տէր , և յօտարէն պահեա զծառայս քո :

13 Ապա թէ ոչ տիրեսցեն ինձ , յայնժամ անբիծ եղէց , և սուրբ եղէց 'ի մեղաց մեծաց :

14 Եղեցին քեզ հաճոյ բանք բերանոյ իմոյ , և խորհուրդք սրտի իմոյ առաջի քո յամենայն ժամ . տէր օգնական իմ և փրկիչ իմ :

Տունք 14 :

ՍԵՂՄՈՍ ԺԹ

Ի Բաբարոս . սուրբ 'ի դառնիլ :

1 Առիցէ քեզ տէր յաւուր անձկութեան . օգնական եղեցի քեզ անուն աստուծոյ յակորայ :

2 Առաքեսցէ քեզ տէր օգնութիւն 'ի սրբութենէ իւրմէ , և 'ի սիովնէ ընկալցի զքեզ :

3 Յիշեացէ տէր զամենայն պատարագս քո , և զուխտս քո ընդունելի արասցէ :

4 Տացէ քեզ տէր ըստ սրտի քում . և զամենայն խորհուրդս քո նա կատարեսցէ :

5 Յնծասցուք մէք 'ի փրկութեան քում . յանուն աստուծոյ մերոյ մէք մեծք եղիցուք :

6 Ացուսցէ տէր զամենայն խնդրուածս քո . այժմ՝ ծանեաք , զի կեցոյց տէր զօճեալ իւր :

7 Առաւ սմա յերկնից 'ի սրբութենէ իւրմէ , 'ի զօրութիւն փրկութեան աջոյ իւրոյ :

8 Սոքա կառօք և սոքա երիվարօք . այլ մէք զանուն տեառն աստուծոյ մերոյ կարդասցուք :

9 Սոքա խափանեցան և անկան . մէք յարեաք և ուղիղք եղաք :

10 Տէր կեցո զթագաւորն , և լուր մեզ յաւուր յորում կարդասցուք առ քեզ :

Տունք 10 :

ՄԱՂՄՈՍ Ի

Ի խորհրդ . սուղնս 'ի դուռնի :

1 Տէր 'ի զօրութեան քում ուրախ եղիցի թագաւորն . 'ի փրկութեան քում ցնծասցէ յոյժ :

2 Օջանկութիւն սրտի նորա ետուր

նմա , և զկամս շրթանց նորա ոչ արգելեր 'ի նմանէ :

3 Ժաման արարեր զնա յօրհնութիւն քաղցրութեան քոյ . և եղիր 'ի գլուխ նորա պսակ 'ի քարէ պատուականէ :

4 Աեանս խնդրեաց 'ի քէն , և ետուր նմա ընդ երկայն աւուրս՝ յաւիտեանս յաւիտենից :

5 Մեծ են փառք նորա 'ի փրկութեան քում . զփառս և զմեծ վայելչութիւն զիցես 'ի վերայ նորա :

6 Տացես զնա յօրհնութիւն յաւիտեանս յաւիտենից . և ուրախ արասցես զնա յուրախութիւն երեսաց քոց :

7 Թագաւոր յուսացաւ 'ի տէր . յողորմութենէ բարձրելոյն նա մի՛ սասանեսցի :

8 Գտցի ձեռն քո 'ի վերայ թշնամեաց քոց : և աջ քո գտցէ զամենայն ատելիս քո :

9 Դիցես զնոսա որպէս հնոց 'ի հուր՝ 'ի ժամանակի երեսաց քոց :

10 Տէր բարկութեամբ իւրով խռովեցուցէ զնոսա . և հուր կերիցէ զնոսա :

11 Պտուղ նոցա յերկրէ կորիցէ . և զաւակ նոցա յորդւոց 'ի մարդկանէ :

12 Խոտորեցան 'ի քէն չարութեամբ .

խորհեցան խորհուրդ , զոր ոչ կարասցեն
հաստատել :

13 Արասցես զնոսա հալածեալս . 'ի
մնացուածս քո պատրաստեցես զերեսս
'նոցա :

14 Բարձր լեր տէր 'ի զօրութեան
քում . օրհնեսցուք , և սաղմոս ասա-
ցուք զօրութեանց քոց :

Յուդ. 14 : Գորդայ. 38 :

ՍՇՂՄՈՍ ԻՇ

Ի խորարած . կան առաստաղն օրհնութեանց սաղմոս 'ի դասելն :

1 Աստուած աստուած իմ՝ նայեաց առ
իս . ընդէր թողեր զիս . հեռի եղէ 'ի
փրկութենէ իմմէ վասն բանից յանցա-
նաց իմոց :

2 Աստուած իմ , 'ի տուէ կարգացի
առ քեզ , և ինձ ոչ լուար . 'ի զիշերի , և
ինձ ոչ անսացեր :

3 Դու 'ի սուրբս բնակեալ ես . և գո-
վեալդ իսրայելի :

4 Ի քեզ յուսացան հարքն մեր . յու-
սացան 'ի քեզ , և փրկեցեր զնոսա :

5 Առ քեզ աղաղակեցին , և կեցին . 'ի
քեզ յուսացան , և ոչ ամաչեցին :

6 Այլ ես որդն եմ , և ոչ եմ մարդ .
նախատինք մարդկան , և արհամարհանք
ժողովրդոց :

7 Ամենքեան որք տեսանէին զիս , ար-

Համարհէին զինն . խօսէին շրթամբք ,
և շարժէին զգլուխս իւրեանց :

8 Յուսացաւ 'ի տէր , և փրկեացէ զնա .
կեցուցէ զնա , զի կամի զնա :

9 Դու ես՝ որ հաներ զես յարզանդէ .
յոյս իմ 'ի ստեանց մօր իմոյ :

10 Ի քեզ անկայ ես յարզանդէ , յո-
րովայնէ մօր իմոյ դու ես աստուած իմ :

11 Մի 'ի բացեայ առնիր յինէն՝ զի
նեղութիւնք մերձեալ են . և ոչ որ է՝ որ
օգնէ ինձ :

12 Շուրջ եղեն զինն զուարակք բա-
ղումք . և ցուր զէքք պաշարեցին զես :

13 Բացին 'ի վերայ իմ զբերանս իւր-
եանց , որպէս առիւծ՝ զի մոնչէ և յա-
փրշտակէ :

14 Ես որպէս ջուր հեղայ , և ցրուեցան
ամենայն ոսկերք իմ . և եզև սիրտ իմ
որպէս մոմ հալեալ 'ի մէջ որովայնի
իմոյ :

15 Չորացաւ որպէս խեցւոյ զօրութիւն
իմ . լեզու իմ 'ի քիմս իմ կցեցաւ . և 'ի
հող մահու իջուցին զես :

16 Շուրջ եղեն զինն շունք բաղումք .
և ժողովք շարաց պաշարեցին զես :

17 Ծակեցին զձեռս իմ և զոտս իմ ,
և թուեցին զամենայն ոսկերս իմ . նորա
հայեցան և տեսին զես :

18 Բաժանեցան զհանդերձս իմ՝ ի մէջ իւրեանց , և ՚ի վերայ պատմութեանի իմոյ վիճակս արկանէին :

19 Դու տէր մի՛ հեռի առներ զօգնութիւն քո յինէն . և տէր յօգնել ինձ նայեաց :

20 Փրկեա ՚ի սրոյ զանճն իմ , և ՚ի ձեռաց շանց զմիամօրութիւն իմ :

21 Փրկեա զես ՚ի բերանոյ առիւծու , յեղջերէ միեղջերոյ զխոնարհութիւն իմ :

22 Պատմեցից զանուն քո եղբարց իմոց . ՚ի մէջ եկեղեցւոյ օրհնեցից զքեզ :

23 Երկիւղածք տեսուն օրհնեցէք զտէր . ամենայն զաւակն յակովբեան փառաւոր արասցեն զնա :

24 Երկիցէ ՚ի տեսունէ ամենայն զաւակն իսրայելի , զե ոչ արհամարհեաց՝ ոչ անարգեաց տէր զաղօթս աղբատիս , և ոչ դարձոյց զերեսս իւր յինէն ; այլ ՚ի կարդալ իմում առ նա՝ լուաւ ինձ :

25 Ի քէն է գովութիւն իմ , յեկեղեցիս մեծս օրհնեցից զքեզ :

26 Չուխտս իմ կատարեցից առաջի ամենայն երկիւղածաց նորա :

27 Կերիցեն տնանկք և յազեսցին . օրհնեսցեն զտէր՝ որ խնդրեն զնա :

28 Կեցցեն սիրտք նոցա յաւիտեանս
յաւիտենից . յիշեսցեն , և դարձցին առ
տէր ամենայն ծագք երկրի :

29 Երկիր պազցեն նմա ամենայն տոհմք
ազանց . զի տեառն է արքայութիւն ,
և նա տիրէ 'ի վերայ ամենայն հեթա-
նոսաց :

30 Կերան և երկիր պազին նմա ամե-
նայն պարարտք երկրի . առաջի նորա
անկցին ամենեքեան՝ որ իջանեն 'ի հող :

31 Ենձն իմ նովաւ կեայ . և զաւակ
իմ ծառայեսցէ նմա :

32 Պատմեսցի տեառն ազգ՝ որ գալոցն
է . պատմեսցեն զարդարութիւն նորա
ժողովոզեան , որ ծնանելոցն է՝ զոր ա-
րար տէր :

Տունք 32 :

ՍԵՂՄՈՍ ԻԲ

Ի Կարգաթ . ստանա 'ի դասին :

1 Տէր հովուեսցէ զես , և ինձ ինչ ոչ
պակասեսցի :

2 Ի վայրի դաւարութ՛ անդ բնակեցոյց
զես , և առ ջուրս հանգստեան սնոյց
զես :

3 Դարձոյց զանձն իմ առ իս , և
առաջնորդեաց ինձ 'ի ճանապարհս
արդարութեան վասն անուան իւրոյ :

4 Թէպէտ և զնացից ես 'ի մէջ ստուե-

րաց մահու , ոչ երկեայց 'ի չարէ , զե
դու տէր ընդ իս ես :

5 Յուպ քո և զաւազան՝ նորբա մխի-
թարեացեն զիս :

6 Պատրաստ արարեր առաջի իմ սե-
ղան՝ ակն յանդիման նեղչաց իմոց :

7 Օծեր իւղով զգլուխ իմ . բաժակ
քո որպէս անապակ արբեցոյց զիս :

8 Ողորմութիւն քո տէր զհետ իմ ե-
կեցէ զամենայն աւուրս կենաց իմոց .
բնակել ինձ 'ի տան տեառն ընդ երկայն
աւուրս :

Տունք 8 :

ՄԱՂՄՈՍ ԻԳՒ

Սաղմոս 'ի դաւիթ . յառաջաբանս :

1 Տեառն է երկիր լիւ իւրով . աշ-
խարհ և ամենայն բնակիչք նորա :

2 Նա ինքն 'ի վերայ ծովու հիմունս
արկ նմա . 'ի վերայ զետոց պատրան-
տեաց զնա :

3 Ո՞վ ելցէ 'ի լեառն տեառն . կամ ո՞վ
կացցէ 'ի տեղոջ սրբութեան նորա :

4 Որ սուրբ է ձեռօք և ամբիծ սրտիւ .
որ ոչ էառ զնանրութիւն յանձն իւր , և
ոչ երդուաւ նենգութեամբ ընկերի իւ-
րում :

5 Սա առցէ զօգնութիւն 'ի տեառնէ ,
զողորմութիւն յաստուծոյ փրկչէ իւրմէ :

6 Եյս ազգ է՝ որ խնդրէ զտէր . խնդրէ տեսանել զերեսս աստուծոյ յակորայ :

7 Համբարձէք իշխանք զդրունս ձեր ՚ի վեր . համբարձցին դրունք յաւիտենից , և մտցէ թագաւոր փառաց :

8 Ո՞վ է սա թագասոր փառաց . տէր հզօր զօրութեամբ իւրով . տէր հզօր ՚ի պատերազմի :

9 Համբարձէք իշխանք զդրունս ձեր ՚ի վեր . համբարձցին դրունք յաւիտենից , և մտցէ թագաւոր փառաց :

10 Ո՞վ է սա թագաւոր փառաց . տէր զօրութեանց՝ սա ինքն է թագաւոր փառաց :

Տունք 10 : Գորղայս 50 :

ՍԵՂՄՈՍ ԻԳ

Ի հարարած . սաղմս ՚ի դաւիթ :

1 Եռ քեզ տէր համբարձի զանձն իմ . աստուած իմ ՚ի քեզ յուսացայ , մի՛ ամաչեցից . և մի՛ ծիծաղեսցին զենև թշնամիք իմ :

2 Եմենեքեան որ համբերեն քեզ , մի՛ ամաչեսցեն . այլ ամաչեսցեն անօրէնք յունայնութեան իւրեանց :

3 Օճանապարհս քո տէր ցոյց ինձ , և զշաւիղս քո ուսո ինձ :

4 Եռաջնորդեա ինձ ՚ի ճշմարտութեան քում և ուսո զիս , զի դու ես աս-

տուած փրկիչ իմ . և ես քեզ համբերի
զօրհանապաղ :

5 Յիշեա տէր զգթութիւնս քո և
զողորմութիւնս քո , որ են յաւիտե-
նից :

6 Չմեղս մանկութեան իմոյ և զան-
գիտութեան իմոյ մի՛ յիշեր . այլ յիշեա
զեա տէր ըստ ողորմութեան քում վասն
քաղցրութեան քոյ . զի քաղցր և ուղիղ
ես :

7 Ասան այսորիկ օրէնսզէտ առնես
զմեղաւորս ՚ի ճանապարհի . առաջնոր-
դես հեզոց ՚ի դատաստանի . և ուսու-
ցանես հեզոց զճանապարհս քո :

8 Մենայն ճանապարհք տեառն ողոր-
մութեամբ և ճշմարտութեամբ են այ-
նոցիկ , որ խնդրեն զուխտ և զվկայու-
թիւննորա :

9 Ասան անուան քոյ տէր քաւեա զմեզն
իմ , զի բազում եղեն . ո՞վ է մա՞րդ որ
երկնչի ՚ի տեառնէ . օրէնսզէտ առնէ զնա
՚ի ճանապարհի՝ յոր և հաճեցաւ :

10 Մնճննորա ՚ի բարութեան հանգի-
ցէ . և զաւակնորա ժառանգեսցէ զեր-
կիր :

11 Չօրութիւն է տէր երկիւղածաց
իւրոց . և զկտակարանս իւր ուսուցանէ
նոցա :

12 Եւք իմ յամենայն ժամ առ տէր .
և նա հանէ յորոգայթէ զոտս իմ :

13 Նայեա առ իս և ողորմեա ինձ , զի
միամօր և աղքատ եմ ես :

14 Նեղութիւնք սրտի իմոյ բազում
եղեն յոյժ . և ՚ի վշտաց իմոց հան
զիս :

15 Տես զխոնարհութիւն իմ և զվաս-
տակ իմ , և թող ինձ զամենայն զմեզս
իմ :

16 Տես զթշնամիսն իմ , զի բազում
եղեն , ատելութիւն՝ զոր ՚ի նանիր ատե-
ցին զիս :

17 Պահեա զանձն իմ և փրկեա զիս .
և մի՛ յամօթ եղէց , զի յուսացայ ՚ի
քեզ :

18 Եմբիծք և ուղիղք կցորդ եղեն ինձ ,
և ես քեզ համբերի . փրկեա աստուած
զիսրայէլ յամենայն նեղութեանց նորա :

Տունք 18 :

ՍՆՂՄՈՍ ԻՆ

Ի Գառնի . սուրբ ՚ի դասիլ :

1 Դատ արա ինձ տէր՝ զի ես յամբժու-
թեան իմում գնացի , ՚ի տէր յուսացայ՝
զի մի՛ եղէց հիւանդ :

2 Փորձեա զիս տէր և քննեա զիս .
փորձեա զերիկամունս իմ և զսիրտ իմ :

3 Ողորմութիւն քո տէր առաջի աչաց

իմոց . և հաճոյ եղէց ճշմարտութեան
քում :

4 Ոչ նստայց ես յաթոռս նանրաց , և
ընդ անօրէնս ևս ոչ մտից :

5 Ետեցի ես զժողովս չարաց , և ընդ
ամբարիշտս ևս ոչ նստայց :

6 Լուացայց սրբութեամբ զձեռս իմ ,
և շուրջ եղէց զսեղանով քո տէր :

7 Լսել ինձ զձայն օրհնութեան քո և
պատմել զամենայն սքանչելիս քո :

8 Տէր սիրեցի զվայելչութիւն տան քո ,
և զտեղի յարկի փառաց քոց :

9 Մի կորուսաներ ընդ ամբարիշտս
զանձն իմ , և մի՛ ընդ արս արիւնահեղ
զկեանս իմ :

10 Որոց ձեռք իւրեանց յանօրէնու-
թեան են . և աջ նոցա լի է կաշառօք :

11 Ես յամբժութեան իմում գնացի .
փրկեա զես տէր և ողորմեա ինձ :

12 Ոտն իմ կացցէ յօղորութեան .
յեկեղեցիս մեծս օրհնեցից զքեզ :

Տունք 12 :

ՄԱՂՄՈՍ Ի.Օ.

Սաղմոս 11 գրածի . Գնչիս օծեալ եր :

1 Տէր լոյս իմ և կեանք իմ . և յում-
մէ՞ երկեայց . տէր ապաւէն կենաց իմոց՝
ևս յումմէ՞ զողացայց :

2 Ի մերձենալ առ իս չարաց ուտել

զմարմին իմ, նեղիչք իմ և թշնամիք իմ, նոքա տկարացան և անկան :

3 Թէ պատրաստեսցի 'ի վերայ իմ պատերազմ, ոչ երկիցէ սիրտ իմ. թէ յարիցէ 'ի վերայ իմ ճակատամարտ, սակայն և այսուիկ 'ի քեզ տէր յուսացայ :

4 Օմի խնդրեցի 'ի տեառնէ, և զսոյն աղաչեմ. բնակել ինձ 'ի տան տեառն զամենայն աւուրս կենաց իմոց :

5 Տեսանել ինձ զվայելչութիւն տեառն, և հրաման տալ 'ի տաճարի նորա :

6 Ծածկեաց զիս 'ի խորանի իւրում յաւուր չարի. ընդ յարկաւ արար զիս 'ի ծածկոյթ խորանի իւրում :

7 Ի վիմէ բարձր արարեր զիս, և այժմ բարձր արա զզլուխ իմ 'ի վերայ թշնամեաց իմոց :

8 Շուրջ եղէց՝ և մատուցից 'ի խորանի նորա պատարագ օրհնութեան. օրհնեցից և սաղմոս ասացից տեառն :

9 Աւուր տէր ձայնի իմում, զի կարգացի առ քեզ. ողորմեա ինձ և լուր ինձ, զի քեզ ասաց սիրտ իմ. և խնդրեցին երեսք իմ, զերեսս քո տէր խնդրեցին :

10 Մի գարձուցաներ զերեսս քո յինէն, և մի՛ խոտորիւր բարկութեամբ 'ի ծառայէ քումմէ :

11 Օգնական իմ լեր տէր , և մի՛ աշարգեր զես , և մի՛ թողուր զես աստուած փրկիչ իմ :

12 Հայր իմ և մայր իմ թողին զես . և տէր իմ ընկալաւ զես :

13 Օրէնագէտ արա զես տէր 'ի ճանապարհի քում , և առաջնորդեա ինձ 'ի շաւիղս քո ուղիղս :

14 Ասան թշնամեաց իմոց , մի՛ մատներ զես 'ի ձեռս նեղչաց իմոց :

15 Յարեան 'ի վերայ իմ վկայք մեղաց , և ստեցին ինձ յանօրէնութեան իւրեանց :

16 Հաւատացի տեսանել զբարութիւն տեսուն յերկրին կենդանեաց . համբեր տեսուն և քաջալերեաց . զօրացի սիրտ քո և համբեր տեսուն :

Տուր 16 : Գորշայս 46 :

ՍԵՂՄՈՍ ԻԷ

Սաղմոս 'ի դաւիթ :

1 Եւ քեզ տէր կարդացի աստուած իմ , մի՛ լուեր յինէն , մի՛ երբէք լռեսցես յինէն . նմանիցեմ այնոցիկ՝ որ իջանեն 'ի գուր :

2 Լուր տէր ձայնի խնդրուածաց իմոց յաղաչել ինձ առ քեզ , 'ի համբառնալ ձեռաց իմոց 'ի տաճար սուրբ քո :

3 Մի՛ համարիր ընդ ամբարիշտս զանձն

իմ . և մի՛ ընդ այնոսիկ՝ որ գործեն զանօրէնութիւն , կորուսաներ զես :

4 Այք խօսէին զխաղաղութիւն ընդ ընկերս իւրեանց , և չարութիւն է 'ի սիրտս նոցա :

5 Տուր նոցա տէր ըստ գործս նոցա . ըստ անօրէնութեան զնացից նոցա հատո նոցա :

6 Ըստ գործոց ձեռաց նոցա հատո նոցա՝ զհատուցումն նոցա նոցին :

7 Աչ իմացան նոքա զգործս տեառն , և ոչ 'ի գործս ձեռաց նորա հայեցան . կործանեսցես զնոսա , և այլ մի՛ շինեսցին :

8 Օրհնեալ է տէր՝ զի լուաւ ձայնի աղօթից իմոց . տէր օգնական իմ և պաշտպան իմ :

9 Ի նա յուսացաւ սիրտ իմ . օգտեցաւ և զուարճացաւ մարմին իմ . և ես կամօք իմովք խոստովան եղէց նմա :

10 Տէր զօրութիւն ժողովրդեան իւրոյ , ապաւէն փրկութեան օծելոյ իւրոյ :

11 Փրկեա զժողովուրդ քո , և օրհնեա զժառանգութիւն քո . հովուեա և բարձրացո զնոսա մինչև յաւիտեան :

Տունք 11 :

1 Մատուցէք տեառն՝ որդիք աստուծոյ , մատուցէք տեառն զորդիս խոյոց :

2 Մատուցէք տեառն զփառս և զպատիւ . մատուցէք տեառն զփառս անուան նորա . և երկիր պազէք տեառն 'ի սրահ սրբութեան նորա :

3 Չայն տեառն 'ի վերայ ջուրց՝ և աստուած փառաց որոտաց . և տէր ինքն 'ի վերայ ջուրց բազմաց :

4 Չայն տեառն զօրութեանց , և ճայն տեառն մեծվայելչութեանց :

5 Չայն տեառն փշթէ զմայրս , և մանրէ տէր զմայրսն լիբանանու :

6 Մանրեսցէ զնոսա որպէս մատաղատունկն լիբանանու . որ սիրելին է որպէս զորդիս միեղջերոյ :

7 Չայն տեառն հատանէ զբոց 'ի հրոյ . ճայն տեառն շարժէ զանապատն , և խոռվեցուցանէ տէր զանապատն կաղէս :

8 Չայն տեառն հաստատէ զեղջերուս . և յայտնի առնէ զանտառս :

9 Ի տաճարի նորա ամենայն որ ասեն զփառս նորա :

10 Տէր զջոհեղեղս նստուցանէ և ցածուցանէ . [Թագաւորեսցէ տէր յաւիտեան :

11 Տէր զօրութիւն ժողովորդեան իւրոյ

տացէ . և օրհնեսցէ զժողովուրդ իւր 'ի խաղաղութիւն :

Տունք 11 :

ՄԱՂՄՈՍ ԻԹ՝

Սաղմոս օրհնութեանց նաաւագարեաց քառասուն 'ի դաւիթ :

1 Բարձր առնեմ զքեզ տէր , զի ընկալար զիս , և ոչ ուրախ արարեր զթըշնամին իմ յիս :

2 Տէր աստուած իմ՝ կարդացի առքեզ , և բժշկեցեր զիս . տէր հաներ 'ի զժոխոց զանձն իմ . փրկեցեր զիս յայնցանէ , որ իջանեն 'ի գուբ :

3 Սաղմոս ասացէք տեառն սուրբք նորա . խոստովան եղերուք յիշատակի սրբութեան նորա :

4 Սրամտութիւն է 'ի բարկութեան նորա . և կեանք են 'ի կամաց նորա :

5 Ընդ երեկոյս հանգիցեն լալեք . առաւօտու եղեցի ուրախութիւն :

6 Ես ասացի 'ի բարեկենդանութեան իմում . թէ ոչ սասանեցայց յաւիտեան :

7 Տէր 'ի կամս քո ետուր գեղոյ իմոյ զօրութիւն . զարձուցեր զերեսս քո յինէն , և ես եղէ խոովեալ :

8 Եւ քեզ տէր կարդացի , և առ աստուած իմ աղաչեցի . զի՞նչ օգուտ է քեզ յարենէ իմմէ , թէ իջանեմ ես յապականութիւն :

9 Միթէ հող խոստովան առնիցի առ
քեզ . կամ պատմեսցէ՞ զճշմարտութիւնս
քո :

10 Լուա ինձ տէր և ողորմեցաւ , և
տէր եղև ինձ օգնական :

11 Դարձոյց զսուգ իմ յուրախու-
թիւն . զերծ յինէն զքուրձ , և ինձ զգե-
ցոյց զուրախութիւն :

12 Արպէս սաղմոս ասասցեն քեզ
փառք իմ . և այլ մի՛ ևս զղջացայց . տէր
աստուած իմ յաւիտեան խոստովան եղէց
քեզ :

Յունք 12 . Գորդոյս 34 :

ՄԱՂՄՈՍ Լ

Ի Կապարոմ . Խաճաբախութիւն գովութեան . սաղմոս 1 քառիւն :

1 Ի քեզ տէր յուսացայ , մի՛ ամաչե-
ցից յաւիտեան . յարդարութեան քում
փրկեա զիս և ապրեցո զիս :

2 Խոնարհեցո առ իս զունկն քո : Վաղ-
վաղեա կեցուցանել զիս :

3 Լեր իմ աստուած պաշտպան և տուն
ապաինի ապրեցունցանել զիս . զի հզօ-
րիչ իմ և ապաւէն իմ զու ես :

4 Վանն անուան քոյ տէր առաջնոր-
դեցեր ինձ , և սնուցեր զիս . և հանցես
զիս յորոգայթէ յայսմանէ , որ թագու-
ցաւ ինձ :

5 Դու ես պաշտպան իմ տէր , և 'ի ձեռս քո յանձն առնեմ զհոգի իմ :

6 Փրկեցեր զիս տէր աստուած Ճշմարտութեամբ քով . ատեցեր զայնոսիկ՝ որ պահեն զերկիւղ 'ի սնոտիս :

7 Աս 'ի տէր յուսացայ , ցնծացայց և ուրախ եղէց 'ի փրկութեան քում :

8 Հայեցար 'ի խոնարհութիւն իմ , և փրկեցեր 'ի վշտաց զանձն իմ , և ոչ մատնեցեր զիս 'ի ձեռս նեղչաց իմոց . և կացուցեր յանդորրու զոտս իմ :

9 Ողորմեա ինձ տէր , զի նեղեալ եմ ես . խռովեցաւ 'ի սրտմտութենէ ակն իմ , անձն իմ և փոր իմ :

10 Պակասեցան 'ի ցաւոց կեանք իմ , և ամբ իմ յոգւոց ելանելոյ :

11 Աղքատացաւ 'ի տկարութենէ զօրութիւն իմ . և ոսկերք իմ խռովեցան :

12 Քան զամենայն թշնամիս իմ եղէ ես նախատ զբացեաց իմոց , յոյժ ահ և երկիւղ ծանօթից իմոց :

13 Ամենեքեան ոյք տեսանէին զիս , արտաքս փախչէին յինէն :

14 Մոռացեալ եղէ ես որպէս մեռեալ 'ի սրտէ . և եղէ ես որպէս զանօթ կորուսեալ :

15 Օհ լուայ ես զբամբասանս բազմաց՝ որ շուրջ էին զինև . 'ի ժողովել նոցա 'ի

միասին , առնուլ զանձն իմ խորհեցան .
այլ ես 'ի քեզ տէր յուսացայ :

16 Ասացի դու ես աստուած իմ , և 'ի
ձեռս քո ժառանգութիւն իմ :

17 Փրկեա զես 'ի ձեռաց թշնամեաց
իմոց , և 'ի հալածչաց իմոց :

18 Երևեցո զերեսս քո 'ի ծառայս քո .
ապրեցո զես տէր ըստ ողորմութեան
քում . տէր՝ մի՛ յամօթ եղէց , զի կար-
դացի առ քեզ :

19 Ամաշեսցեն ամբարիշտք , և իջցեն
'ի դժոխս . և համբ եղեցին շթունք
նենգաւորք , ոյք խօսէին զարդարոյ
զանիրաւութիւն յամբարտաւանել և
յանգոսնել իւրեանց :

20 Որպէս զի բազում է ողորմութիւն
քաղցրութեան քոյ տէր , զոր պահեցեր
երկիւղածաց քոց :

21 Արարեր դու այնոցիկ՝ ոյք յուսա-
ցեալ են 'ի քեզ , առաջի որդւոց մարդ-
կան :

22 Ամբացուցեր զնոսա 'ի ծանկոյթ
երեսաց քոց 'ի խռովութենէ մարդկան :

23 Ծածկեցեր զնոսա 'ի խորանի
քում , 'ի հակառակութենէ լեզուաց :

24 Օրհնեալ է տէր , զի սքանչելիս
արար , զողորմութիւն իւր 'ի քաղաք
ամուր :

25 Ես ասացի 'ի զարմանալ իմում ,
 թէ ընկեցայ ուրեմն յերեսաց աչաց քոց :

26 Ասան այսորիկ լուար ձայնի աղօ-
 թից իմոց յաղազակել իմում առ քեզ :

27 Սիրեցէք զտէր ամենայն սուրբք
 նորա , զի ստուգութիւն ինդրէ տէր . և
 հատուցանէ այնոցիկ , որ առաւել առ-
 նեն զամբարտաւանութիւն :

28 Քաջալերեցարուք , և զօրասցին
 սիրտք ձեր , ամենեքեան՝ ոյք յուսա-
 ցեալ էք 'ի տէր :

Տունք 28 :

ՍԵՂՄՈՍ ԼԵ

Իմաստութեան 'ի դասելն :

1 Երանի ում թողութիւն եղև մե-
 դաց . և ծածկեցան ամենայն յանցանք
 նորա :

2 Երանի առն՝ որում ոչ համարեսցի
 տէր՝ զմեզս նորա . և ոչ գոյ նենգութիւն
 'ի բերան նորա .

3 Լուցի ես՝ և մաշեցան ամենայն ոս-
 կերք իմ , առ աղազակել ինձ առ տէր
 զօրհանապազ 'ի տուէ և զիշերի :

4 Ծանրեաց ձեռն քո 'ի վերայ իմ .
 դարձայ 'ի թշուառութիւն , զի հարան
 յիս փուշք :

5 Չմեզս իմ ցուցից քեզ , և զանօ-
 բէնութիւնս իմ ոչ ծածկեցից 'ի քէն :

6 Եսացի՛ թէ պատմեցից ինձէն զմեղս իմ . և դու թողցես զամենայն ամբարշտու թիւնս մեղաց իմոց :

7 Վասն այսորիկ յաղօթս կացցեն առ քեզ ամենայն սուրբք՝ ՚ի ժամ ընդունելի :

8 Բայց միայն ՚ի ջուրցն հեղեղաց բազմաց , որ առ նոսա ինչ ոչ մերձեսցի :

9 Դու ես ապաւեն իմ ՚ի նեղութենէ յայսմանէ , որ շուրջ եղեն զինև :

10 Յնծութիւն իմ , փրկեա զիս յայնցանէ՝ որ պաշարեցին զիս :

11 Իմաստուն արարից զքեզ՝ և խելամուտ ՚ի ճանապարհ , յոր և գնացես . և հաստատեցից ՚ի վերայ քո զաչս իմ :

12 Մի լինիք որպէս զձիս և զջորիս , զի ոչ գոյ ՚ի նոսա իմաստութիւն . ՚ի սանձս և ՚ի դանդանաւանդս ճմլեսցես զկզակս նոցա , որ առ քեզ ինչ ոչ մերձեսցին :

13 Բազում տանջանք են մեղաւորաց . բայց ոյք յուսան ՚ի տէր , ողորմութիւն տեառն շուրջ եղիցի զնոքօք :

14 Ուրախ եղերուք և ցնծացէք արդարք . ՚ի տէր պարծեցարուք ամենեքեան՝ ոյք ուղիղ էք սրտիւք :

ՍԵՂՄՈՍ ԼԻ

Սաղմոս Ի Գոսթիլ :

1 Տնձացէք արդարք ՚ի տէր . ուղղոց վայելէ օրհնութիւն . խոստովան եղերուք տեառն օրհնութեամբ . տանադեաւ սաղմոսարանաւ սաղմոս ասացէք նմա :

2 Օրհնեցէք զտէր յօրհնութիւն նոր , զի բարի է . սաղմոս ասացէք նմա օրհնութեամբ :

3 Ուղիղ են պատգամք տեառն , և ամենայն գործք նորա հաւատովք են . և սիրէ զողորմութիւն և զիրաւունս տէր :

4 Ողորմութեամբ տեառն լի եղև երկիր , և բանիւ տեառն երկիրք հաստատեցան , և հոգւով բերանոյ նորա ամենայն զօրութիւնք նոցա :

5 Ժողովեաց որպէս ՚ի տիկս զջուրս ծովու . և զնէ ՚ի խորս զգանձս իւր :

6 Երկիցէ ՚ի տեառնէ ամենայն երկիր . և ՚ի նմանէ զողասցեն ամենայն բնակիչք աշխարհի :

7 Օ՛ի նա ասաց՝ և եղեն . ինքն հրամայեաց՝ և հաստատեցան .

8 Տէր ցրուէ զխորհուրդս հեթանոսաց . անարդէ տէր զխորհուրդս ժողովրդոց . և արհամարհէ տէր զխորհուրդս իշխանաց :

9 Խորհուրդ տեառն յաւիտեան մնայ ,
խորհուրդ սրտի նորա ազգէ մինչև
յազգ :

10 Երանի ազգի՝ որոյ տէր աստուած
օգնական է նմա . ժողովուրդ զոր ընտ-
րեաց 'ի ժառանգութիւն իւր :

11 Յերկնից նայեցաւ տէր յամենայն
որդդիս մարդկան , 'ի պատրաստ բնա-
կութենէ իւրմէ հայեցաւ յամենայն բնա-
կիչս աշխարհի :

12 Ո ստեղծ առանձին զսիրտս նո-
ցա , 'ի միտ առնու զամենայն գործս
նոցա :

13 Ոչ թէ 'ի բազում զօրս իւր ապրե-
ցի թագաւոր , և ոչ սկայ 'ի բազում զօ-
րութեան իւրում :

14 Սուտ է ձի 'ի փրկութեան իւրում .
'ի բազում զօրութեան իւրում ոչ ապրե-
ցուցանէ զհեծեալն :

15 Աչք տեառն 'ի վերայ երկիւղածաց
իւրոց . և ոչք յուսան յողորմութիւն
նորա :

16 Փրկել 'ի մահուանէ զանձինս նոցա .
կերակրել զնոսա 'ի սովե :

17 Անձինք մեր համբերեսցեն տեառն ,
զի օգնական և պաշտպան մեր է :

18 Ի նա ուրախ եղեցին սիրտք մեր ,
և յանուն սուրբ նորա յուսասցուք :

19 Եղեցի ողորմութիւն քո տէր 'ի վերայ մեր . որպէս յուսացաք 'ի քեզ :

Ցուկք 19 :

ՄԱՂՄՈՍ ԼԳ

Սաղմոս 'ի դաւիթ . 'ի ժամանակն զն այլագոհմանոց զերեսս իւր տառապն աբիթիւն-
հայ . և տպտա տրչախնոց զնա, և գնաց :

1 Օրհնեցից զտէր յամենայն ժամ , յամենայն ժամ օրհնութիւն նորա 'ի բերան իմ :

2 Ի տէր պարծեսցի անձն իմ . լուիցեն հեզք , և ուրախ եղեցին :

3 Մեծ արարէք զտէր ինև . և բարձր արասցուք զանուն նորա 'ի միասին :

4 Խնդրեցի 'ի տեառնէ և լուաւ ինձ . յամենայն նեղութենէ իմմէ փրկեաց զիս :

5 Մատիք առ տէր՝ և առէք զլոյս . և երեսք ձեր մի՛ ամաչեսցեն :

6 Այս աղքատ կարգաց առ տէր , և տէր լուաւ սմա . յամենայն նեղութենէ սորա՝ փրկեաց զսա :

7 Բանակ հրեշտակաց տեառն շուրջ է զերկիր զածովք իւրովք , և պահէ զնոսա :

8 Ճաշակեցէք և տեսէք , զի քաղցր է տէր , երանեալ է այր՝ որ յուսայ 'ի նա :

9 Երկերուք 'ի տեառնէ ամենայն սուրբք նորա . զի ոչինչ է պակասութիւն երկիր զածաց նորա :

10 Մեծամեծք աղքատացան և քաղցեան . բայց ոչք խնդրեն զտէր , մի՛ պակասեցէ 'ի նոցանէ , ամենայն բարութիւն :

11 Եկայք որդեակք իմ և լուարուք ինձ . և զերկիւղ տեառն ուսուցից ձեզ :

12 Ո՞վ է մարդ՝ որ կամի զկեանս , սիրէ զաւուրս իւր տեսանել 'ի բարութեան :

13 Լսեցո զլեզու քո 'ի չարութենէ . և շթունք քո մի՛ խօսեսցի զնենգութիւն :

14 Խոտորեա 'ի չարէ , և արա զբարի . խնդրեա զխաղաղութիւն , և երթ զհետ նորա :

15 Եչք տեառն 'ի վերայ արդարոց , և ականջք նորա 'ի վերայ աղօթից նոցա :

16 Երեսք տեառն 'ի վերայ չարագործաց , սատակել յերկրէ զյիշատակս նոցա :

17 Արդացին արդարքն առ տէր , և տէր լուաւ նոցա . յամենայն նեղութենէ նոցա փրկեաց զնոսա :

18 Մերձ է տէր առ այնոսիկ՝ որ մաշեալ են սրտիւք . և զխոնարհս հոգևով կեցուցանէ :

19 Բազում նեղութիւնք են արդարոց . յամենայնէ փրկէ զնոսա տէր . և պահէ զամենայն ոսկերս նոցա . և մի 'ի նոցանէ մի՛ փշրեսցի :

20 Մահ մեղաւորին չար է . բայց որ ատեայ զարդարն , զղջասցի :

21 Փրկէ տէր զանձինս ծառայից իւրոց . մի՛ զղջասցին ամենեքեան՝ ոյք յուսացեալ են 'ի նա :

[Տունք 21 : Գորդայս 40 :

ՍԱՂՄՈՍ ԼԴ

Ի խորոտոմ . սաղմոս 'ի դաւիթ :

1 Դատեա տէր զայնոսիկ՝ ոյք դատին զես . մարտիր ընդ այնոսիկ , որ մարտընչին ընդ իս :

2 Եռ զգէն և զասպար քո , և արի յօգնել ինձ . հան զսուր քո ընդդէմ հալածչաց իմոց , արգել զնոսա . և ասա դու ցանձն իմ , թէ փրկուիմ ին քո ես եմ :

3 Եմաչեսցեն և յամօթ լիցին՝ ոյք ինդրէին զանձն իմ . զարձցին յետս և ամաչեսցեն , որ խորհէին ինձ չար :

4 Եղիցին նոքա որպէս փոշի առաջի հողմոյ . և հրեշտակ տեառն նեղեսցէ զնոսա :

5 Եղիցին ճանապարհք նոցա 'ի խաւար և 'ի գայթազղութիւն , և հրեշտակ աստուծոյ հալածեսցէ զնոսա :

6 Ի նանիր թագուցին ինձ որոգայթ յապականութեան իւրեանց , և 'ի նանիր նախատեցին զանձն իմ :

7 Հասցէ 'ի վերայ նոցա որոգայթ , զոր ոչ գիտացին . և որս՝ զոր թագուցին , առցէ զոտս նոցա . և յորոգայթ 'ի նոյն անկցին :

8 Ելլ անձն իմ ցնծասցէ 'ի տէր , ուրախ եղեցի 'ի փրկութեան նորա . և ամենայն ոսկերք իմ ասասցեն , տէր ո՞ նման է քեզ :

9 Օր փրկեաց զաղքատն 'ի ձեռաց Տօրի , զաղքատն և զտնանկն յայնցանէ՝ որ յափշտակեն զնա :

10 Յարեան 'ի վերայ իմ վկայք չարեաց . զոր ինչ ոչ գիտէի՝ հարցանէին ցիս :

11 Հատուցին ինձ չար փոխանակ ընդ բարոյ . անժառանգել զանձն իմ խորհեցան յորդոց 'ի մարդկանէ :

12 Ես 'ի նեղել նոցա քուրձ զգենուի , խոնարհ առնէի պահօք զանձն իմ . և աղօթք իմ 'ի ծոց իմ դարձցին :

13 Որպէս զեղբայր և զընկեր՝ այսպէս հաճոյ լինէի . որպէս սգաւոր և տրտում , այնպէս խոնարհ առնէի :

14 Ի վերայ իմ ուրախ եղեն՝ և ժողովեցան . ժողովեցան յիս տանջանք , և ես ոչ ծանեայ . ցրուեցան , և ոչ զղջացան :

15 Փորձեցին զես՝ և արհամարհեցին

արհամարհանօք . կրճտեցին 'ի վերայ
իմ զատամունս իւրեանց . տէր Երբ տես-
ցես :

16 Ի բաց արա զանձն իմ 'ի խորա-
մանկութենէ նոցա , և յառիւծուց զմիա-
մօրութիւն իմ :

17 Խոստովան եղէց քեզ տէր՝ յեկեղե-
ցիս մեծս , և 'ի ժողովս բազմաց օրհնե-
ցից զքեզ :

18 Մի ուրախ եղեցին յիս թշնա-
միք իմ , ոյք ատէին զես 'ի տարապար-
տուց . ակնարկի առնէին յիս աչօք իւ-
րեանց :

19 Ընդ իս զխաղաղութիւն խօսէին ,
և ինքեանք բարկութեամբ զնենգութիւն
խորհէին :

20 Բացին 'ի վերայ իմ զբերանս իւ-
րեանց , և ասացին այո այո տեսին աչք
մեր : .

21 Տեսեր տէր՝ և մի՛ լուեր . տէր՝ մի՛ 'ի
բացեայ առնիր յինէն :

22 Չարթիք և հայեաց տէր՝ յիրա-
ւունս իմ . աստուած՝ իմ և տէր իմ 'ի
զատաստանս իմ . և իրաւ արա ինձ ըստ
արդարութեան քում , տէր աստուած
իմ :

23 Մի ուրախ եղեցին յիս թշնամիք
իմ . և մի՛ ասացեն 'ի սիրտս իւրեանց ,

Թէ վաշ վաշ անձանց մերոց , զի ընկլու-
զաք զնա :

24 Եմաչեսցեն և յամօթ լիցին՝ ոյք
խնդային ընդ չար իմ . զգեցցին զամօթ
և զանարգանս՝ ոյք մեծաբանէին ՚ի վե-
րայ իմ :

25 Յնծասցեն և ուրախ լիցին ՚ի քեզ
ամենեքեան , ոյք կամին ընդ արդարու-
թիւն իմ :

26 Եսասցեն յամենայն ժամ , մեծ է
աստուած . և ոյք կամին զխաղաղու-
թիւն ծառայի քո :

27 Լեզու իմ խօսեսցի զարդարու-
թիւնս քո , զօրհանապազ զգովութիւնս
քո :

Տունք 27 :

ՍՆՂՄՈՍ ԼԵ

Ի խաբարոյ , ծառայի տեսան . սաղմոս ՚ի դաւիթ :

1 Եսէ անօրէնն ՚ի մեղանչել ընդ միտս
իւր , թէ չեք երկիւղ աստուծոյ առաջի
աչաց նորա :

2 Նենգեաց առաջի նորա , գտանել
զանօրէնութիւն , և ատել զնա :

3 Բանք բերանոյ նորա անօրէնութիւն
և նենգութիւն են :

4 Ոչ կամեցաւ նա իմանալ զբարի .
զանօրէնութիւն խորհեցաւ յանկողնի
իւրում :

5 Եկաց նա յամենայն ճանապարհ , որ ոչ է բարի . և ՚ի չարէ նա ոչ ձանձրացաւ :

6 Տէր յերկինս է ողորմութիւն քո . ճշմարտութիւն քո մինչև յամպս :

7 Արդարութիւն քո որպէս լերինք աստուած . իրաւունք քո որպէս խորս բազումս . զմարդիկ և զանասուն կեցուցանես դու տէր :

8 Որպէս զի բազում արարեր զողորմութիւն քո աստուած . այլ որդիք մարդկան ՚ի հովանի թևոց քոց յուսացին :

9 Արբեսցին նոքա ՚ի պարարտութենէ տան քո . և զուխս փափկութեան քո տացես ըմպել նոցա :

10 Ի քէն է տէր աղբիւր կենաց . և լուսով երեսաց քոց տեսանեմք զլոյս :

11 Ծագեա զողորմութիւնս քո՝ ոյք ճանաչեն զքեզ , զարդարութիւնս քո՝ որ ուղիղ են սրտիւք :

12 Մի՛ եկեսցէ ՚ի վերայ մեր ոտն ամբարտաւանից , և ձեռք մեղաւորաց մի՛ դողացուցեն զմեզ :

13 Ե՛նդ անկցին ամենեքեան՝ ոյք գործեն զանօրէնութիւն . մերժեսցին և այլ մի՛ կարացեն հաստատիլ :

ՍԵՂՄՈՍ ԼՁ

Սողոմոնի դասերն ։

1 Մի նախանձիր ընդ չարս , և մի՛ ընդ այնոսիկ՝ որ գործեն զանօրէնութիւն ։

2 Չի որպէս խոտ վաղվաղակի ցամաքեսցին . որպէս դալարի խոտոյ վաղվաղակի անցցեն ։

3 Յուսա՛ի տէր , և արա զքաղցրութիւն . բնակեա յերկրի , և հովուեսցիս ՚ի մեծութեան նորա ։

4 Ժտեա՛ի տեառնէ , և նա տացէ քեզ զլննդրուածս սրտի քո . յայտնեա առաջի տեառն զճանապարհս քո , և յուսա՛ի նա ։

5 Նա արասցէ և հանցէ որպէս զլոյս զարդարութիւնս քո , և զիրաւունս քո որպէս զօր հասարակ ։

6 Հնազանդ լեր տեառն , և ծառայեա նմա . և մի՛ նախանձիր ընդ այնոսիկ՝ որոց առակեալ իցեն ճանապարհք իւրեանց ընդ մարդոյ՝ որ գործեն զանօրէնութիւն ։

7 Լռեա՛ի բարկութենէ , և հանգիր ՚ի սրամտութենէ , և մի՛ նախանձիր ընդ չարս ։

8 Չի չարք վաղվաղակի սատակեսցին . բայց ոյք համբերեն տեառն , նոքա ժառանգեսցեն զերկիր ։

9 Փոքր մի և այլ ոչ ևս իցէ ամբարիշտն . խնդրեսցես զտեղի նորա , և ոչ գտցես :

10 Եյլ որ հեզքն են՝ նոքա ժառանգեսցեն զերկիր . և փափկասցին ՚ի բազում խաղաղութեան իւրեանց :

11 Սպասէ մեղաւոր արդարոյ , և կրճտէ ՚ի վերայ նորա զատամունս իւր . այլ տէր ծիծաղեսցի զնովաւ :

12 Բանդի յառաջագոյն տեսանէ , զի հասեալ է օր նորա :

13 Սուր հանին մեղաւորք , և լարեցին զաղեղունս իւրեանց՝ հարկանել զաղքատն և զտնանկն , սպանանել զայն՝ որ խոնարհն է սրտիւ :

14 Սուրք նոցա մտցեն ՚ի սիրտս նոցա , և աղեղունք նոցա փշոսցին :

15 Լաւ է սակաւիկ ինչ արդարոյ , քան զբազում մեծութիւն մեղաւորաց . և բազուկք՝ ամբարշտաց խորտակեսցին :

16 Հաստատէ տէր զարդարս , և ճանաչէ զաւուրս ամբժից . ժառանգութիւն նոցա յաւիտեան եղիցի :

17 Մի ամաչեսցեն նոքա ՚ի ժամանակս չարութեան . այլ յաւուրս սովոյ յագեսցին :

18 Եհա մեղաւորք կորիցեն . այլ թըշնամիք տեսան ՚ի փառաւորել և ՚ի բարձ-

բանալ իւրեանց պակասեցին , որպէս
ծուխ զի պակասէ :

19 Փոխ առնու մեղաւորն , և ոչ հա-
տուցանէ . այլ որ արդարն է , ողորմի և
տայ :

20 Ոյք օրհնեն զտէր ժառանգեցեն
զերկիր . և ոյք անիծանեն , սատակե-
ցին ՚ի նմանէ :

21 Ի տեառնէ ուղղին զնացք առն .
զճանապարհս նորա նա կամի յոյժ :

22 Թէպէտ և զայթազղեցի , նա մի՛
կործանեցի , զի տէր ձեռնկալու է նորա :

23 Մանուկ էի ես՝ և ծերացայ . և ոչ
տեսի զարդարն արհամարհեալ , և ոչ
զգաւակ նորա՝ թէ մուրանայ հաց :

24 Օրհնանապազ ողորմի և տայ փոխ .
զաւակ նորա օրհնեալ եղիցի յաւիտեան :

25 Խոտորեա ՚ի չարէ , և արա զբարի .
բնակեցես յաւիտեանս յաւիտենից ՚ի
նմա :

26 Տէր սիրէ զիրաւունս , և ոչ ընդ-
վայր հարկանէ զսուրբս իւր . այլ յաւի-
տեան պահէ զնոսա :

27 Ենօրէնք հալածեցին ՚ի միասին ,
և զաւակ ամբարշտաց սատակեցի :

28 Եյլ արդարք ժառանգեցեն զեր-
կիր , և բնակեցեն յաւիտեանս յաւիտե-
նից ՚ի նմա :

29 Բերան արդարոյ խորհի զեմաստու-
թիւն , և լեզու նորա խօսեսցի զերա-
ւունս :

30 Օրէնք աստուծոյ իւրոյ են 'ի սրտի
իւրում . և մի' գայթազղեսցին գնացք
նորա :

31 Հայի մեղաւորն ընդ արդար , և
խնդրէ սպանանել զնա . այլ տէր ոչ թու-
ղու զնա 'ի ձեռս նորա , և ոչ դատա-
պարտէ զնա յորժամ դատի զնա :

32 Համբեր տեսուն և պահեա զճա-
նապարհս նորա . և բարձր արասցէ զքեզ
'ի ժառանգել զերկիր , և զսատակումն
մեղաւորաց տեսցես :

33 Տեսի զամբարիշտն վերացեալ և
բարձրացեալ որպէս զմայրսն լիբանա-
նու :

34 Ընցի , և ահա ոչ էր . խնդրեցի ,
և ոչ գտաւ տեղի նորա :

35 Պահեա զամբծութիւն , և տես
զուղղութիւն . զի գոն մնացուածք առն
խաղաղարարի :

36 Ընօրէնք հալածեսցին 'ի միասին .
և զաւակ ամբարշտաց կորիցէ :

37 Փրկութիւն արդարոց 'ի տեսունէ
է . վերակացու է նոցա 'ի ժամանակս
նեղութեան :

38 Օգնեսցէ նոցա տէր , և փրկեսցէ

զնոսա . ապրեցուցէ 'ի մեղաւորաց ,
 և կեցուցէ զնոսա , զի յուսացան 'ի
 նա :

Տունք 38 :

ՍԵՂՄՈՍ ԼԷ

Սաղմոս 'ի դաւիթ . առ 'ի յեւթօսի լաւախա :

1 Տէր մի' սրտմտութեամբ քով յան-
 դիմաներ զիս , և մի' բարկութեամբ քով
 խրատեր զիս :

2 Օ,ի նետք քո հարան յիս , և յիս
 հաստատեցաւ ձեռն քո :

3 Ոչ գոյ բժշկութիւն մարմնոյ իմոյ
 յերեսաց բարկութեան քոյ :

4 Ոչ է խաղաղութիւն ոսկերաց իմոյ
 յերեսաց մեղաց իմոյ :

5 Ենօրէնութիւնք իմ բարձրացան
 քան զգլուխ իմ . որպէս բեռն ծանր
 ծանրացան 'ի վերայ իմ :

6 Նեխեցան և փտեցան վերք իմ յե-
 րեսաց անզգամութեան իմոյ :

7 Տառապեցայ և խոնարհ եղէ յոյժ .
 զօրհանապաղ տրտում գնայի , զի անձն
 իմ լի եղև չարչարանօք . և ոչ գոյ բժշ-
 կութիւն մարմնոյ իմոյ :

8 Չարչարեցայ և խոնարհ եղէ մինչև
 յոյժ . մոնչէի առ հեծութեան սրտի
 իմոյ :

9 Տէր առաջի քո է ամենայն ցանկու-

Թիւն իմ , և հեծուԹիւն իմ 'ի քէն ոչ ծածկեցաւ :

10 Սիրտ իմ խռովեցաւ յիս , և եԹող զիս զօրուԹիւն իմ . լոյս աչաց իմոց , և այս ոչ եղև ընդ իս :

11 Բարեկամք իմ և մերձաւորք իմ առաջի իմ մերձեցան և կացին , և մերձաւորք իմ հեռի եղեն յինէն :

12 Բռնադատէին զիս և խնդրէին զանձն իմ . ոյք խորհէին չար 'ի վերայ իմ , խօսեցան զանօրէնութիւն , և զնենգութիւն զօրհանապազ խորհեցան :

13 Եյլ ես որպէս խուլ՝ զի ոչ լսէ . որպէս համր՝ որ ոչ բանայ զբերան իւր :

14 Եղէ ես որպէս մարդ՝ որ ոչ լսէ , և ոչ գոն խօսք 'ի բերան նորա :

15 Ես 'ի քեզ տէր յուսացայ , և դու լուիցես ինձ տէր աստուած իմ :

16 Եսացի՝ թէ մի՛ ուրախ եղեցին յիս թշնամիք իմ . 'ի սասանել ոտից իմոց՝ 'ի վերայ իմ մեծամեծս խօսեցան :

17 Ես 'ի տանջանս պատրաստ եմ , և ցաւք իմ առաջի իմ են յամենայն ժամ :

18 Չանօրէնութիւնս իմ պատմեցից , և հոգացայց վասն մեղաց իմոց :

19 Իսկ արդ թշնամիք իմ կենդանի են , և զօրացեալ են քան զիս . և բազում էին , ոյք ատէին զիս 'ի տարապարտուց :

20 Ոյք հատուցին ինձ չար փոխանակ ընդ բարոյ . չար խօսէին զինէն , զի ես երթայի զհետ արդարութեան :

21 Մի թողուր զիս տէր աստուած իմ , և մի՛ ՚ի բացեայ առնիր յինէն . հայեաց յօգնել ինձ՝ տէր փրկութեան իմոյ :

Տունք 21 :

ՍԵՂՄՈՍ ԼՃ

Ի կապարած . յերթնուցայ օրհասութեան . ՚ի դառնիլ սաղմոս :

1 Ասացի՛ թէ պահեցից զճանապարհս իմ զի մի՛ մեղայց լեզուաւ իմով :

2 Եղի պահապան բերանոյ իմոյ՝ ՚ի հակառակել մեղաւորին առաջի իմ :

3 Խուլ եղէ և խոնարհեցայ . լռեցի ՚ի բարութենէ , և ցաւք իմ նորոգեցան յիս :

4 Զեռաւ սիրտ իմ ՚ի փորի իմում , և ՚ի խորհուրդս իմ վառեցաւ հուր :

5 Խօսեցայ լեզուաւ իմով և ասացի . ցոյց ինձ տէր զկատարած իմ , և զթիւ աւուրց իմոց՝ քանի՞օն է , զի զխտացից թէ որչափ ինչ պակասեալ է յինէն :

6 Ահա չափով եղիր զաւուրս իմ . և կար զօրութեան իմոյ որպէս ոչ ինչ է առաջի իմ . սակայն ամենեւին ընդունայն է ամենայն մարդ մտեղի :

7 Ապաքէն որպէս ՚ի պատկերի շքե

մարդ , սակայն 'ի զուր խռովի . զանձէ
և ոչ զիտէ ո՛ւմ ժողովէ :

8 Իսկ արդ ո՛վ է համբերութիւն իմ ,
թէ ոչ զու տէր . կամ կար զօրութեան
իմոյ , թէ ոչ 'ի քէն :

9 Յամենայն անօրէնութենէ իմմէ
փրկեցեր զես . նախատինս անզգամաց
արարեր զես :

10 Խուլ եղէ և ոչ բացի զբերան իմ , զի
զու արարեր :

11 Ի բաց արա յինէն զտանջանս իմ ,
զի 'ի զօրութենէ ձեռին քո ես պակա-
սեցայ :

12 Աշտամբութեամբ վասն մեղաց խը-
րատեցեր զմարդ . մաշեցեր որպէս սար-
դիոստայն զանձն նորա . սակայն ընդու-
նայն է ամենայն մարդ :

13 Լուր տէր աղօթից իմոց , ունկն
զիր ինդրուածաց իմոց , արտասուաց
իմոց մի՛ լուեր :

14 Պանդուխտ եմ ես առաջի քո ,
նժդեհ՝ և անցաւոր , որպէս ամենայն
հարք իմ :

15 Թոյլ արա ինձ զի հանգեայց մինչև
երթեալ իցեմ , ուստի ոչ ևս զտանիցիմ :

Տունք 15 :

1 Համբերելով համբերի տեառն , և նայեցաւ առ իս , և լուաւ աղօթից իմոց :

2 Եհան զիս 'ի գբոյ տառապանաց , 'ի կաւոյ և 'ի տղմոյ :

3 Հաստատեաց 'ի վերայ վիմի զոտս իմ , և ուղղեաց զգնացս իմ :

4 Արկ 'ի բերան իմ-օրհնութիւն նոր , զօրհնութիւն տեառն աստուծոյ մերոյ :

5 Տեսցեն բազումք և երկիցեն , և յուսասցին 'ի տէր . երանեալ է այր՝ որոյ անուն տեառն յոյս է նորա :

6 Ոչ հայեցաւ նա 'ի նանրութիւն , և ոչ 'ի մոլութիւն սուտ :

7 Բազում արարեր դու տէր աստուած իմ զսքանչելիս քո . խորհրդոց քոց՝ ոչ ոք է որ նման է քեզ :

8 Պատմեցի և խօսեցայ , և բազում եղեն քան զթիւ . ընդ զոհս և ընդ պատարագս ոչ հաճեցար . լսելիս հանտատեցեր ինձ . զողջակէզս և զվասն մեղացն ոչ խնդրեցեր :

9 Յայնժամ ապացի՝ թէ ահաւասիկ դամ ես . 'ի գլուխս գրոց գրեալ է վասն իմ :

10 Եռնել զկամս քո աստուած իմ կամեցայ , և զօրէնս քո 'ի մէջ որովայնի իմոյ :

11 Եւետարանեցից զարդարութիւնս

քո յեկեղեցիս մեծս . ահա շրթունս իմ
ոչ արգելեց 'ի քէն :

12 Տէր դու գիտացեր՝ զի զարդարու-
թիւնս քո ոչ ծածկեցի 'ի սրտի իմում ,
զճշմարտութիւն քո և զփրկութիւն քո :

13 Ասացի և ոչ թագուցի զողորմու-
թիւնս քո , և զճշմարտութիւնս քո 'ի
ժողովրդենէ մեծէ :

14 Այլ դու տէր մի՛ հեռի առներ զգը-
թութիւնս քո յինէն . զի ողորմութիւն
քո և ճշմարտութիւն քո յամենայն
ժամ ընկալցի զիս :

15 Եւրջ եղեն զինև չարք՝ որոց ոչ էր
նոցա թիւ . հասին ինձ անօրէնութիւնք
իմ , և ես ոչ կարացի տեսանել :

16 Բազում եղեն քան զհեր զլիսոյ
իմոյ . և սիրտ իմ եթող զիս :

17 Ամեաց տէր փրկել զիս , և տէր
յօգնել ինձ նայեաց :

18 Ամաչեսցեն և յամօթ լիցին՝ ոյք
խնդրէին զանձն իմ բառնալ զսա . զարձ-
ցին յետս և . ամաչեսցեն՝ ոյք խորհէին
ինձ չար :

19 Արեսցեն զամօթ առ ժամայն վաղ-
վաղակի , որ ասէին ինձ վաշ վաշ :

20 Յնծացեն և ուրախ լիցին 'ի քեզ
ամենէքեան , ոյք խնդրեն զքեզ տէր :

21 Ասացեն յամենայն ժամ՝ մեծ է

աստուած , և ոյք սիրեն զփրկութիւնս
քո :

22 Ես աղքատ և տնանկ եմ , աստուած
խորհեա զես . օգնական և պաշտպան իմ
ես . և դու աստուած իմ մի՛ յամենար :

Տունք 22 : Գորգայս 58 :

ՍԵՂՄՈՍ Խ

Խ խորհրդ . սողնոս 'ի դասիլ :

1 Երանի որ խորհի զաղքատն և զտը-
նանկն . յաւուր չարի փրկէ զնա տէր :

2 Տէր փրկէ զնա և կեցուցանէ . երա-
նելի առնէ զնա 'ի վերայ երկրի , և ոչ
մատնէ զնա 'ի ձեռս թշնամեաց իւրոց :

3 Տէր օգնական է նմա 'ի մահիձս ցա-
ւոց իւրոց . զամենայն անկողինս նորա
դարձուցանէ 'ի հիւանդութենէ նորա :

4 Ես ասացի տէր ողորմեա ինձ . բժըշ-
կեա զանձն իմ , ես մեղայ քեզ :

5 Թշնամիք իմ ասացին ինձ չար . երբ
իցէ զե մեռցի , և կորիցէ անուն նորա :

6 Մտանէր տեսանել զնանրութիւն .
խօսէր 'ի սրտի իւրում , և ժողովէր զա-
նօրէնութիւնս յանձն իւր :

7 Երտաքս ելանէր և զնոյն խօսէր .
զինէն շնչէին ամենայն թշնամիք իմ :

8 Խորհեցան չար 'ի վերայ իմ . բան
անօրէնութեան եղին 'ի վերայ իմ :

9 Միթէ որ ննջեցէն , և այլ ոչ ևս

յաւելուցու յառնել . քանզի և այրն խաղաղութեան իմոյ , յոր և ենն յուսացայ :

10 Որ ուտէր զհաց իմ , յաճախեաց առնել ինձ խարէութիւն :

11 Եյլ դու տէր ողորմեա ինձ և կանգնեա զիս , և ես հատուցից նոցա :

12 Յայսմ ծանեայ՝ թէ հաճեցար ընդ իս . զի մի՛ ուրախ եղեցին յիս թշնամիք իմ :

13 Եյլ զիս յամբժութեան իմում ընկալար , և հաստատեցեր զիս առաջի քո յաւիտեան :

14 Օրհնեալ տէր աստուած իսրայելի յաւիտեանս յաւիտենից . եղեցի եղեցի :

Տունք 14 :

ՍԵՂՄՈՍ ԽԸ

Ի Կարգում . Ինասորն ինն որդւոցն խորեայ . սաղմս 'ի դաւիթ :

1 Որպէս փափաքէ եղջերու յաղբերս ջուրց այնպէս փափաքէ անձն իմ առ քեզ աստուած :

2 Ծարաւի է անձն իմ առ քեզ աստուած . հզօր , և կենդանի . երբ եկից երևեցայց երեսացդ աստուծոյ :

3 Եղեն ինձ արտասուք իմ կերակուր 'ի տուէ և 'ի գիշերի . և այն զի ասէինցիս զօրհանապազ՝ թէ ո՞ր է աստուած քո :

4 Օայս որպէս յիշէի , տառապէր յիս

անձն իմ . քաջալերէի , զի մտից ընդ
յարկաւ սքանչելեաց տանն աստուծոյ :

5 Ի ձայն ցնծութեան խոստովանու-
թեան , և ՚ի ձայն բարեկենդանու-
թեան :

6 Երդ ընդէր տրտում ես անձն իմ ,
կամ ընդէր խռովես զիս . յուսա առ աս-
տուած , խոստովանեա նմա՝ փրկիչ երե-
սաց իմոց աստուած է :

7 Ենձն իմ յոյժ խռովեցաւ . վասն
այտորիկ յիշեցի գթեղ յերկրէն յորդա-
նանու , ՚ի հերմոնէ ՚ի լեռնէ փոքուէ :

8 Խորք ՚ի խորոց կարդացին առ քեզ ,
՚ի ձայն սահանաց քոց :

9 Եմենայն զբօսանք քո , և ալեք քո
անցին ՚ի վերայ իմ :

10 Ի տուէ պատուիրեաց տէր զողոր-
մութիւն իւր , ՚ի գիշերի զօրհնութիւն
նոր . և աղօթք իմ առ աստուած վասն
կենաց իմոց :

11 Եսացի աստուծոյ՝ ընդունելի իմ
ես . ընդէր մերժեցեր զիս . ընդէր տըր-
տում գնամ ես ՚ի նեղել թշնամւոյ իմոյ :

12 Ի փշթել ոսկերաց իմոց նախատե-
ցին զիս թշնամիք իմ . յասել ցիս զօր-
հանապաղ , թէ ո՞ւր է աստուած քո :

13 Երդ ընդէր տրտում ես անձն իմ ,
կամ ընդէր խռովես զիս . յուսա առ

աստուած , խոստովանեա նմա՝ փրկիչ երեսաց իմոց աստուած է :

Տունք 13 :

ՍԵՂՄՈՍ ԽԲ

Սաղմոս 'ի դաւիթ :

1 Դատ արա ինձ աստուած , և իրաւ արա ինձ 'ի դատաստանի իմում :

2 Յազգէ որ ոչ է սուրբ , 'ի մարդոյ մեղաւորէ նենգաւորէ փրկեա զես :

3 Դու աստուած հզօրիչ իմ ես . ընդէր մոռացար զես , ընդէր տրտում գնամ ես 'ի նեղել թշնամոյ իմոյ :

4 Եռաքեա տէր զլոյս քո և զճշմարտութիւն քո . զի առաջնորդեսցեն ինձ և հանցեն զես 'ի լեառն սուրբ և 'ի յարկս քո :

5 Մտից առաջի սեղանոյ աստուծոյ առ աստուած , որ ուրախ առնէ զմանկութիւն իմ :

6 Խոստովան եղէց քեզ օրհնութեամբ աստուած աստուած իմ :

7 Երդ ընդէր տրտում ես անձն իմ , կամ ընդէր խռովես զես . յուսա առ աստուած խոստովանեա նմա՝ փրկիչ երեսաց իմոց աստուած է :

Տունք 7 : Գորդայս 34 :

ՍԵՂՄՈՍ ԽԳ

Ի հարարած . ի մաստուծիւն որդւոցն իսրիայ . սաղմոս 'ի դաւիթ :

1 Աստուած՝ ականջօք մերովք լուաք ,
զոր հարքն մեր պատմեցին մեզ :

2 Օգործն զոր գործեցեր յաւուրս
նոցա , յաւուրսն առաջինս :

3 Չեռն քո խլեաց զհեթանոսս , և
զնոսս տնկեցեր . չարչարեցեր զժողո-
վուրդս քո , և հաներ զնոսս :

4 Ոչ թէ սրով իւրեանց ժառանգեցին
զերկիր , և ոչ բազուկ նոցա թէ փրկեաց
զնոսս :

5 Այլ աջ քո և բազուկ քո և լոյս
երեսաց քոց , զի հաճեցար դու ընդ
նոսս :

6 Դու ինքն ես՝ թագաւոր իմ և աս-
տուած իմ , որ հրամայեցեր զփրկու-
թեանցն յակորայ :

7 Քե զթշնամիս մեր հարցուք , և
անուամբ քով արհամարհեսցուք զյա-
րուցեալսն ՚ի վերայ մեր :

8 Ոչ թէ յաղեղն իմ յուսացեալ եմ ,
և ոչ սուր իմ կեցուցանէ զես :

9 Այլ դու փրկեցեր զմեզ ՚ի թշնա-
մեաց մերոց և զատելիս մեր յամօթ
արարեր :

10 Աստուծով պարծեսցուք զօրհանա-
պաղ , և անուան նորա խոստովան եղի-
ցուք յաւիտեան :

11 Բայց արդ մերժեցեր և անարգեցեր

զմեզ . և ոչ ելեր աստուած ընդ զօրս
մեր :

12 Գարձուցեր զմեզ յետս քան զԹըշ-
նամիս մեր . և ատելիք մեր յափշտակե-
ցին զմեզ :

13 Ետուր զմեզ որպէս զոչխար 'ի
զենումն , և ընդ հեթանոսս ցրուեցեր
զմեզ :

14 Աւճառեցեր զժողովուրդս քո ա-
ռանց գնոյ . ոչ գոյ թիւ աղաղակի մերոյ :

15 Երարեր զմեզ նախատինս զբացեաց
մերոց . ծաղր և այսն կատականաց այ-
նոցիկ , որ շուրջ էին զմեօք :

16 Երարեր զմեզ յառակս հեթանո-
սաց 'ի շարժել զգլուխս ժողովրդոց :

17 Օօր ամենայն նախատինք իմ ա-
ռաջի իմ են , և ամօթ երեսաց իմոց
ծածկեաց զես :

18 Ի ձայնէ նախատորդին և չարախօ-
սի , յերեսաց թշնամւոյն և հալածչի :

19 Եյս ամենայն եկն 'ի վերայ մեր , և
մեք գբեզ ոչ մոռացաք , և ոչ ստեցաք
ուխտի քում , և ոչ դարձաք յետս սըր-
տիւք մերովք :

20 Գարձուցեր զշաւիղս մեր 'ի ճանա-
պարհաց քոց , խոնարհ արարեր զմեզ 'ի
տեղի չարչարանաց . և ծածկեցին զմեզ
ստուերք մահու :

21 Թէ մոռացեալ իցէ մեր զանունն աստուծոյ մերոյ , կամ ձգեալ իցէ զձեռս մեր առ աստուածս օտարս :

22 Սակայն աստուած խնդրէ զայս . զինաքննէ զգաղտնիս սրտից մերոց :

23 Ասանքո մեռանիմք զօրհանապաղ . համարեցաք որպէս զոչխար 'ի զենումն :

24 Օարթիր ընդէր ննջես տէր . արիւն մի' մերժեր զմեզ իսպառ :

25 Օմէ՞ դարձուցանես զերեսս քո 'ի մէնջ . մոռանաս զաղքատութիւն և զնեղութիւնս մեր :

26 Խոնարհ եղեն մինչև 'ի հող անձինք մեր , և յերկիր կցեցան մէջք մեր :

27 Երի տէր օգնեա մեզ , և փրկեա զմեզ վասն անուան քո :

Տունք 27 :

ՄԱՂՄՈՍ ԽԴ

Ի հարարած . զասանցելոց ժամանակաց , որդոցն իրենաց խնայողութեան . ասողն օրհնութեան վասն սիրելոցն :

1 Բղխեսցէ սիրտ իմ զպատգամս քո բարիս , և ասացից զգործս իմ թագաւորի :

2 Լեզու իմ որպէս գրիչ արագազիր զպրի , գեղեցիկ տեսանելով քան զամենայն որդւոց մարդկան :

3 Սփռեցան շնորհք 'ի շրթանց քոց .

վասն այսորիկ օրհնեաց զքեզ աստուած
յաւիտեան :

4 Ե՛ծ զսուր ընդ մէջ քո հզօր , վայել-
չութեան և զեղոյ քոյ :

5 Լարեա ուղղեա և թազաւորեա վասն
ճշմարտութեան հեղութեան և արդա-
րութեան , և առաջնորդեսցէ քեզ սքան-
չելապէս աջ քո :

6 Նետք քո սրեալ են հզօր , և ժողո-
վուրդք 'ի ներքոյ քո անկցին , 'ի սիրաս
թշնամեաց թազաւորի :

7 Եթոռ քո աստուած յաւիտեանս
յաւիտենից , գաւազան ուղղութեան՝
գաւազան արքայութեան քո :

8 Սիրեցեր զարդարութիւն , և ատե-
ցեր զանօրէնութիւն :

9 Ասնն այսորիկ օճ զքեզ աստուած
աստուած քո իւղով ուրախութեան ,
առաւել քան զընկերս քո :

10 Զմուռս և ստաշինն և կասիայ 'ի
զգենտէ քումմէ , 'ի տաճարաց փղոսկ-
րէից ; ուստի ուրախ արարին զքեզ
զստերք թազաւորաց 'ի պատիւ քո :

11 Աացցէ զշնոյ ընդ աջմէ քումմէ՝ 'ի
հանդերձս ոսկեհուռս զարդարեալ և
պաճուճեալ :

12 Լուր դուստր և տես , խոնարհեցո
զունկն քո , մոռա զժողովուրդ քո և

զտունն հօր քո , զի ցանկացաւ թագա-
ւոր զեղոյ քո :

13 Սա ինքն է տէր քո՝ երկիր պազցես
ամա . և դուստր ծուրայ երկիր պազցէ
ամա , և պատարագօք զերեսս սորա
պաշտեսցեն մեծամեծք 'ի ժողովրդոց :

14 Ամենայն փառք դատեր թագաւորի
'ի ներքոյ , 'ի վերջաւորս ոսկեհունս
զարդարեալ և պաճուճեալ :

15 Տարցին թագաւորի կուսանք զհետ
նորա , և զընկերս նորա տարցին նմա :

16 Ածցեն ցնծութեամբ և ուրախու-
թեամբ , և տարցին 'ի տաճար թագա-
ւորի . և փոխանակ հարց քոց եղեցին
որդիք քո :

17 Աացուսցես զնոսա իշխանս ընդ
ամենայն երկիր . և յիշեսցի անուն քո
ընդ ամենայն ազգս ազգաց :

18 Ա՛անն այսորիկ ժողովուրդք խոս-
տովան եղեցին առ քեզ յաւիտեան , և
յաւիտեանս յաւիտենից :

Տունք 18 :

ՍԵՂՄՈՍ ԽԵ

Ի խորաբաժ . որդեաց իրեաց 'ի վերայ գաղտնեաց :

1 Աստուած մեր ապաւէն և զօրու-
թիւն . օգնական 'ի վերայ նեղութեանց ,
որ գտին զմեզ յոյժ :

2 Ա՛անն այսորիկ ոչ երկիցուք մեք 'ի

խոովել երկրի , 'ի փոփոխել լերանց 'ի սիրտս ծովու :

3 Գոչեցին և խոովեցան ջուրք նոցա . խոովեցան լերինք 'ի զօրութենէ նորա :

4 Գնացք զետոց ուրախ առնեն զքաղաքն աստուծոյ . և սուրբ արար զյարկս իւր բարձրեալն :

5 Ըստուած 'ի մէջ նոցա , և նոքա մի' սասանեսցին . օգնեսցէ նոցա աստուած 'ի վաղորդայնէ մինչև 'ի վաղորդայն :

6 Խոովեցան հեթանոսք , և խոնարհեցան թագաւորութիւնք . ետ զձայն իւր բարձրեալն , և խոովեցաւ երկիր :

7 Տէր զօրութեանց ընդ մեզ . ընդունելի է մեր աստուած յակովբայ :

8 Եկայք և տեսէք զգործս աստուծոյ , որ արար զնշանս և զարուեստս 'ի վերայ երկրի :

9 Եհար զպատերազմ 'ի ծագաց մինչ 'ի ծագս երկրի . զաղեղունս փշրեաց , զգէնս խորտակեաց , և զասպարս այրեաց հրով :

10 Կանխեսցէք և ծաներուք , զի ես եմ աստուած . բարձր եղէց 'ի հեթանոսս , և բարձրացայց 'ի վերայ երկրի :

11 Տէր զօրութեանց ընդ մեզ . ընդունելի է մեր աստուած՝ յակովբայ :

Տուևք 11 : Գորշայս 56 :

ՄԱՂՄՈՍ Խ.Օ.

Ի Խարաբո՞ւ . վասն որդւոցն Խրիսայ . սաղմոս 'ի դաւելն :

1 Օ՛ւափս հարէք ամենայն հեթանոսք , ազազակեցէք առ աստուած՝ 'ի ձայն ցրնծութեան :

2 Տէր բարձրեալ և ահարկու , թագաւոր մեծ՝ 'ի վերայ ամենայն երկրի :

3 Հնազանդ արար զժողովուրդս ընդ մեզ , և զհեթանոսս 'ի ներքոյ ոտից մերոց :

4 Տնտրեաց զմեզ իւր 'ի ժառանգութիւն , զեղեցկութեանցն յակովբայ՝ զոր և սիրեաց :

5 Համբարձաւ աստուած օրհնութեամբ , և տէր մեր ձայնիւ փողոյ :

6 Սաղմոս ասացէք աստուծոյ մերում . սաղմոս ասացէք թագաւորին մերում , սաղմոս ասացէք :

7 Թագաւոր մեծ՝ 'ի վերայ ամենայն երկրի աստուած է , սաղմոս ասացէք նմա իմաստութեամբ :

8 Թագաւորեաց աստուած՝ 'ի վերայ հեթանոսաց . աստուած նստաւ յաթոռ սրբութեան իւրոյ :

9 Իշխանք ժողովրդոց ժողովեցան առ

աստուած արբահամու , զի աստուծոյ
զօրութիւնք յերկրէ յոյժ համբար-
ձան :

Տունք 9 :

ՄԱՂՄՈՍ ԽԷ

Սաղմոս օրհնութեան օրընցն իորեայ . երկրորդ շաբաթու :

1 Մեծ է տէր , և օրհնեալ է յոյժ 'ի
քաղաք աստուծոյ մերոյ , 'ի լեառն սուրբ
նորա :

2 Հաստարմատ ցնծասցէ ցնծութեամբ
ամենայն երկիր . լերինք սիովնի , կող-
մանք հիւսիսոյ՝ քաղաք թագաւորի
մեծի :

3 Աստուած 'ի տաճարի իւրում յայտ-
նի , 'ի ժամանակի որպէս օգնական լե-
նէր նոցա :

4 Ահաւասիկ թագաւորութիւնք երկ-
րի ժողովեցան , և անցին 'ի միասին :

5 Ինքեանք տեսին այսպէս և զարմա-
ցան . խռովեցան սասանեցան , և դո-
ղումն կալաւ զնոսա :

6 Անդ երկունք որպէս 'ի ծննդեան , 'ի
հողմ սաստիկ փշրեսցէ զնաւս 'ի թար-
սիս :

7 Որպէս լուաք , սոյնպէս և տեսաք 'ի
քաղաք տեառն զօրութեանց՝ 'ի քաղաք
աստուծոյ մերոյ :

8 Աստուած հիմունս արկ նմա յաւի-

տեան . ընկալաք աստուած զողորմու-
թիւն քո 'ի մէջ ժողովրդեան քոյ :

9 Բստ անուան քում , սոյնպէս և օրհ-
նութիւն քո ընդ ամենայն տիեզերս . և
արդարութեամբ լի է աջ քո :

10 Ուրախ եղիցի լեառն սիոն . և
ցնծացեն դստերք յուրայ վասն իրա-
ւանց քոց տէր :

11 Շքեցարուք զսիոնիւ , պաշարե-
ցէք զնա և պատեցէք զաշտարակս նո-
րա :

12 Դիք զսիրտս ձեր 'ի վերայ զօրու-
թեան նորա . բաժանեցէք զամուրս նո-
րա , զի պատմել կարասջէք յազգ յայլ :

13 Սա է աստուած , աստուած մեր
յաւիտեանս յաւիտենից . և սա հովուես-
ցէ զմեզ մինչև յաւիտեան :

Տունք 13 :

ՄԱՂՄՈՍ ԽԲ

Ի խորարած սրբոցն իտիայ . սաղմոս օրհնութեան 'ի դաւիթ :

1 Ալուարուք զայս ամենայն ազգք .
ունկնդիր լերուք ամենեքեան , ոյք բնա-
կեալ էք յաշխարհի :

2 Ծնունդք երկրի և որդիք մարդկան
'ի միասին մեծամեծք և տնանկք :

3 Բերան իմ խօսեսցի զիմաստութիւն ,
և խորհուրդք սրտի իմոյ զհանճար :

4 Խոնարհեցուցից յառակումն զունկն

իմ . բացից զառակս օրհնութեամբ 'ի սկզբանէ :

5 Ընդէր բնաւ երկնչիմ ես յաւուր Հարի . զի անօրէնութիւնք զնացից իմոց շուրջ եղեն զինև :

6 Յուսացեալք 'ի զօրութիւն իւրեանց , 'ի բազմութիւն մեծութեան իւրեանց պարծեսցին :

7 Եղբայր ոչ փրկէ՝ և ոչ փրկէ մարդ , և ոչ տայ աստուծոյ զփրկանս իւր , և ոչ զզինս փրկանաց անձին իւրոյ :

8 Աստտակեա յաւիտեան , և կեցցես մինչ իսպառ , և ոչ տեսցես զապակահնութիւն :

9 Յորժամ տեսցես՝ թէ իմաստունք մեռանին , 'ի միասին անզգամք և անմիտք կորիցեն , և թողցեն օտարաց զմեծութիւն իւրեանց :

10 Գերեզմանք տունք նոցա եղիցին յաւիտեան , և յարկք նոցա ազգէ մինչև յազգ . և կարդասցեն անուանք նոցա 'ի հողս իւրեանց :

11 Մարդ 'ի պատուի էր և ոչ իմացաւ , հաւասարեաց անասնոց անբանից և նրմանեաց նոցա :

12 Եյս ճանապարհ է զայթազղութեան նոցա նոցին . յետ այսորիկ բերանօք իւրեանց հաճեսցին :

13 Որպէս խաշն 'ի դժոխս մատնեսցին , և մահ հովուեսցէ զնոսա . և տիրեսցեն նոցա ուղիղք ընդ առաւօտս :

14 Օգնութիւնք նոցա մաշեսցին 'ի դժոխս , և 'ի փառաց իւրեանց անկցին :

15 Բայց սակայն աստուած փրկեսցէ զանձն իմ 'ի ձեռաց դժոխոց , յորժամ ընդունին զիս :

16 Մի երկնչիւր յորժամ մեծանայ մարդ , և յորժամ բազում լինին փառք տան նորա :

17 Ոչ ոչ թէ 'ի մեռանել իւրում առցէ ընդ իւր զամենայն . և ոչ թէ իջցեն փառք տան նորա ընդ նմա :

18 Այլ անձն նորա 'ի կեանս իւրում օրհնեսցի . խոստովան եղիցի քեզ՝ յորժամ բարի արասցես զու նմա :

19 Մտցէ նա մինչև յազգ հարց իւրոց . մինչև յաւիտեան զլոյս մի՛ տեսցէ :

20 Մարդ 'ի պատուի էր և ոչ իմացաւ , հաւատարեաց անասնոց անբանից և նրմանեաց նոցա :

Յունք 20 : Գորդայս 42 :

ՄԱՂՄՈՍ ԽԹ

Ստուան 'ի դասին :

1 Աստուած աստուծոց տէր խօսեսցաւ , կոչեաց զերկիր յարևելից մինչև 'ի մուտս արևու :

2 Ի սիրովնէ մեծ վայելչութիւն փրկութեան գեղոյ նորա :

3 Մատուած մեր յայտնապէս եկեսցէ ,
և աստուած մեր մի՛ դադարեսցէ :

4 Հուր առաջի նորա բորբոքեսցի ,
և շուրջ զնովաւ մրրիկ յոյժ :

5 Առչեսցէ զերկինս 'ի վերուստ՝ և զերկիր 'ի դատել զժողովուրդ իւր , ժողովել առ ինքն զսուրբս իւր , և ոյք զնեն զպատարագս ուխտից 'ի վերայ սեղանոյ նորա :

6 Պատմեսցեն երկինք զարդարութիւն նորա , զի աստուած դատաւոր է :

7 Աւր ժողովուրդ իմ և խօսեցայց ընդ քեզ , և իսրայէլ՝ քեզ վկայեցից . զի աստուած աստուած քո ես եմ :

8 Աչ թէ վասն պատարագաց քոց կըշտամբեմ զքեզ . զի ողջակէզք քո առաջի իմ են յամենայն ժամ :

9 Աչ ընդունիմ 'ի տանէ քումմէ զուարակս , և ոչ 'ի հօտից քոց նոխազս :

10 Իմ է ամենայն , գազան անտառի , երէ լերանց և ամենայն անասուն :

11 Գիտեմ ես զամենայն թռչունս երկնից . գեղեցկութիւն վայրի ընդ իս է :

12 Թէ քաղցեայց , քեզ ինչ ոչ ասացից . զի իմ է աշխարհ լրիւ իւրով :

13 Աչ ուտեմ ես զմիս զուարակաց քոց ,
և ոչ զարիւն նոխազաց քոց ըմպեմ :

14 Մատո աստուծոյ պատարագ օրհնութեան , կատարեա բարձրելոյն զուխտրս քո :

15 Կարդասցես առ իս յաւուր նեղութեան քո . ես փրկեցից զքեզ , և զուփառաւոր արասցես զիս :

16 Սակայն մեղաւորին ասէ աստուած . իսկ զու ոնդէ՞ր բնաւ պատմես զարդարութիւն իմ , կամ առնուս զուխտս իմ 'ի բերան քո :

17 Ջի զու ատեցեր զխրատ իմ . մերժեցեր և յետս ընկեցեր զամենայն բանս բերանոյ իմոյ :

18 Թէ տեսանէիր զգողս՝ ընթանայիր ընդ նոսա , և ընդ շունս զնէիր զբաժին քո :

19 Բերան քո յաճախէր զչարութիւն , և լեզու քո նիւթէր զնենգութիւն :

20 Նստեալ զեղբօրէ քումմէ չարախօսէիր , և 'ի վերայ որդւոյ մօր քո զնէիր զգայթագղութիւն :

21 Ջայս ամենայն արարեր , և լուցիքեզ . կարծեցեր անօրէնդ 'ի մտի քում , թէ և ես քեզ նմանիցեմ :

22 Արդ յանդիմանեցից և կացուցից զայս ամենայն առաջի քո . իմացարուք

ամենեքեան՝ որոց մոռացեալ իցէ զաստուած :

23 Գուցէ երբէք յափշտակիցիք , և ոչ ոք իցէ՝ որ փրկիցէ :

24 Պատարագ օրհնութեան փառաւոր արասցէ զիս . և անդ է ճանապարհ , ուր ցուցից նմա զփրկութիւն աստուծոյ :

Տունք 24 :

ՄԱՂՄՈՍ Ծ

Ի կարարած . ստղնս 'ի դաւիթ . 'ի ժամանակի զէ էի նա նախան մարգարէ , իբրև զէ հրեալ էր նա աս բերասբէէ :

1 Ողորմեա ինձ աստուած ըստ մեծի ողորմութեան քում . ըստ բազում գթութեան քում քաւեա զանօրէնութիւնս իմ :

2 Եռաւել լուա զիս յանօրէնութենէ իմմէ , և 'ի մեղաց իմոց սուրբ արա զիս :

3 Օանօրէնութիւնս իմ ես ինձէն գիտեմ . և մեղք իմ առաջի իմ են յամենայն ժամ :

4 Քեզ միայն մեղայ տէր , և չար առաջի քո արարի :

5 Որպէս արդար եղիցես 'ի բանս քո և յաղթող 'ի դատել քեզ :

6 Ենօրէնութեամբ յղացաւ , և 'ի մեղս ծնաւ զիս մայր իմ :

7 Դու տէր զճշմարտութիւն սիրեցեր .

զանյայտս և զժաժկեալս իմաստութեամբ
քով յայտնեցեր ինձ :

8 Յօղեա յիս մշտկաւ , և սուրբ եղէց .
լուա , և քան զձին սպիտակ եղէց :

9 Ասելի արա ինձ զցնծութիւն և զու-
րախութիւն , և ցնծասցեն ոսկերք իմ
տառապեալք :

10 Դարձո զերեսս քո 'ի մեղաց իմոց ,
և զամենայն անօրէնութիւնս իմ քաւեա
յինէն :

11 Սիրտ սուրբ հաստատեա յիս աս-
տուած , և հոգի ուղիղ նորոգեա 'ի փորի
իմում :

12 Մի' ընկենուր զիս տէր յերեսաց
քոց , և զհոգի քո սուրբ մի' հաներ յի-
նէն :

13 Տուր ինձ ցնծութիւն փրկութեան
քոյ , և հոգւով պետութեան քոյ հաս-
տատեա զիս :

14 Ուսուցից անօրինաց զճանանպարհս
քո . և ամբարիշտք առ քեզ դարձ-
ցին :

15 Փրկեա զիս յարենէ աստուած աս-
տուած փրկութեան իմոյ . ցնծասցէ լե-
զու իմ յարգարութեան քում :

16 Տէր էթէ զըթունս իմ բանաս ,
բերան իմ երգեսցէ զօրհնութիւնս քո :

17 Թէ կամեցեալ էիր , պատարագս

մատուցանէաք . բայց դու ընդ ողջակէզս
իսկ ոչ հաճեցար :

18 Պատարագ աստուծոյ հոգի խո-
նարհ . զսիրտ սուրբ և զհոգի խոնարհ
աստուած ոչ արհամարհէ :

19 Բարի արա տէր կամօք քովք սիրով-
նի , և շենեցին պարիսպք երուսաղեմի :

20 Յայնժամ հաճեցիս ընդ պատա-
րագս արդարութեան . ուխտից պատա-
րագս հանցեն 'ի սեղան քո զուարակս :

Տունք 20 :

ՄԱՂՄՈՍ ԾԵ

Ի կարարած իմաստութեան , սաղմս 'ի դառնիլ . 'ի ժամանակի զի ելին դովէ-
ի-դովայ , պարսեաց սահառազայ , ին ահաասնի՛ դառնիլ 'ի սրան առնիլ-
բայ ե :

1 Օր՛ պարծիցի 'ի չարութեան հզօր՛
զանօրէնութիւն . զօրհանապագ զանի-
րաւութիւն խորհեցաւ 'ի լեզուի իւրում :

2 Արպէս ածելի սուր՛ որեաց զնենգու-
թիւն սիրեաց զչարութիւն քան զբա-
րութիւն , զանօրէնութիւն քան զխօսս
արդարութեան :

3 Սիրեաց նա զամենայն խօսս կոր-
ծանման , և զլեզուս նենգաւորս :

4 Անն այսորիկ աստուած կործա-
նեցէ զնա իսպառ . խլեցէ և հանցէ
զնա յարկաց իւրոց , և զարմատս նորա
յերկրէն կենդանեաց :

5 Տեսցեն արդարք և երկիցեն . զնովալ ծիծաղեսցին և ասասցեն :

6 Այս այր է , որ ոչ արար զաստուած իւր օգնական . այլ յուսացաւ սա 'ի բազում մեծութիւն իւր , և զօրացաւ 'ի նանրութեան իւրում :

7 Այլ ես որպէս ձիթենի պտղալից 'ի տան աստուծոյ . յուսացայ յողորմութիւն աստուծոյ յաւիտեան' և յաւիտեանս յաւիտենից :

8 Խոստովան եղէց քեզ յաւիտեան , զի արարեր . և համբերից անուան քում , զի քաղցր ես առաջի սրբոց քոց :

Տունք 8 : Գորդայս 52 :

ՍՇՂՄՈՍ ԾԻ

Ի խորարած . վասն հաղաղելոյ . իմաստութեան 'ի դասիլ :

1 Ասաց անզգամն 'ի սրտի իւրում թէ ոչ գոյ աստուած . ապականեցան և պղծեցան յանօրէնութեան իւրեանց . և ոչ ոք է որ առնէ զքաղցրութիւն :

2 Աստուած յերկնից նայեցաւ յամենայն որդիս մարդկան , տեսանել թէ իցէ ոք իմաստուն' որ խնդրիցէ զաստուած :

3 Մենեքեան խոտորեցան 'ի միասին , և անպիտանացան :

4 Ոչ ոք է որ առնէ զբարի , և չէ ոք մինչև 'ի մի :

5 Որպէս ոչ ծանիցեն ամենեքեան , որ
զործեն զանօրէնութիւն :

6 Ոյք ուտէին զժողովուրդ իմ որպէս
կերակուր հացի , և առ աստուած ոչ
կարգացին :

7 Ընդ երկիցեն երկիւղ՝ ուր ոչ իցէ եր-
կիւղ . զի աստուած ցրուեացէ զոսկերս
մարդահաճոյից :

8 Ըմաչեացեն և յամօթ լեցին , զի
աստուած անարգեաց զնոսա :

9 Ո՞ տացէ 'ի սիրովսէ զփրկութիւն իս-
րայելի . 'ի դարձուցանել տեառն զգե-
րութիւն ժողովրդեան իւրոյ , ցնծացէ
յակովբ , և ուրախ եղիցի իսրայէլ :

Տունք 9 :

ՄԱՂՄՈՍ ԾԳ

Ի խորհրդս . ընդ օրհնութիւնս ինաստութիւնս 'ի դասիլ . 'ի ժամանակի զի էլին
զեփոցին , և տին ցաւառող՝ անասանիլ դասիլ լագոսցետլ նարի առ մեղ :

1 Աստուած յանուան քում կեցո զիս ,
և 'ի զօրութեան քում իրաւ արա ինձ :

2 Աստուած լուր աղօթից իմոց . ունկն
զիր բանից բերանոյ իմոյ :

3 Օտարք յարեան 'ի վերայ իմ , և
հզօրք ինդրեցին զանձն իմ , և ոչ հա-
մարեցան զքեզ աստուած առաջի իւ-
րեանց :

4 Ահա աստուած օգնական իմ , և տէր
ընդունելի հոգւոյ իմոյ :

5 Ի դարձուցանել զչարն 'ի թշնամիս իմ , ճշմարտութեամբ քով սատակեալնոսա :

6 Աս կամօք իմովք պատարագս մատուցից քեզ . խոստովան եղէց անուան քում տէր , զի բարի է :

7 Յամենայն նեղութենէ իմմէ փրկեցեր զիս . և 'ի թշնամիս իմ ետես ակն իմ :

Յունք 7 :

ՄԱՂՄՈՍ ԾԳ

Ի խորամ . ընդ օրնս-նիւնս իմաստութեան . սաղմոս 'ի դասին :

1 Ունկն զիր աստուած աղօթից իմոց , և մի' անտես առներ զինդրուածս իմ :

2 Նայեա առ իս և լուր ինձ , զի տրտմեցայ ես 'ի ձանձրանալ իմում , և խռովեցայ :

3 Ի ձայնէ թշնամւոյն և 'ի նեղել մեղաւորին խոտորեցան յիս անիրաւութեամբ , բարկութեամբ ռիսս պաշէին ինձ :

4 Սիրտ իմ խռովեցաւ յիս , և երկիրդ մահու անկաւ 'ի վերայ իմ :

5 Ահ և զողումն եկն 'ի վերայ իմ , և ծածկեաց զիս խաւար :

6 Ասէի , տայր ոք ինձ թեւ որպէս զազանւոյ՝ զի թռչէի վերանայի , և հեռացեալ զազարէի յանապատի :

7 Ահն ունէի աստուծոյ՝ որ փրկէր զես
'ի կարճատուութենէ, 'ի զայրանալոյ, 'ի
մրրկեալ նեղսրտութենէ :

8 Ընկրտ տէր և բաժանեա զլեզուս նո-
ցա . զի տեսի զանօրէնութիւն և զհա-
կառակութիւն 'ի քաղաքի :

9 Ի տուէ և 'ի գիշերի շուրջ եղեն
զպարսպօք նորա անօրէնութիւնք . չա-
րիք և մեղք են 'ի մէջ նոցա . և ոչ պա-
կասեաց 'ի հրապարակաց՝ նոցա վաշխ և
նենգութիւն :

10 Օի թէ թշնամոյն նախատեալ
էր, համբերէի արդեօք . կամ ատելոյն
մեծաբանեալ էր 'ի վերայ իմ, թազէի
արդեօք 'ի նմանէ :

11 Իսկ գու մարդ հաւասար իմ, ա-
ռաջնորդ իմ և ծանօթ իմ :

12 Ապաքէն 'ի նոյն քաղցրացուցեր
ինձ և քեզ կերակուր : զի գնայաք միա-
բանութեամբ 'ի տան աստուծոյ :

13 Ակեսցէ մահ 'ի վերայ նոցա, և
կենդանւոյն իջցեն 'ի դժոխս . զի չարու-
թիւն է 'ի բնակութեան նոցա և 'ի մէջ
նոցա :

14 Աս առ աստուած կարդացի . և
լուաւ ինձ յերեկոյս, 'ի վաղորդայն և 'ի
հասարակ աւուր :

15 Պատմեցի և ասացի, և լուիցէ ձայ-

նի իմում . փրկեսցէ խաղաղութեամբ զանձն իմ 'ի մերձաւորաց իմոց , զի կարեօք հասին 'ի վերայ իմ :

16 Լուիցէ աստուած և խոնարհ աբասցէ զնոսա որ յառաջն է քան զյաւիտեանս :

17 Օի ոչ գոյր նոցա փոխանակ , և ոչ երկեան յաստուծոյ :

18 Չգեաց զձեռն իւր 'ի հատուցանել նոցա . և նոքա սղծեցին զօրէնս նորա :

19 Բաժանեցան 'ի սրտմտութենէ երեսաց նորա . և եհաս 'ի սիրտս նոցա :

20 Ասկուղ էին բանք նոցա քան զձէթ , և ինքեանք որպէս սլաք :

21 Ընկեա 'ի տէր զհոգս քո , և նակերակրէ գրեզ . և ոչ տայ յաւիտեան սասանութիւն արդարոյ :

22 Դու աստուած իջուցես զնոսա 'ի գուր ապականութեան . արք արինահեզք և նենգաւորք մի՛ հասարակեսցեն զաւուրս իւրեանց : այլ ես 'ի քեզ տէր յուսացայ :

Յունք 22 : Գորդայո 38 :

ՄԱՂՄՈՍ ԾԵ

Ի խորարած . վասն ժողովրդեանն , որ 'ի սրբոյն հետացեալ էին . 'ի ժամանակի զի խալան զնա այլազեմն 'ի գեթ : Յարձանագիւր . սողնոս 'ի դաւիթ :

1 Ողորմեա ինձ աստուած , զի կոխեաց

զիս մարդ . զօրհանապազ պատերազմունք նեղեցին զիս :

2 Աոխեցին զիս թշնամիք իմ զօրհանապազ . բազում եղեն՝ ոյք մարտնչէին ընդ իս ՚ի բարձանց :

3 Ի տուէ ես ոչ երկեայց , զի ՚ի տէր յուսացայ . աստուծով գովեցից զբանս իմ . յաստուած յուսացայ՝ և ոչ երկեայց , զի՞ արասցէ ինձ մարդ :

4 Օրհանապազ զբանս իմ անարգեցին . զինէն էին խորհուրդք նոցա ՚ի չարութեան :

5 Պանդուխտք եղեցին , և թաքթաքուրք շջեցին . նոքա գարշապարի իմում սպասեցեն , որպէս և սպասէին անձին իմոյ :

6 Որպէս առ ոչնչէ մերժեցես զնոսա . բարկութեամբ զժողովուրդս հնազանդեցուսցես :

7 Աստուած զկեանս իմ պատմեցից քեզ : եզից զարտասուս իմ առաջի քո , որպէս խոստացար դու ինձ :

8 Դարձցին թշնամիք իմ յետս իւրեանց , յաւուր յորում կարդացից առ քեզ :

9 Ահա ծանեայ զի աստուած իմ ես դու . զաստուած օրհնեցից ՚ի բանս իմ , և զտէր գովեցից ՚ի խօսս իմ . յաս-

տուած յուսացայ և ոչ երկեայց , զե՞ ա-
րասցէ ինձ մարդ :

10 Յինէն են ուխտք իմ , զոր տաց
քեզ օրհնութեամբ աստուած աստուած
իմ :

11 Փրկեցեր զանձն իմ 'ի մահուանէ .
զաչս իմ յարտասուաց , և զոտս իմ 'ի
զայթազղութենէ . հաճոյ եղէց առաջի
տեառն յերկրին կենդանեաց :

Տունք 11 :

ՄԱՂՄՈՍ Ծ.Ձ

Ի Խորաբաժ մի ապախաներ . 'ի դաւիթ յարշամադիր . 'ի ժամանակի զև փախու-
ցեալ լաւոցեալ էր նա յերեսաց սառուղայ յայրի տնդ :

1 Ողորմեա ինձ աստուած՝ ողորմեա
ինձ , զե 'ի քեզ յուսացաւ անձն իմ :

2 Ի հովանի թևոց քոց յուսացայց ,
մինչև անցցէ անօրէնութիւն :

3 Աղաղակեցի առ աստուած բարձրեալ ,
առ աստուած բարերար իմ :

4 Առաքեաց յերկնից , և կեցոյց զես .
եզ 'ի նախատինս , որ կոխէին զես :

5 Առաքեաց աստուած զողորմութիւն
և զճշմարտութիւն իւր . և փրկեաց զան-
ձրն իմ 'ի միջոյ զազանաց , զե ննջէի ես
խռովեալ :

6 Որդւոց մարդկան ատամունք իւր-
եանց զէն և նետք են , և լեզուք նոցա
որպէս սուր սուսերի :

7 Տարձրեալ ես դու յերկինս աստուած , և յամենայն երկրի են փառքքո :

8 Որողայթ պատրաստեցին ոտից իմոց . խոնարհ արարին զանձն իմ . փոքեցին առաջի իմ խորխորատ , և անկան ինքեանք 'ի նոյն :

9 Պատրաստ է սիրտ իմ աստուած , պատրաստ է սիրտ իմ օրհնել և սաղմոս ասել քեզ փառքք իմովք :

10 Օարթիք փառք իմ , զարթիք սաղմոսիւք և օրհնութեամբ . և ես զարթեայց առաւօտուց :

11 Խոստովան եղէց քեզ 'ի ժողովուրդս տէր , և սաղմոս ասացից քեզ յազնս :

12 Մեծ եղև մինչև յերկինս ողորմութիւնք , մինչև յամպս ճշմարտութիւնք :

13 Տարձրեալ ես դու յերկինս աստուած , և յամենայն երկրի են փառքքո :

Ցուր 13 :

ՍՆՂՄՈՍ ԾԷ

Ի խորտաթ . Պ սպախաներ . յարչանաբիւր . սաղմոս 'ի դասիլն :

1 Թէ արդարև զարդարութիւն խօսէիք , և ուղիղս դատէիք որդիք մարդկան :

2 Քանզի և արդ իսկ 'ի սրտի ձերում զանօրէնութիւն գործէիք յերկրի . անիրաւութիւն ձեռք ձեր նիւթեն :

3 Օտար եղեն մեղաւորք 'ի մօրէ . խաբեցան յարզանդէ , և խօսեցան սուտ :

4 Սրտամտութիւն նոցա ըստ նմանութեան օձի . որպէս իժի և քարբի , զի խցեալ է զականջս իւր :

5 Քի մի' լուիցէ նա զձայն թովչի ճարտարի , և մի' առցէ զեղ 'ի զեղատուէ իմաստնոյ :

6 Աստուած փշրեցէ զատամունս նոցա 'ի բերանս իւրեանց . և զժանիս առիւծուց խորտակեաց տէր :

7 Անարգ եղիցին նոքա որպէս ջուր՝ զի հեղու . 'ի լարել աղեղան նորա տկարացին որպէս մոմ զի հալի , և սպառեցին :

8 Անկաւ հուր՝ և ոչ տեսին զարև , մինչև 'ի միտ առեալ էր զփուշս . իւրեանց . որպէս զժնիկ բարկութեամբ կենդանւոյն կիզցէ զնոսա :

9 Ուրախ եղեցի արդարն՝ յորժամ տեսցէ զհատուցումն . և զձեռս իւր լուսացէ յարեան մեղաւորի :

10 Աւ ասասցէ մարդ . թէ արդարև գուցէ պտուղ արդարոյ , և է աստուած որ դատի զնոսա յերկրի :

ՍԵՂՄՈՍ ԾԻ

Ի խորարած . թ' ապականի . յարշանա՞լի . 'ի ժամանակն զի առաւելաց աւ-
տուղ , և պաւարիւոց զըրան նորոց , զի սպանել զնա . ստղոս 'ի դաւ-իլ :

1 Փրկեա զիս 'ի թշնամեաց իմոց աս-
տուած , յայնցանէ որ յարուցեալ են 'ի
վերայ իմ ապրեցո զիս :

2 Փրկեա զիս յայնցանէ , ոյք գործեն
զանօրէնութիւն . յարանց արիւնահե-
ղաց ապրեցո զիս :

3 Որսալ զանճն իմ կամեցան , և հա-
սին 'ի վերայ իմ հզօրք :

4 Ոչ մեղք իմ և ոչ յանցանք . առանց
մեղաց ընթացայ և ուղիղ եղէ :

5 Չարթիր ընդ առաջ իմ , և տես
դու տէր զօրութեանց աստուած իսրա-
յելի :

6 Նայեաց և այց արա ամենայն հե-
թանոսաց . մի' ողորմիր ամենեցուն , ոյք
գործեն զանօրէնութիւն :

7 Դարձցին ընդ երեկոյս . սովեսցին
որպէս շունք , և շրջեսցին զքաղաքաւ :

8 Նոքա զօղանջեսցեն բերանօք իւ-
րեանց , և սուր է 'ի շրթունս նոցա :

9 Իսկ արդ ո՞վ լուաւ զայս . զի դու տէր
ծիծաղեսցիս զնոքօք , և արհամարհես-
ցես զամենայն հեթանոսս :

10 Չզօրութիւն իմ առ քեզ պահե-
ցից , զի աստուած օգնական իմ է :

11 Եստուած իմ , ողորմութիւն նորա
կանխեսցէ առ իս . և աստուած իմ ցոյց
ինձ 'ի թշնամիս իմ :

12 Մի սպանաներ զնոսա , զի մի' մո-
ռացին զժողովուրդս քո :

13 Յրուեա զնոսա զօրութեամբ քով ,
և ընկճեա զնոսա , զի դու ես պաշտպան
իմ տէր :

14 Մեղք բերանոյ նոցա և բանք շր-
թանց նոցա , ընկլցին նոքա յամբար-
տաւանութեան իւրեանց :

15 Յանէծս և 'ի ստութիւն մատնես-
ցին , 'ի կատարածի բարկութեան սպա-
ռեսցին , և մի' գտցին :

16 Գիտասցեն՝ զի աստուած տիրէ յա-
կովբայ և ամենայն ծագաց երկրի :

17 Դարձցին ընդ երեկոյս . սովես-
ցին որպէս շունք , և շրջեսցին զքա-
ղաքաւ :

18 Նոքա սփռեսցին յուտել . ապա թէ
ոչ յազեսցին , տրտնջեսցեն :

19 Ես օրհնեցից զօրհնութիւնս
տեառն , և ցնծացայց առաւօտուց յո-
ղորմութեան քում :

20 Քի եղեր իմ պաշտպան և տուն
ապաւինի , յաւուր նեղութեան իմոյ օգ-
նական իմ :

21 Քեզ սաղմոս ասացից՝ աստուած

ապաւէն իմ . աստուած ողորմութեան իմոյ :

Տունք 21 :

ՍՆՂՄՈՍ ԿԻԹ

Ի կարարած . զառանցելոց ժամանակոց առ ուսանել . 'ի ժամանակի զի հրչիէ արար նա զմեզմարս և զասորեսպանն ստեղայ , և 'ի դարչին հարկանէր յովոք զչորն ասղից յերկրաստան հաղարս : Յարչանագիւր . սաղմոս 'ի դասիլ :

1 Աստուած մերժեցեր և աւերեցեր զմեզ . բարկացար , և զթացցիս 'ի մեզ :

2 Շարժեցեր զերկիր , և խռովեցուցեր զսա . բժշկեա զհարուածս սորա , զի սասանեցաւ :

3 Յուցեր ժողովորդեան քում խստութիւն . և ետուր ըմպել մեզ զինի յիմարութեան :

4 Ետուր երկիւղածաց քոց նշան , զի ապրեսցին յերեսաց աղեղան :

5 Որպէս փրկեցան սիրելիք քո . կեցո աջով քո , և լուր մեզ :

6 Աստուած խօսեցաւ 'ի սրբութենէ իւրմէ . բարձր եղէց , բաժանեցայց զսիւքէմ , և զհովիտսն յարկաց չափեցից :

7 Իմ է գաղայադ , և իմ է մանասէ . եփրեմ հզօրիչ գլխոյ իմոյ :

8 Յուղայ թագաւոր իմ . մովաբ աւազան յուսոյ իմոյ :

9 Յեղովմէ ուղղեցից զգնացս իմ . և ինճ այլազգիք հնազանդ եղեն :

10 Ո՞ տարցէ զես 'ի բաղաք ամուր ,

կամ ո՞ առաջնորդեսցէ ինձ մինչև յեղովմէ :

11 Եթէ ոչ դու աստուած , որ մերժեցեր զմեզ , և ոչ ելեր աստուած ընդ զօրս մեր :

12 Տուր մեզ օգնութիւն 'ի նեղութեան , զի ընդունայն է փրկութիւն մարդոյ :

13 Եստուծով արասցուք զօրութիւն . և նա արհամարհեսցէ զայնոսիկ՝ որ նեղեն զմեզ :

Տունք 13 :

ՍԵՂՄՈՍ Կ

Ի խորամ ընդ օրհնութիւն . սաղմոս 'ի դաւիթ :

1 Լուր աստուած աղօթից իմոց , նայեա տէր յաղօթս իմ :

2 Ի ծագաց երկրէ կարդացի առ քեզ , մինչ 'ի վաստակել սրտի իմոյ :

3 Ի վիմէ բարձր արարեր զես . առաջնորդեսցեր ինձ , և իմ եղեր յոյս , և աշտարակ հզօր եղեր ինձ յերեսաց թշնամւոյն :

4 Բնակեցայց 'ի յարկս քո յաւիտեան , և ծածկեցայց ընդ հովանեալ թևոց քոց :

5 Դու աստուած լուար աղօթից իմոց . ետուր ժառանգութիւն , ոյք երկնչին յանուանէ քումմէ :

6 Աւուրս յաւուրս յաւելեր թագաւորի ամաց նորա , աւուրս աղզաց մինչև յաղզս նորա :

7 Կայ և մնայ յաւիտեանն առաջի աստուծոյ ողորմութիւն և ճշմարտութիւն , ոյք խնդրեսցեն 'ի նմանէ :

8 Այսպէս սաղմոս ասացից քեզ յաւիտեանս յաւիտենից , և տաց քեզ զաղօթս իմ օր ըստ օրէ :

Յանք 8 : Գորդայս 42 :

ՍՆՂՄՈՍ ԿԸ

Ի Կարտրած . 'ի վերայ իրելեանց . սաղմոս 'ի դաւիթ :

1 Բայց միայն աստուծոյ Հնազանդ լեր անձն իմ , զի 'ի նմանէ է ինձ փրկութիւն :

2 Նա է աստուած իմ և փրկիչ իմ . ապաւէն իմ , զի մի' սասանեցայց առաւել :

3 Մինչև յերբ յառնէք 'ի վերայ մարդոյ՝ սպանանել ամենեքեան , որպէս յորմոյ թիւրելոյ և 'ի ցանկոյ մերժելոյ :

4 Բայց միայն զպատիւ իմ խորհեցան մերժել յինէն , և ընթացան 'ի ծարաւս իւրեանց :

5 Բերանօք իւրեանց օրհնէին , և սրբտիւք անիծանէին :

6 Բայց սակայն աստուծոյ Հնազանդ

լիցի անձն իմ, զի 'ի նմանէ է ինձ համբերութիւն :

7 Նա է աստուած իմ և փրկիչ իմ, ապաւէն իմ զի մի' սասանեցայց :

8 Յաստուծոյ է զօրութիւն իմ և փառք իմ. աստուած օգնութեան իմոյ, յոյս իմ է առ աստուած :

9 Յուսացարուք 'ի նա ամենայն ժողովք ժողովրդոց, սփռեցէք առաջի նորա զսիրտս ձեր, զի աստուած օգնական է մեր յաւիտեանս ժամանակաց :

10 Սակայն ընդունայն են որդիք մարդկան. սուտ են որդիք մարդկան. 'ի կրշիւս իւրեանց մեղանչեն, և ինքեանք յունայնութեան են 'ի միասին :

11 Մի' յուսայք յանիրաւութիւն, յափշտակութեան մի' ցանկայք. և մեծութիւն թէ առիւ զայցէ, մի' յօժարեսցին սիրտք ձեր :

12 Մի' անգամ խօսեցաւ աստուած, և երկուս զայս լուարք :

13 Յաստուծոյ է զօրութիւն, և քօտէր ողորմութիւն. և զու հատուցանես իւրաքանչիւր ըստ գործս նոցա :

ՏՈՒՆՔ 13 :

ՍԵՂՄՈՍ ԿԲ

Ստեղծու 'ի դասիւն . Տիեզերս նորէր նա յանապատի անդ Հրեաստանի :

1 Աստուած աստուած իմ, ես առ քեզ

առաւօտ առնեմ . ծարաւեաց առ քեզ
հոգի իմ . քանի՞պատիկ ևս և մարմին իմ :

2 Որպէս երկիր անապատ և անջուր ,
ուր ոչ գոյ 'ի նմա ճանապարհ :

3 Այսպէս 'ի սուրբս երևեցայց քեզ ,
տեսանել ինձ զգորութիւն քո և զփառս
քո :

4 Այն զի լաւ է ինձ ողորմութիւն
քո քան զկեանս իմ . և շրթունք իմ գո-
վեսցեն զքեզ :

5 Այսպէս օրհնեցից զքեզ 'ի կեանս
իմ , և յանուն քո համբարձից զձեռս
իմ :

6 Որպէս 'ի ճարպոյ պարարտութենէ
լոյսի անձն իմ , շրթամբք ցնծութեամբ
օրհնեսցէ զքեզ բերան իմ :

7 Օր թէ յիշէի զքեզ յանկողնի ի-
մում , ընդ առաւօտս կանխեալ խօսէի
ընդ քեզ :

8 Օր եղեր իմ օգնական , 'ի հովանի
թևոց քոց ցնծացայց :

9 Ահն զկնի քո անձն իմ . և զիս ըն-
կալաւ աջ քո . և նորա 'ի նանիր խնդրե-
ցին զանձն իմ :

10 Մտցեն 'ի ներքոյ անդնդոց երկրի .
մատնեսցին 'ի ձեռս սրոյ , և բաժինք
ազուեսուց եղիցին :

11 Թաղաւոր յուսացաւ 'ի տէր . գո-

վեսցին ամենեքեան՝ որ Երզնուն նովաւ .
խցցին բերանք այնոցիկ՝ ոյք խօսեին զա-
նիրաւութիւն :

Յունք 11 :

ՄԱՂՄՈՍ ԿԳ

Ի խորհրդի : սաղմոս 'ի դասին :

1 Այլ աստուած աղօթից իմոց յա-
զաչել ինձ առ քեզ . յերկիւղէ թշնամ-
ւոյն փրկեա զանձն իմ :

2 Ծածկեսցես զես 'ի ժողովոց չարաց ,
'ի բաղմութենէ՝ ոյք զործեն զանօրէնու-
թիւն :

3 Այք սրեցին որպէս սուսեր զլեզուս
իւրեանց . լարեցին զաղեղունս իւրեանց
յիբօ դառնութեան :

4 Չգել 'ի գաղտնիս այնոցիկ՝ ոյք ու-
ղեղ են սրտիւք . յանկարծակի ձգեսցեն
'ի նոսա , և մի՛ երկիցեն :

5 Այք զօրացուցին յանձինս իւրեանց
գրանս չարութեան . խորհեցան թազու-
ցանել ինձ որողայթ , և ասացին ոչ տե-
սանէ զայս տէր :

6 Վննեցին զանօրէնութիւն , պատ-
րաստեցան 'ի քննել զքննութիւն :

7 Մատիցէ այր 'ի խորութիւն սրտի
իւրոյ , և բարձր եղեցի աստուած :

8 Նետք տղայոց եղեն վէրք նոցա .
տկարացան 'ի նոսա լեզուք իւրեանց , և

խռովեսցին ամենեքեան՝ ոյք հայէին ընդ նոսա :

9 Երկեաւ ամենայն մարդ . և պատմեցին զգործս աստուծոյ , և զարարածս նորա 'ի միտ առին :

10 Ուրախ եղեցի արդար 'ի տէր , և յուսասցի 'ի նա . նովաւ զովեսցին ամենեքեան , ոյք ուղիղ են սրտիւք :

Տունք 10 : Գորդայս 34 :

ՍՆՂՄՈՍ ԿԴ

Ի Կարաբաժ . սաղմոս 'ի դաւիթ : Օրհնութեան երեմայի՝ եղեկեկ և ժողովորդեանն , յորժամ 'ի պանդխտութեանն խաչին ելանէ :

1 Քեզ վայելէ օրհնութիւն աստուած 'ի սիրովն . և քեզ տացին աղօթք յերուսաղէմ :

2 Լուր աղօթից իմոց , զի առ քեզ ամենայն մարմին եկեսցէ :

3 Բանք անօրինաց զօրացան 'ի վերայ մեր . զամբարշտութիւնս մեր դու քաւեսցես :

4 Երանի զոր ընտրեցեր և ընկալար , և ընակեսցեն 'ի գաւիթս քո :

5 Լցուք մէք 'ի բարութենէ տան քո . սուրբ է տաճար քո սքանչելի արդարութեամբ :

6 Լուր մեզ աստուած փրկիչ մեր , յոյս ամենայն ծագաց երկրի , և որ 'ի ծով հեռի :

7 Ո պատրաստէ զլերինս զօրութեամբ իւրով, և զգեցեալ է զօրութիւն :

8 Ո խռովեցուցանէ զմեծութիւն ծովու, և զձայն ալեաց նորա ցածուցանէ :

9 Խռովեսցին հեթանոսք, և երկիցեն բնակիչք երկրի 'ի նշանաց քոց :

10 Յելս առաւօտու՝ ընդ երեկոյս զուարճասցին . հայեցար յերկիր՝ արբեցուցեր զնա, և բազում արարեր զմեծութիւն նորա :

11 Գետն աստուծոյ լի եղև ջուրք . պատրաստ արարեր զկերակուր նորա, զի այսպէս է պատրաստութիւն :

12 Օձակօս նորա արբեցուցեր, և բազում արարեր զարմտիս նորա :

13 Ի ցօղել նորա զուարթ եղեցի բոյս նորա . օրհնեսցի պսակ տարւոյ քաղցրութեան քոյ :

14 Դաշտք քո լցցին պարարտութեամբ . պարարտասցին գեղեցկութիւնք անապատի :

15 Բլուրք ցնծութիւն զգեցցին, և զգեցցին խոյք մաքեաց :

16 Հովիտք բազում արասցեն ցորեան, աղաղակեսցեն և օրհնեսցեն :

Տունք 16 :

1 Աղաղակեցէք առ աստուած ամենայն երկիր . սաղմոս ասացէք անուան նորա , և տուք զփառս օրհնութեան նորա :

2 Ասացէք աստուծոյ , ճրպէս զի ասէզ են զործք քո . 'ի բազում զօրութեան քում ստեցին քեզ թշնամիք քո :

3 Ամենայն երկիր երկիր պազցեն քեզ . սաղմոս ասացեն քեզ , և սաղմոս ասացեն անուան քում :

4 Եկայք և տեսէք զզործս աստուծոյ . ճրպէս զի ասէզ են խորհրդովք քան զամենայն որդւոց մարդկան :

5 Ո դարձոյց զծովն 'ի ցամաք . և ընդ գետս անցին յոտանաւորք :

6 Անդ ուրախ եղեցուք մէք 'ի նա , որ տիրէն զօրութեամբ իւրով յաւիտենից :

7 Աչք նորա 'ի հեթանոսս հային . ոյք դառնացուցին զնա , մի' բարձրացին յանձինս իւրեանց :

8 Օրհնեցէք հեթանոսք զաստուած մեր . լսելի արարէք զձայն օրհնութեան նորա :

9 Այն որ ետ զանձն իմ 'ի կեանս , և ոչ ետ զողութիւն ոտից իմոց :

10 Փորձեցեր զմեզ աստուած և քննեցեր , որպէս և քննի արծաթ :

11 Իջուցեր զմեզ յորոգայթ , եղիր նեղութիւն 'ի թիկունս մեր . և անցուցեր զմարդիկ 'ի վերայ գլխոց մերոց :

12 Ընցաք մեք ընդ հուր և ընդ ջուր , և հաներ զմեզ 'ի հանգիստ :

13 Մտից 'ի տուն քո պատարագօք . տաց քեզ զուխտ իմ , զոր խոստացան քեզ շոթունք իմ , զոր բերան իմ խօսեցաւ 'ի նեղութեան :

14 Չողջակէզս ուղղալիցս մատուցից քեզ խոյօք և խնկօք , և քեզ մատուցից զուարակս և նոխազս :

15 Եկայք լուարուք ինձ՝ և պատմեցից ձեզ ամենեքեան՝ ոյք երկնչեք յաստուծոյ , զոր ինչ արար անձին իմոյ :

16 Եւ նա բերանով իմով կարդացի . և բարձր արարից զնա լեզուաւ իմով :

17 Չմեզս թէ տեսանէի 'ի սրտի իմում , միթէ լէք ինձ տէր :

18 Վասն այսորիկ լուաւ աստուած , և նայեցաւ 'ի ձայն խնդրուածաց իմոց :

19 Օրհնեալ է աստուած՝ որ ոչ 'ի բացեայ արար զաղօթս իմ , և ոչ զողորմութիւն իւր յինէն :

Տունք 19 :

ՍԵՂՄՈՍ Կ.Չ.

Ի խորագած . ընդ օրհնութիւնս . սաղմս երգոց :

1 Աստուած ողորմեա մեզ և օրհնեա

զմեզ . երևեցո զերեսս քո 'ի մեզ , և ողորմեա մեզ :

2 Ճանաչել յերկրի զճանապարհս քո , յազննա ամենայն զփրկութիւնս քո :

3 Խոստովան եղեցին առ քեզ ժողովուրդք աստուած , խոստովան եղեցին առ քեզ ժողովուրդք ամենայն :

4 Ուրախ եղեցին և ցնծասցեն ազննք , զի դու դատիս զժողովուրդս յուղղութիւն . և ազգաց երկրի դու առաջնորդես :

5 Խոստովան եղեցին առ քեզ ժողովուրդք աստուած . զոհասցին զքէն ժողովուրդք ամենայն :

6 Երկիր ետ զպտուղ իւր , և օրհնեաց զմեզ աստուած աստուած մեր :

7 Մտուած մեր օրհնեսցէ զմեզ . և 'ի նմանէ երկիցեն ամենայն ծագք երկրի :

Տունք 7 : Գորգայս 42 :

ՍՇՂՄՈՍ ԿԷ

Ի Կարաբաձ . սուղնս 'ի դաւիթ :

1 Յարիցէ պատուած՝ և ցրուեսցին ամենայն թշնամիք նորա , փախիցեն առ տելք նորա յերեսաց նորա :

2 Որպէս պակասէ ծուխ՝ պակասեսցին . որպէս հալի մոմ առաջի հրոյ , այնպէս կորիցեն մեղաւորք յերեսաց աստուծոյ :

3 Երդարք ուրախ եղիցին՝ և ցնծացեն առաջի նորա , և զուարճացին յուրախութեան իւրեանց :

4 Օրհնեցէք զաստուած և սաղմոսասացէք անուան նորա . ճանապարհարարէք այնմիկ՝ որ նստի ընդ արեմուտս , և տէր է անուն նորա :

5 Զնծացեն առաջի նորա , և խոզվեսցին յերեսաց նորա :

6 Որ հայրն է որբոց և դատաւոր այրեաց , աստուած ՚ի տեղուջ սրբութեան իւրում :

7 Աստուած բնակեցուցանէ զմիակրօնս ՚ի տան , և հանէ զկապեալս քաջութեամբ իւրով . սոյնպէս և զդառնացողս՝ որ բռնակեալ են ՚ի գերեզմանս :

8 Աստուած ընդ ելանել քեզ առաջի ժողովոյդեան քո , ընդ անցանել քեզ ընդ անապատ՝ երկիր շարժեցաւ : .

9 Քանզի և երկինք ցօղեսցին յերեսաց աստուծոյ ՚ի սինէ առաջի աստուծոյ իսրայելի :

10 Ընձրե կամաց պատրաստեցեր աստուած ժառանգութեան քում . թէպէտ հիւանդացաւ , սակայն դու հաստատեցեր զնա , և զազանք քո բնակեցեն ՚ի նմա :

11 Պատրաստ արարեր քաղցրութեամբ

քո աղքատի աստուած . տէր տացէ զը-
բան , ոյք աւետարանեն զօրութեամբ
բազմաւ :

12 Թագաւոր զօրութեանց սիրելոյ ,
զգեղեցկութիւն տան քո բաժանեալ յա-
ւարի . թէպէտ և ննջեսջիք 'ի մէջ վիճա-
կաց :

13 Թւէք աղանւոյ արծաթապատ , և
թիկնամէջք նորա 'ի գոյն ղսկոյ :

14 Ի գումարել երկնաւորին զթագա-
ւորս 'ի վերայ նորա , ձիւնասցին 'ի սաղ-
մոն :

15 Լեառն աստուծոյ լեառն պարարտ ,
լեառն մածեալ , և լեառն պարարտ . և
զե՞նչ կարծէք լերինք հպարտացեալք :

16 Լեառն , ընդ որ հաճեցաւ աստուած
բնակել 'ի նմա , քանզի և տէր իսկ բնա-
կեսցէ 'ի նմա իսպառ :

17 Վառք աստուծոյ բիւրապատիկք ,
հազարք ուղղիչք , և տէր 'ի նոսա 'ի սինէ
սրբութենէ իւրմէ :

18 Այ 'ի բարձունս և գերեաց զգերու-
թիւն . առ աւար՝ բաշխեաց պարգևս և
ետ որդւոց մարդկան . քանզի թերահա-
ւատից ևս բնակեալ եղիցի 'ի նմա :

19 Տէր աստուած օրհնեալ՝ օրհնեալ
տէր զօրհանապաղ , առաջնորդեսցէ մեզ
աստուած փրկիչ մեր :

20 Եստուած մեր աստուած կենարար ,
և 'ի տեառնէ են եւք մահու :

21 Բայց սակայն աստուած փշրեսցէ
զգլուխ թշնամեաց մերոց . և զհերն
կարճնովին , որ գնան յանօրէնութեան
իւրեանց :

22 Եսաց տէր՝ 'ի խորոց անդնդոց
դարձուցից , և 'ի միջոյ ժանեաց զայն 'ի
դուրս կորզեցից :

23 Որպէս թացցի ոտն քո յարեան ,
և լեզուք շանց քոց յարենէ թշնամեաց
քոց :

24 Երևեցան գնացք քո աստուած .
գնացք աստուծոյ թագաւորին մերոյ
սրբոյ :

25 Կանխեցին իշխանք . հանել զօրհ-
նութիւն 'ի մէջ կուսանաց և զով-
չաց :

26 Յեկեղեցիս օրհնեցէք զաստուած ,
և զտէր յաղբերացն իսրայելի :

27 Ենդ բենիամին 'ի տղայութեան
զարմանալի , իշխանք յուղայ՝ առաջ-
նորդք նորա՝ իշխանք զաբուղոնի , և իշ-
խանք նեփթաղիմայ :

28 Հրամայեա աստուած զօրութեամբ
քով . զօրացո զայս , զոր հաստատեցեր
'ի մեզ :

29 Ի տաճարէ քումմէ յերուսաղեմէ

քեզ մատուցեն թագաւորք զպատարագս :

30 Սաստեա 'ի դազան եղեզան , 'ի ժողովս զուարակաց և 'ի դասս երնջուց :

31 Խոտեսցին այնոքիկ՝ որք ընտրեալ են արծաթով . ցրուեա զհեթանոսս , և ոյք կամին ընդ պատերազմ :

32 Եկեսցեն հրեշտակք յեզիպտոսէ . հնդիկք յառաջագոյն ձեռնտու լեցին առաստուած :

33 Թագաւորութիւնք երկրի օրհնեցէք զաստուած , և սաղմոս ասացէք տեառն :

34 Ղանապարհ արարէք այնմիկ , որ նստի յերկինս երկնից ընդ յարևելս :

35 Եհա տացէ զձայն իւր 'ի ձայն զօրութեան . և տուք զփառս տեառն :

36 Ի վերայ իսրայելի մեծվայելչութիւն նորա . զօրութիւն նորա մինչև յամպս երկնից :

37 Աքանչելի է աստուած 'ի վերայ սրբոց իւրոց , աստուած իսրայելի :

38 Նա տացէ զօրութիւն հաստատութիւն ժողովօղեան իւրոյ . օրհնեալ է աստուած :

Տունք 38 :

ՍԵՂՄՈՍ ԿԸ

Ի Կարաթ . վասն զատանցելոյն . սողնոս 'ի դասիլն :

1 Կեցո զիս աստուած , զի հասին ջուրք

յանձն իմ . ընկլայ ես 'ի խորս ան-
դընդոց , ուր ոչ գոյ ինձ հանգիստ :

2 Եկի ես 'ի խորս ծովու , և շրջանք
ընկղմեցին զես :

3 Աստակեցի ես առ աղաղակել , և
կերկերեցաւ կոկորդ իմ :

4 Նուաղեցին աչք իմ , առ յուսալ ինձ
առ տէր աստուած իմ :

5 Բազում եղեն քան զհեր գլխոյ իմոյ ,
ոյք ատէին զես 'ի տարապարտուց :

6 Ջօրացան յիս թշնամիք իմ և ա-
տելեք իմ 'ի նանիր . ինչ զոր ոչ յափըշ-
տակեալ էր , տուժէի նոցա :

7 Աստուած դու ծանեար զանզգամու-
թիւն իմ , և յանցանք իմ 'ի քէն ոչ
ծածկեցան :

8 Մի ամաչեսցեն վասն իմ , ոյք համ-
բերեն քեզ տէր տէր զօրութեանց . մի'
պատկառեսցեն վասն իմ , ոյք խնդրեն
զքեզ աստուած իսրայելի :

9 Ասն քո համբերի նախատանաց .
և ծածկեաց ամօթ զերեսս իմ :

10 Օտար եղէ ես յեղբարց իմոց . և
հիւր որդւոց մօր իմոյ :

11 Նախանձ տան քո եկեր զես . նա-
խատինք նախատչաց քոց անկան 'ի վե-
րայ իմ :

12 Խոնարհեցուցի պահօք զանձն իմ ,

և եղեն ինձ այս նախատինք . արարի զհանդերձս իմ քուրձ , և եղէ յառակ նոցա :

13 Օ ինէն խորհէին , ոյք նստէին առ դրունս . զիս այսն առնէին , ոյք ըմպէին գինի :

14 Ես յաղօթս կայի առ քեզ տէր 'ի ժամանակ ընդունելի :

15 Եստուած 'ի բազում ողորմութեան քում լուր ինձ , 'ի ճշմարտութիւն փրկութեան քո :

16 Եպրեցո զիս 'ի կաւոյ , զի մի' ընկլայց . ապրեցայց ես յատելեաց իմոց , և 'ի խորոց ջուրց բազմաց :

17 Մի' ընկլցեն զիս պտոյտք ջուրց , և մի' ընկղմեսցեն զիս անդունդք խորոց . ջրհոր մի' կափուսցէ զբերան իւր 'ի վերայ իմ :

18 Լուր ինձ տէր , զի քաղցր է ողորմութիւն քո . ըստ բազում գթութեան քո հայեա յիս , և մի' դարձուցաներ զերեսս քո 'ի ծառայէ քումմէ . զի նեղեալ եմ ես , վաղվաղակի լուր ինձ :

19 Հայեա յանձն իմ և փրկեա զիս , և վասն թշնամեաց իմոց ապրեցո զիս :

20 Օ ի դու գիտես զնախատինս իմ , զամօթ իմ և զպատկառանս իմ :

21 Եռաջի քո են ամենայն նեղիչք ան-

ձին իմոյ . նախատանաց համբեր սիրտ
իմ և թշուառութեան :

22 Եկն ունէի՝ թէ ո տրտմեսցի ընդ
իս , և ոչ ոք էր . և մխիթարիչ ինձ ոք
ոչ գտաւ :

23 Ետուն 'ի կերակուր ինձ լեղի , և 'ի
ծարաւ իմ արբուցին ինձ քացախ :

24 Եղեցին սեղանք նոցա առաջի նոցա
յորողայթ , 'ի հատուցումն և 'ի գայ-
թագղութիւն :

25 Խաւարեսցին աչք նոցա , զի մի՛
տեսցեն . և զթիկունս նոցա հանապազ
կորացո :

26 Երկցես 'ի վերայ նոցա զբարկու-
թիւն քո . սրտմտութիւն բարկութեան
քոյ հասցէ 'ի վերայ նոցա :

27 Եղեցին բնակութիւնք նոցա աւե-
րակ . և 'ի յարկս նոցա մի ոք իցէ՝ որ
բնակիցէ :

28 Օ՛ի զոր դուն հարեր՝ հալածեցին ,
և 'ի վերս ցաւոց իմոց յաւելին :

29 Դիր զմեզս 'ի վերայ մեզաց՝ նոցա ,
զի մի՛ մտցեն յարդարութիւն քո :

30 Գնջեսցին նոքա 'ի դպրութենէ
քումմէ կենաց , և ընդ արդարս քո մի՛
զրեսցին :

31 Եզբատ և ցաւած եմ ես . փրկու-
թիւն քո աստուած ընկալցի զես :

32 Օրհնեցից զանունն աստուծոյ իմոյ
օրհնութեամբ , և բարձր արարից զնա
զովութեամբ :

33 Հաճոյ եղեցի աստուծոյ քան զորթ
մատաղ , որ բերէ եղջիւրս ե կճղակս :

34 Տեսցեն աղբատք և ուրախ եղեցին .
խրնդ բեցէք զաստուած , և կեցցեն ան-
ձինք ձեր :

35 Օի լուաւ տէր տնանկաց , և զկա-
պեալս իւր ոչ արհամարհեաց :

36 Օրհնեսցեն զնա երկինք և երկիր ,
ձով և ամենայն որ զեռայ ՚ի նոսա :

37 Աստուած փրկէ զսիրովն , և շինես-
ցին քաղաքք հրէաստանի . շինեսցեն
բնակեսցեն և ժառանգեսցեն ՚ի նմա :

38 Օաւակ ծառայից քոց հաստա-
տեսցի անդ . և ոյք սիրեն զանունն քո ,
բնակեսցեն ՚ի նմա :

Տունք 38 :

ՍԵՂՄՈՍ ԿԹ

Ի Կաթողիկոս . Ի Գառնի . Ի յեւրոսի փրկեալ զնա որեւորն . սաղմոս :

1 Աստուած յօգնել ինձ նայեաց , և
տէր յընկերել ինձ փութա :

2 Ամաչեսցեն և յամօթ լիցին , որ
խնդրէին զանձն իմ . դարձցին յետս և
ամաչեսցեն , ոյք խորհէին ինձ չար :

3 Դարձցին առ ժամայն ամաչեսցեալ ,
որ ասէին ինձ վաշ վաշ :

4 Յնձասցեն և ուրախ լեցին 'ի քեզ
ամենեքեան , որ խնդրեն զքեզ տէր :

5 Ասացեն յամենայն ժամ՝ մեծ է աս-
տուած , և ոյք սիրեն զփրկութիւնս քո :

6 Ես աղքատ և տնանկ եմ , աստուած
օգնեա ինձ . օգնական և փրկիչ իմ ես և
տէր իմ՝ մի՛ յամենար :

Տունք 6 : Գորշայս 44 :

ՄԱՂՄՈՍ Է

Ի խորաբժ . որդւոցն յովնարաբայ . յիս աստուծոյ գերութեան . սաղմոս
'ի դասիլ :

1 Ի քեզ տէր յուսացայ , մի՛ ամաչեցից
յաւիտեան . յարդարութեան քում
փրկեա զիս և ապրեցո զիս :

2 Խոնարհեցո առ իս զունկն քո , և
կեցո զիս :

3 Ար իմ աստուած ապաւէն , և տեղի
ամուր կեցուցանել զիս . զի հաստատու-
թիւն իմ և ապաւէն իմ դու ես :

4 Աստուած իմ , փրկեա զիս 'ի ձեռաց
մեղաւորի , 'ի ձեռաց անօրինի և անի-
րաւի :

5 Դու ես համբերութիւն իմ տէր ,
տէր յոյս իմ 'ի մանկութենէ իմմէ :

6 Ի քեզ հաստատեցայ ես յարգան-
դէ . յորովայնէ մօր իմոյ դու ես ապա-
ւէն իմ , և առ 'ի քէն է օգնութիւն իմ
յամենայն ժամ :

7 Որպէս զի նշաւակ եղէ ես բազմաց .
և դու օգնական իմ և հզօրիչ իմ :

8 Այցի բերան իմ գոլութեամբ , որ-
պէս օրհնեցից զփառս քո , զօրհանա-
պաղ զմեծփայելչութիւնս քո :

9 Մի ընկենուր զիս տէր 'ի ժամանակս
ծերութեան . 'ի պակասել զօրութեան
իմոյ մի' թողուր զիս :

10 Ասացին թշնամիք իմ ինձ . և որ
պաշարեցին զանձն իմ , խորհեցան 'ի
միասին և ասացին :

11 Աստուած եթող զնա , հալածես-
ցուք և հասցուք նմա . զի ոչ ոք է որ
փրկէ զնա :

12 Աստուած իմ , մի' հեռի առնիր
յինէն . և աստուած յօգնել ինձ նա-
յեաց :

13 Ամաչեսցեն և պակասեսցին՝ ոչք
չարախօս կային զանձնէ իմմէ . զգեցցին
զամօթ և զպատկառանս՝ ոչք խնդրէին
ինձ չար :

14 Ան՝ յամենայն ժամ յուսացայց , և
յաւելից յօրհնութիւնս քո :

15 Բերան իմ պատմեսցէ զարդարու-
թիւնս քո , զօրհանապաղ զգոլութիւնս
քո :

16 Որպէս ոչ թէ խարդախութիւն ինչ
գիտէի ես զպրութեան . այլ մտից 'ի զօ-

բութիւնս տեառն . և տէր յիշեցի զար-
դարութիւնս քո միայն :

17 Աստուած իմ , ուսուցեր զիս 'ի ման-
կութենէ իմմէ . և ցարդ ևս պատմեցից
զարդարութիւնս քո :

18 Մինչև յալևորել և 'ի ծերանալ ,
աստուած իմ մի' թողուր զիս :

19 Մինչև պատմեցի բազուկ քո ազ-
գի ամենայնի որ գալոցն է :

20 Օգորութիւնս քո և զարդարու-
թիւնս մինչ 'ի բարձունս զոր արարեր
մեծամեծս , աստուած ո՞նմանէ քեզ :

21 Որչափ ցուցեր ինձ նեղութիւն բա-
զում և չարչարանս . դարձար և մխի-
թարեցեր զիս , և 'ի խորոց անդնդոց
երկրէ հաներ զիս :

22 Յաճախեցեր 'ի զօրութիւնս քո .
դարձար մխիթարեցեր զիս , և 'ի խորոց
երկրէ միւսանգամ հաներ զիս :

23 Երդ և ես խոստովան եղէց քեզ 'ի
պատրաստութիւն սաղմոսաց ճշմարիտդ
աստուած . սաղմոս ասացից քեզ օրհ-
նութեամբ սուրբդ իսրայելի :

24 Յնձասցեն շրթունք իմ յորժամ
սաղմոս ասիցեմ քեզ . և անձն իմ զոր
և փրկեցեր :

25 Եւս և լեզու իմ զօրհանապազ խօ-
սեցի զարդարութիւնս քո :

26 Ի ժամանակի որպէս յամօթ լիցին
և ամաչեսցեն , ոյք խնդրէին ինձ չար :

ՏՈՒՆՔ 26 :

ՄԱՂՄՈՍ ՀԱ

Ի սողանն սաղմոս :

1 Եստուած զերաւունս քո արքայի
տուր , և զարդարութիւնս քո որդւոյ
թագաւորի :

2 Դատել զժողովուրդս քո արդարու-
թեամբ , և զաղքատս քո իրաւամբք :

3 Եռցեն լերինք զխաղաղութիւն ժո-
ղովորեան , և բլուրք զարդարութիւն :

4 Իբաւ արասցէ աղքատաց ժողովոր-
դեան և կեցուցէ զորդիս տնանկաց , և
խոնարհեցուցէ զամբարտաւանս :

5 Աացցէ և մնացէ ընդ արևու յառաջ
քան զլուսին ազգէ մինչև յազգ :

6 Իջցէ որպէս զանձրև ՚ի վերայ գեղ-
ման , որպէս ցօղ զի ցօղէ յերկիր :

7 Ծագեսցէ յաւուրս նորա արդարու-
թիւն , բազում խաղաղութիւն՝ մինչև
կատարնեցի լուսին :

8 Տիրեսցէ նա ՚ի ծովէ մինչև ՚ի ծով ,
՚ի գետոց մինչև ՚ի ծագս աշխարհի :

9 Եռաջի նորա նախ հնդիկք անկցին ,
և թշնամիք նորա հող կերիցեն :

10 Թագաւորք թարսսի և կղզեաց
պատարագս մատուցեն նմա . թագա-

ւորք արաբայ և սաբայ պատարագս բեր-
ցեն նմա :

11 Երկիր պագցեն նմա ամենայն թա-
գաւորք երկրի , և ամենայն աղգք ծա-
ռայեսցեն նմա :

12 Ջի փրկեաց զաղքատն 'ի հզօրէ .
զաղքատն և զտնանկն , որոյ ոչ է իւր
օգնական :

13 Ընխայեսցէ նա յաղքատն և 'ի
տնանկն և զանձինս տնանկաց կեցու-
ցէ . 'ի վաշխից չարեաց փրկեսցէ զան-
ձինս նոցա :

14 Պատուական է անուն նորա առաջի
նոցա . կեցցէ , և տացի նմա յոսկւոյն
արաբացւոց :

15 Յաղօթս կացցեն առ նա յամենայն
ժամ . և զօրհանապազ օրհնեսցեն զնա :

16 Եղեցի հաստատութիւն ընդ ամե-
նայն երկիր . և 'ի վերայ գլխոց լերանց :

17 Բարձրասցի քան զլիբանան պտուղ
նորա . ծաղկեսցի 'ի քաղաքի տեառն
որպէս խոտ երկրի :

18 Եղեցի անուն տեառն օրհնեալ յա-
ւիտեան . զի յառաջ քան զարև է անուն
նորա :

19 Ի նա օրհնեսցին ամենայն աղգք
երկրի , և ամենայն ազինք երանիցեն նմա :

20 Օրհնեալ տէր աստուած իսրայելի

որ առնէ սքանչելիս միայն . և օրհնեալ է անուն սուրբ փառաց նորա յաւիտեան . լցցի փառօք նորա ամենայն երկիր . եղիցի եղեցի :

Տունք 20 : Գորդայս 46 :

ՍԵՂՄՈՍ ՀԻ

Սարգոս յաստի . օրհնութեան :

1 Իբրև զի բարի է իսրայելի աստուած և ոչք ուղիղ են սրտիւք :

2 Բայց զի իմ փոքր մի ևս սասանեալ էին ոտք . սակաւիկ մի և զայթագղեալ էին գնացք իմ :

3 Նախանձեցայ ես ընդ անօրէնս . զխաղաղութիւն մեղաւորաց որպէս տեսանէի , զի ոչ գոյր վրէպ մահու նոցա :

4 Հաստատուն էին տանջանք նոցա . ՚ի վաստակս մարդկան չեն նոքա , և ըստ մարդկան ոչ տանջեսցին :

5 Այսին այսորիկ կալաւ զնոսա ամբարտնաւանութիւն . արկան զիւրեամբք զամբարշտութիւն և զանիրաւութիւն իւրեանց :

6 Նլցէ որպէս ՚ի ճարպոյ անիրաւութիւնք նոցա . զի գնացին նոքա ըստ խորհրդոց սրտից իւրեանց :

7 Խորհեցան և խօսեցան չարութեամբ . զապիրատութիւն ՚ի բարձունս խորհեցան :

8 Եղին յերկինս զբերանս իւրեանց ,
և զլեզուս իւրեանց ածէին զերկրաւ :

9 Ասան այսորիկ ժողովուրդ իմ դարձցի այսրէն . և աւուրք իմ լի կատարեալ գացին 'ի նոսա :

10 Եսացին՝ զհնարդ զիտաց աստուած . կամ զուցէ՞ արդեօք զիտութիւն առ 'ի բարձրելոյն :

11 Եհա մեղաւորք են և յաջողեալ է նոցա . կան և ունին զմեծութիւն աշխարհի :

12 Եսացի՝ 'ի զուր ուրեմն արդարացուցի զսիրտ իմ . լուցայց սրբութեամբ զձեռս իմ . և եղէ ես խոշտանկեալ զօրհանապազ . և կշտամբանք իմ ընդ առաւօտս :

13 Թէպէտ և ասէի՝ թէ այսպէս պատմեցից . ահաւասիկ յազգ որդւոց քոց՝ որոց և ուխտեցի :

14 Ի մտի եղի , թէ սակայն և այս ջան է առաջի իմ , մինչև մտից 'ի սրբութիւն աստուծոյ և 'ի միտ առից զկատարած նոցա :

15 Սակայն վասն նենգութեան նոցա տարազիր արասցես զնոսա , և կործանեսցես զնոսա յամբարտաւանութեան իւրեանց :

16 Իսկ զհնարդ եղեն յաւեր յանկար-

ծակի . սատակեցան պակասեցան կորեան վասն անօրէնութեան իւրեանց ,
և եղեն որպէս երազք զարթուցելոց :

17 Տէր 'ի քաղաքի քում զպատկերս նոցա անարգեսցես . զի հուր բորբոքեցաւ 'ի սրտի իմում , և երիկամունք իմ այլագունեցան :

18 Ես արհամարհեալ եղէ , և ոչ գիտացի . որպէս զանասուն համարեցայ առաջի քո , և ես յամենայն ժամ ընդ քեզ եմ :

19 Կալար զաջոյ ձեռանէ իմմէ , 'ի խորհուրդս քո առաջնորդեցեր ինձ , և փառօք ընկալար զես :

20 Օխնչ կայ իմ բնաւ յերկինս , կամ 'ի քէն զե՞նչ ևս խնդրեցից յերկրի :

21 Նուաղեաց սիրտ իմ և մարմին իմ . աստուած սրտի իմոյ , բաժին իմ աստուած յաւիտեան :

22 Եհաւասիկ ոյք հեռի արարին զանձինս իւրեանց 'ի քէն , կորիցեն . սատակեսցես զամենեսեան՝ որ ապստամբ եղեն 'ի քէն :

23 Ինձ մերձենալ առ աստուած բարի է , և զնել առ տէր զյոյս իմ :

24 Պատմել զամենայն օրհնութիւնս քո 'ի գրունս զստեր սիովնի :

ՍԱԳՄՈՍ ՀԳ

[անասունների յոստի :

1 Ընդէր մերժեցեր աստուած իսպառ .
բարկացաւ սրտմտութիւն ըստ 'ի վերայ
խաշին արօտի ըստ :

2 Յիշեալ զժողովուրդ ըստ , զոր ստա-
ցար 'ի սկզբանէ . փրկեցեր զվիճակ ժա-
ռանդութեան ըստ :

3 Մեռոն սկոմիս այս՝ ուր բնակեցեր զու
'ի սմա . համբարձ զձեռն ըստ 'ի վերայ
ամբարտաւանութեան նոցա իսպառ :

4 Որ ինչ անիրաւեցաւ թշնամին 'ի
սրբութեան ըստ . պարծեցան ատելիք
ըստ 'ի մէջ բարեկենդանութեան իւր-
եանց :

5 Աղին զնշանս իւրեանց 'ի նշանս , և
ինքեանք ոչ ծանեան զելս 'ի վերուստ :

6 Որպէս յանտառի փայտատօք կո-
տորեցին զզրունս նորա , 'ի միասին
փայտատօք և մրճովք կործանեցին զնա :

7 Այրեցին 'ի հուր զսրբութիւն ըստ
յերկրի . պղծեցին զխորան անուան
ըստ :

8 Ասացին 'ի սիրտս իւրեանց ազգք նո-
ցա 'ի միասին , ևկայք լուցուսցուք զա-
մենայն տօնս աստուծոյ յերկրէ :

9 Նշանս մէք ինչ ոչ տեսաք , և ոչ ևս

դուցէ մարգարէ . և զմեզ ինչ ոք ոչ ճանաչեցէ :

10 Մինչև յերբ աստուած՝ նախատէ թշնամին , բարկացուցանէ հակառակորդն զանուն սուրբ քո :

11 Ընդէր դարձուցանես զձեռն քո , և զաջ քո ՚ի միջոյ ծոցոյ քումմէ իսպառ :

12 Աստուած թագաւոր մեր յառաջ քան զյաւիտեանս , որ արարեր զփրկութիւն ՚ի մէջ երկրի :

13 Դու հաստատեցեր զօրութեամբ քով զծով . դու խորտակեցեր զգլուխ վեշապաց ՚ի վերայ ջուրց :

14 Դու փշրեցեր զգլուխ վեշապին , և ետուր զնա՝ կերակուր զօրացն հընդկաց :

15 Դու բղխեցուցեր զաղբիւրս և զվտակս՝ . դու ցամաքեցուցեր զգետս սաստիկս :

16 Քո է տիւ և քո է գիշեր . զոյս և զարև դու հաստատեցեր . և դու հաստատեցեր զամենայն սահմանս երկրի . զգարուն և զամառն դու ստեղծեր :

17 Այս յուշ լեցի քեզ՝ զի թշնամին նախատեաց զտէրդ . Ժողովուրդ անբզգամ բարկացոյց զանուն սուրբ քո :

18 Մի մատնէր զազանաց զանձն՝ որ

խոստովան առնի առ քեզ . և զանձինս տնանկաց քոց մի՛ մոռանար իսպառ :

19 Հայեա յուխտ քո , զի լցան տունք ավշելոց յերկրի անիրաւութեամբ :

20 Մի՛ դարձցի տնանկն ամաչեցեալ . այլ աղքատն և տնանկ օրհնեսցեն զանուն սուրբ քո :

21 Երի աստուած և դատեա զդատաստանս քո . յիշեա զնախատինս՝ որ յանզգամէն զօրհանապազ :

22 Մի՛ մոռանար զձայն պաշտօնէից քոց . ամբարտաւանութիւն ատելեաց քոց վերացի հանապազ :

Տունք 22 : Գորզայս 46 :

ՄԱՂՄՈՍ ՀԴ

Ի խորտրած . թ ասպաներ . ընդ օրհնութիւնս : Ստղոս յաստփ . երբ աստորիսպանեայս :

1 Խոստովան եղիցուք առ քեզ աստուած , խոստովան եղիցուք և կարգացուք զանուն սուրբ քո :

2 Պատմեցից զամենայն սքանչելիս քո . յորժամ ժամ առից , եւ ուղիղ՞ դատեցայց :

3 Մաշեցաւ երկիր և ամենայն բնակիչք նորա . եւ հաստատեցի զսիւնս նորա :

4 Եսացի անօրինաց , թէ մի՛ անօրինիք . և մեղաւորաց , թէ մի՛ բարձրացուցանէք զեղջիւրս ձեր :

5 Մի համբառնայք 'ի բարձունս զեղ-
ջիւրս ձեր , և մի' խօսիք զաստուծոյ ա-
նիրաւութիւն :

6 Ձի ոչ յարեելից և ոչ յարեմտից և
ոչ յանապատէ լերանց . այլ աստուած
զատաւոր է :

7 Ձայս խոնարհ առնէ , և զսոյն բարձ-
րացուցանէ . բաժակ 'ի ձեռին տեառն
գինի լի անապակ արկեալ : և խոնարհե-
ցոյց յայսմանէ յայս :

8 Սակայն մրուր նորա ոչ սպառեսցի .
և արբցեն զնա ամենայն մեղաւորք եր-
կրի :

9 Ես ցնծացայց յաւիտեան . սաղմոս
ասացից աստուծոյ յակովբայ :

10 Ձամենայն եղջիւրս մեղաւորաց
փշրեսցես . և բարձր եղիցի եղջիւր ար-
գարոյ :

ՏԵՆԵՐ 10 :

ՄԱՂՄՈՍ ՀԵ

Ի խորարած . զնոր օրհնութիւնս . մի աստուծանէր : Սաղմոս յաստի . երբ աս-
տուծանալիս :

1 Յայտնի է 'ի հրէաստանի աստուած ,
և յիսրայէլ մեծ է անուն նորա :

2 Եղև խաղաղութեամբ տեղի նորա .
և բնակութիւն նորա սիրովն :

3 Ենդ խորտակեաց տէր զզօրութիւն
աղեղան , զզէն զսուր և զճակատամարտ :

4 Եւ յուսատու ես դու սքանչելապէս լե-
րանցն յաւիտենից . խոռովեսցին ամենե-
քեան որ անմիտ են սրտիւք . ննջեցին
զքունս իւրեանց , և ինչ ոչ գտին :

5 Եւմենայն արք 'ի մեծութեան ձեռաց
իւրեանց . 'ի սպստէ քումմէ աստուած
յակորբայ ննջեցին , և ոյք հեծեալ էին 'ի
ձիս :

6 Դու ահաւոր ես , և ո՞վ կարէ կալ
առաջի քո . որպէս երևեցար դու յերկ-
նից , յայտնի եղև բարկութիւնքո :

7 Երկիր երկեաւ և սարսեաց ընդ
յառնելն աստուծոյ 'ի դատաստան ,
ընդ ապրեցուցանել զամենայն հեզս եր-
կրի :

8 Խորհուրդք մարդկան խոստովան
առնին առ քեզ . և ծածկեալք իմաս-
տութեամբ օրհնեսցեն զքեզ :

9 Ուխտս դիք , և կատարեցէք տեառն
աստուծոյ մերոյ ամենեքեան որ շուրջ էք
զնովալ :

10 Մատուցէք պատարագս ահաւո-
րին . ո քաղէ զհոգիս իշխանաց , ահա-
ւոր է նա քան զամենայն թագաւորս
երկրի :

Տունք 10 :

1 Չայնիւ իմով ես առ տէր կարդացի .
 ձայնիւ իմով առ աստուած , և նայեցաւ
 առ իս :

2 Յաւուր նեղութեան իմոյ զաստուած
 խնդրեցի ձեռօք իմովք . 'ի գիշերի ա-
 ռաջի նորա ոչ խարեցայ :

3 Ոչ կամէր մխիթարել անճն իմ . յի-
 շեցի զաստուած՝ և ուրախ եղէ . հոգայի .
 և նուազէր յիս հոգի իմ :

4 Դամանեցին պահուց աչք իմ . խը-
 ոովեցայ և ոչ խօսեցայ . խորհեցայ զա-
 լուրսն զառաջինս , և զամս յաւիտենից
 յիշեցի :

5 Խօսեցայ 'ի գիշերի ընդ սրտի իմում .
 հոգայի՝ և տառապէր յիս հոգի իմ :

6 Միթէ՞ յաւիտենից մերժեսցէ՞ զիս
 տէր . և ո՞չ ևս յաւելուցու 'ի հաճել և
 ևս :

7 Ամ իսպառ արգելցէ՞ զողորմու-
 թիւն իւր յինէն . կամ կատարեանց զբան
 իւր ազգէ մինչև յազգ :

8 Ամ մոռացի՞ զթալ աստուած իմ
 և ևս . կամ արգելցէ՞ զգթութիւն իւր
 բարկութեամբ իւրով :

9 Եսացի թէ այժմ սկսայ . այս է նո-
 րոգումն աջոյ բարձրելոյն :

10 Յիշեցի զգործս տեառն 'ի սկզբանէ .
 յիշեցի զսքանչելիս նորա :

11 Խորհեցայ յամենայն գործս քո ,
և 'ի ձեռագործս քո խորհեցայ :

12 Եստուած , 'ի սրբութեան են ճա-
նապարհք քո . ո՞վ է աստուած մե՞՛ծ՝ որ-
պէս զաստուած մեր . դու ես աստուած ,
որ առնես զսքանչելիս :

13 Յուցեր ժողովրդեան քում զզօրու-
թիւն քո . փրկեցեր բազկաւ քով զժո-
ղովուրդս քո , զորդիսն յակորայ և յով-
սեփու :

14 Տեսին զքեզ ջուրք աստուած , տե-
սին զքեզ ջուրք՝ և երկեան . և խորք
խռովեցան 'ի ձայնէ ջուրց բազմաց :

15 Չայն ետուն ամպք . քանզի և
նետք քո գնան 'ի ձայնէ որոտալոյ քո
անուի :

16 Երևեցան փայլատակունք քո տիե-
զերաց . խռովեցաւ և դողաց երկիր :

17 Ի ծովու են ճանապարհք քո , շա-
ւիղք քո 'ի ջուրս բազումս : և հետք քո
ոչ երևին :

18 Եռաջնորդեցեր որպէս խաշին ժո-
ղովրդեան քո 'ի ձեռն մովսեսի և ահա-
րոնի :

Տունք 18 : Գորդայս 38 :

ՍԵՂՄՈՍ ՀԷ

Ի խորհրդած . ինասորութեան յաստուած :

1 Նայեցարուք ժողովուրդք յօրէնս

իմ . խոնարհեցուցէք զունկն ձեր 'ի բանս բերանոյ իմոյ :

2 Բացից առական զբերան իմ , խօսեցայց զառակս 'ի սկզբանէ :

3 Որպէս լուաք՝ և ծանեաք զայս , և հարքն մեր պատմեցին մեզ :

4 Ոչինչ ծածկեցաւ յորդոց նոցա յազգ յայլ , պատմել զօրհնութիւնս տեառն , զզօրութիւն և զսքանչելիս իւր զոր արար :

5 Հաստատեաց զվկայութիւն իւր առ յակովբ , և օրէնս եղ 'ի վերայ իսրայելի :

6 Որ ինչ միանգամ պատուիրեաց հարցն մերոց , ցուցանել զայս որդոց իւրեանց . զի ծանիցեն յազգ յայլ :

7 Որդիք որ . ծնանին , յարիցեն և պատմեսցեն զայս որդոց իւրեանց . զի դիցեն առ աստուած զյոյս իւրեանց , և մի՛ մոռասցին զգործս աստուծոյ :

8 Չպատուիրանս նորա խնդրելով խնդրեսցեն : և մի՛ եղեցին որպէս և հարք իւրեանց :

9 Եզգ չար և դառնացող . ազգ որ ոչ ուզղեաց զսիրտ իւր , և ոչ հաստատեաց առ աստուած զհոգի իւր :

10 Որդիք եփրեմի լիաձիգք և պնդաձիգք , յաւուր պատերազմի կապարճս դարձուցին :

11 Ոչ կացին նոքա յուխտի տեսուն .
ըստ իրաւանց նորա ոչ կամեցան զնալ :

12 Մոռացան զերախտիս նորա և զըս-
քանչելիսն՝ զոր եցոյց նոցա :

13 Եռաջի հարց նոցա զոր արար զըս-
քանչելիս իւր յերկրին եգիպտացւոց և
'ի դաշտին տայանու :

14 Հերձ զծովն՝ և անցոյց զնոսա . կա-
ցոյց զջուրսն որպէս 'ի տիկս :

15 Եռաջնորդեաց նոցա ամպով 'ի
տուէ , և զամենայն զիշեր 'ի լոյս հրոյ :

16 Հերձ զվէմն յանապատի , և ետ
ըմպել նոցա որպէս 'ի խորոյ մեծէ :

17 Հան զջուրսն 'ի վեմէն , և հոսեաց
որպէս զգետս զջուրսն :

18 Սակայն յաւելին 'ի մեղանչել . և
ևս բարկացուցին զբարձրեալն յանջողի :

19 Փորձեցին զաստուած 'ի սիրտս
իւրեանց , 'ի խնդրել զկերակուր անձանց
իւրեանց :

20 Տրանջեցին զաստուծոյ և ասացին .
միթէ կարո՞ղ իցէ աստուած պատրաստել
սեղան յանապատի :

21 Քանզի հարկանէր զվէմն՝ և հոսէին
ջուրք , և վտակք խաղային 'ի նմանէ :

22 Եղէ հաց ևս կարասցէ տալ նա մեզ .
կամ պատրաստեցէ՞ սեղան ժողովոր-
դեան իւրոյ :

23 Այսին աշտորիկ լուաւ զայս տէր ,
և յապաղեաց . հուր բորբոքեցաւ 'ի
յակովք , և բարկութիւն ել 'ի վերայ
խորայելի :

24 Օհ ոչ հաւատացին յաստուած ,
և ոչ յուսացան 'ի փրկութիւն նո-
րա :

25 Հրաման ետ ամպոց 'ի վերուստ , և
զգրունս երկնից երաց , և տեղեաց 'ի
նոսա մանանայ 'ի կերակուր :

26 Օհաց երկնից ետ նոցա , զհաց
հրեշտակաց կերան մարդիկ . և իջոյց 'ի
նոսա կերակուր 'ի լիութիւն :

27 Հան զհողմ հարաւոյ , և ած զօ-
րութեամբ իւրով զհիւսիսիւ :

28 Տեղեաց 'ի նոսա միս որպէս զհող .
որպէս զաւազ ծովու զթռչունս թեա-
ւորս :

29 Արկ 'ի մէջ բանակի նոցա , և շուրջ
զվրանօք նոցա :

30 Կերան 'և յազեցան յոյժ . զցան-
կութիւն նոցա ետ նոցա . և ոչնչ կա-
րօտ եղեն 'ի ցանկութենէ իւրեանց :

31 Մինչդեռ կերակուրք 'ի բերանս
իւրեանց էին , բարկութիւն յաստուծոյ
ել 'ի վերայ նոցա :

32 Սպան զբազումս 'ի նոցանէ , և
զընտիր ընտիրս յիսրայելէ սատակեաց :

33 Յայտմ ամենայնի մեղան և ևս . ոչ
հաւատացին սքանչելեաց նորա :

34 Պակասեցան յունայնութեան ա-
ւուրք նոցա , և ամբ նոցա փութապէս
անցին :

35 Յորժամ սպանանէր զնոսա , խընդ-
րէին զնա . դառնային և առաւօտ առ-
նէին առ աստուած :

36 Յիշեցին՝ զի աստուած օգնական էր
նոցա . աստուած բարձրեալ փրկիչ էր
նոցա :

37 Սիրեցին զնա բերանօք իւրեանց ,
և լեզուօք իւրեանց ստեցին նմա . և
սիրտք նոցա ոչ էին ուղիղ ընդ նմա , և
ոչ հաւատացին ուխտի նորա :

38 Եյլ նա ինքն զթած էր . քաւեր
զմեղս նոցա , և ոչ ապականէր :

39 Յաճախէր դարձուցանել զբարկու-
թիւն իւր . և ոչ բորբոքեաց զամենայն
սրամտութիւն իւր :

40 Յիշեաց՝ թէ մարմին են նոքա . հո-
գի որ ելանէ , այլ ոչ ևս զառնայ :

41 Քանիցս անգամ զառնացուցին
զնա յանապատի . բարկացուցին զբարձ-
րեալն յանջողի :

42 Դարձան և փորձեցին զաստուած ,
և զսուրբն իսրայելի զայրացուցին :

43 Ոչ յիշեցին զձեռն նորա յաւուր

յորում փրկեաց զնոսա 'ի ձեռաց նեղչաց նոցա :

44 Որպէս արար զնշանս և զարուեստս իւր յերկրին եգիպտացւոց և 'ի դաշտին տայանու :

45 Դարձոյց յարինն զգետս նոցա . և զանձրևս նոցա , զի մի' արբցեն :

46 Մուսաբեաց 'ի նոսա շանաճանձ և եկեր զնոսա . և գորտիւ ապականեաց զնոսա :

47 Նտ ժանկոյ զպտուղ նոցա , և զըփաստակս նոցա մարախոյ :

48 Հար կարկտիւ զայգիս նոցա , և զթզենիս նոցա եղեմամբ :

49 Մատնեաց 'ի կարկուտ զանասունս նոցա . և զսացուածս նոցա հրով դատեցաւ :

50 Մուսաբեաց 'ի նոսա զսրտմտութիւն բարկութեան իւրոյ , զսրտմտութիւն բարկութիւն և զնեղութիւն :

51 Մուսաբեաց 'ի նոսա տանջանս 'ի ձեռն հրեշտակի չարի . զիմեցոյց 'ի նոսա զսրտմտութիւն բարկութեան իւրոյ :

52 Աչ անխայեաց 'ի մահուանէ զանձինս նոցա . և զանասունս նոցա 'ի մահ մատնեաց :

53 Եհար զամենայն անդրանիկս եգիպ-

տացւոց , զսկիզբն ամենայն վաստակոց
նոցա 'ի յարկս քամայ :

54 Հորդանն ետ որպէս խաշին ժողո-
վորդեան իւրոյ . և եհան զնոսա որպէս
հօտ յանապատ :

55 Եռաջնորդեաց նոցա յուսով , և ոչ
երկեան . և զթշնամիս նոցա ծով ծած-
կեաց :

56 Եհան զնոսա 'ի լեառն սրբութեան
իւրոյ , լեառն այն՝ զոր ստացեալ էր աջոյ
նորա :

57 Մերժեաց յերեսաց նոցա զհեթա-
նոսա . վիճակեցոյց 'ի նոսա զվիճակ ժա-
ռանգութեան իւրոյ , և բնակեցոյց 'ի
յարկս նոցա զազգն իսրայելի :

58 Փորձեցին դառնացուցին զաս-
տուած բարձրեալն , և զվկայութիւնն նո-
րա ոչ պահեցին :

59 Դարձան խոտորեցան որպէս և
հարք իւրեանց . դարձան և եղեն որպէս
զազեղն թիւր :

60 Դարձան բարկացուցին զնա՝ 'ի բա-
զինս իւրեանց , և դրօշելովք իւրեանց
նախանձ արկին նմա :

61 Լուաւ աստուած , և արհամար-
հեաց զնոսա , անարդեաց յոյժ զխ-
րայել :

62 Մերժեաց յիւրմէ զխորանն 'ի սե-

լով , խորան՝ զոր բնակեցոյց 'ի մէջ մարդկան :

63 Մատնեաց 'ի գերութիւն զգորութիւն նոցա և զգեղ նոցա 'ի ձեռս թշնամեաց նոցա :

64 Երգել 'ի սուր զժողովուրդ իւր . և զժառանգութիւն իւր անտես արար :

65 Ջերիտասարդս նոցա եկեր հուր . և վասն կուսանաց նոցա ոչ ոք սգացաւ :

66 Քահանայք նոցա անկան 'ի սուր և զայրիս նոցա ոչ ոք էր՝ որ լայր :

67 Ջարթեաւ որպէս 'ի քնոյ տէր , որպէս հզօր զի թափէ զգինի :

68 Եհար յետս զթշնամիս իւր , նախատինս յաւիտենից արար զնոսա :

69 Մերժեաց նա զխորանն յովսեփու , և զազգն եփրեմի նա ոչ ընտրեաց :

70 Եյլ ընտրեաց նա զազգն յուդայ . զեազն սիոմն , զոր և սիրեաց :

71 Ենեաց որպէս միեղջերոյ զսրբութիւն նորա . յերկրի հաստատեաց զնա յաւիտեան :

72 Ընտրեաց զդաւիթ ծառայ իւր , ընկալաւ զնա 'ի հօտէ խաշանց . 'ի վերջն ճնելոցն ընկալաւ զնա :

73 Հովուել զյակովբ ծառայ իւր , և զեսրայէլ ժառանգութիւն իւր :

74 Երաճէր զնոսա իմաստութեամբ

սրտի իւրոյ . յանմեղութիւն ձեռաց
 իւրոց առաջնորդէր նոցա :

Տուր 74 :

ՍԱՂՄՈՍ ՀԸ

Սաղմոս յաստի :

1 Եստուած մտին հեթանոսք 'ի ժա-
 ռանգութիւն քո . պղծեցին զտաճար
 սուրբ քո :

2 Երարին զերուսաղէմ որպէս հիդս
 մրգապահաց . արկին զգիակունս ծա-
 ոայից քոց գէշ թռչնոց երկնից , և
 զմարմինս սրբոց քոց զազանաց եր-
 կրի :

3 Հեղին զարիւն նոցա որպէս ջուր
 շուրջ զերուսաղեմաւ . և ոչ ոք էր որ
 թաղէր զնոսա :

4 Եղաք մեք նախատինք դրացեաց
 մերոց . ծաղր և այսպն կատականաց այ-
 նոցիկ , որ շուրջ էին զմեօք :

5 Մինչև յերբ տէր՝ բարկաննաս զու-
 իսպառ . բորբոքեսցի որպէս հուր նա-
 խանձ քո :

6 Հեղ զբարկութիւն քո 'ի վերայ ազ-
 գաց՝ որ զքեզ ոչ ճանաչեցեն . 'ի վերայ
 թագաւորաց՝ որ զանուն քո ոչ կարդա-
 ցին . զե կերան զյակովք , և զտեղի նո-
 րա աւերեցին :

7 Մէ՛ յիշեր զմեզս մեր զառաջինս .

վաղվաղ եկեսցէ առ մեզ ողորմութիւն
քո տէր , զի աղքատացաք յոյժ :

8 Օգնեա մեզ աստուած փրկիչ մեր
վասն փառաց անուան քոյ :

9 Տէր փրկեա զմեզ և քաւեա զմեզս
մեր վասն անուան քոյ :

10 Մի երբէք ասասցեն 'ի հեթանոսս ,
թէ ո՛ւր է աստուած նոցա :

11 Եւ յայտնի ինչ լինի 'ի վերայ հե-
թանոսաց առաջի աչաց մերոց , առ 'ի
խնդրել զվրէժ արեան ծառայից քոց՝ որ
և հեղաւ :

12 Մտցէ առաջի քո հեծութիւն կա-
պելոց . ըստ մեծութեան բազկի քո շա-
հեա դու զորդիս սպանելոց :

13 Հատո դրացեաց մերոց եօթնպա-
տիկ 'ի ծոց նոցա , նախատինս զոր նա-
խատեցին զքեզ տէր :

14 Մէք ժողովուրդք և խաշն արօտի
քոյ , խոստովան եղիցուք առ քեզ յա-
ւիտեան . ազգէ յազգ պատմեսցուք
զօրհնութիւնս՝ քո :

Տունք 14 :

ՄԵՂՄՈՍ ՀԹ

Ի խորարած . 'ի վերայ զառանցելոցն վայոյնիւնս . տասնոց սաղմոս . 'ի վե-
րայ ելնվարացւոցն :

1 Ո հովուեսդ իսրայելի՝ նայեաց , որ
առաջնորդես որպէս խաշնն յովսեփու :

2 Որ նստիսդ 'ի քրովբէս՝ յայտնեա
առաջի եփրեմի , բննիամենի և մանա-
սէի :

3 Չարթո զգորութիւնս քո , և եկ 'ի
կեցուցանել զմեզ :

4 Աստուած զգորութեանց , դարձո զը-
մեզ . երևեցո զերեսս քո 'ի մեզ . և կեց-
ցուք :

5 Տէր աստուած զգորութեանց , մին-
չև յերբ բարկանաս յաղօթս ծառայից
քոց :

6 Ջամբեցեր մեզ հաց արտասուաց ,
և արբուցեր մեզ արտասուս չափով :

7 Արարեր զմեզ նախատինս դրացեաց
մերոց , այսին կատականաց թշնամեաց
մերոց :

8 Աստուած զգորութեանց , դարձո զը-
մեզ . երևեցո զերեսս քո 'ի մեզ , և կեց-
ցուք :

9 Այգի յեզիպտոսէ փոխեցեր : Հաներ
զհեթանոսս՝ և զնոսա տնկեցեր , և ա-
ռաջնորդեցեր նմա :

10 Հաստատեցեր զարմատս նորա՝ և
ելից զերկիր . ծածկեաց զլերինս հովանի
նորա , և բարունակ նորա զմայրսն աս-
տուծոյ :

11 Չգեաց զորթ իւր մինչև 'ի ծով .
մինչև 'ի գետս են շառաւիղք նորա :

12 Ընդէր քակեցեր զցանկ նորա , և կթեն զնա անցաւորք ճանապարհի :

13 Ապականեաց զնա խող անտառի , և երէ վայրի արածեցաւ 'ի նմա :

14 Աստուած զօրութեանց , դարձ հայեաց յերկնից և տես . այց արա այգւոյս այսմիկ , և դարման տար սմա , զոր տնկեաց աջ քո :

15 Ի վերայ որդւոյ մարդոյ՝ զոր զօրացուցեր զնա 'ի քեզ . այրեցեալ 'ի հուր և աւերեալ , 'ի սաստէ քումմէ կորիցէ :

16 Եղիցի ձեռն քո 'ի վերայ առն , աջ քո 'ի վերայ որդւոյ մարդոյ , զոր զօրացուցեր զնա 'ի քեզ :

17 Ոչ ևս 'ի բացեայ եղիցուք մեք 'ի քէն . կեցուցես դու զմեզ , և զանուն քո տէր կարդասցուք :

18 Աստուած զօրութեանց , դարձն զմեզ ; երևեցո զերեսս քո 'ի մեզ , և կեցցուք :

• Տունք 18 :

ՍՇՂՄՈՍ 2

Ի խորաբաժ . վասն հնչանայ . սաղմոս յառաք . հինգերորդ շաբաթուոյ :

1 Յնձացէք առ աստուած , օգնական է մեր . աղաղակեցէք առ աստուած յակովբայ :

2 Առէք սաղմոս , և տուք օրհնու

Թիւն . սաղմոս ասացէք նմա 'ի ձայն
քաղցրութեան :

3 Փող հարէք 'ի գլուխս ամսոց , յա-
ւուր նշանաւորի տարեկանաց մերոց :

4 Հրաման է այս իսրայելի , և իրա-
ւունք են աստուծոյ յակովբայ :

5 Ակայութիւնն յովսեփու՝ զոր եղ-
րնդ նմա . որպէս ելանէր նա յերկրէն
եգիպտացոց , լեզու զոր ոչ գիտէր՝
լուալ :

6 Ի բաց արար 'ի բեռանց զթիկունս
նորա , և զձեռս նորա յորթ և 'ի թի
ճառայելոյ :

7 Ի նեղութեան կարդացեր առ իս՝ և
փրկեցի զքեզ . լուայ քեզ 'ի գաղտնու-
թենէ մրրկին , և փորձեցի զքեզ 'ի վե-
րայ ջուրցն հակառակութեան :

8 Լուր ժողովուրդ իմ՝ և վկայեմ քեզ ,
և իսրայել՝ թէ լուիցես ինձ :

9 Մի՛ ևս եղիցին քեզ աստուածք առ-
ժամայնք . և մի՛ երկիր պանգանիցես դու
աստուծոյ օտարի :

10 Ես եմ տէր աստուած քո՝ որ հանի
զքեզ յերկրէն եգիպտացոց՝ բաց զբե-
րան քո՝ և լցից զդա :

11 Ժողովուրդ իմ ոչ լուալ ձայնի ի-
մում , և իսրայել յիս ինչ ոչ նայեցաւ :

12 Բարձի թողի զնոսա երթալ զհետ

կամաց սրտից իւրեանց . զի գնացին նո-
քա ըստ կամս անձանց իւրեանց :

13 Օ՛ի թէ ժողովրդեան իմոյ լուեալ
էր ինձ , կամ իսրայելի զճանապարհս իմ
գնացեալ էր :

14 Որպէս զոչինչ խոնարհ արարեալ էր
իմ զթշնամիս նորա , 'ի վերայ նեղչաց
նորա արկեալ էր զձեռն իմ :

15 Թշնամիք տեսուն ստեցին նմա , և
եղիցին ժամանակք նոցա յաշխարհի :

16 Աերակրեաց զնոսա 'ի պարարտու-
թենէ ցորենոյ , և 'ի վիմէ մեղր յազե-
ցոյց 'ի նոսա :

Տուրք 16 :

ՍԵՂՄՈՍ ԶԵ

Ստորոգյալ :

1 Եստուած եկաց 'ի ժողովս աստուա-
ծոց , և 'ի միջի նոցա դատէր զնոսա :

2 Մինչև յերբ դատիք անիրաւու-
թեամբ , և ակն առնուք մեղաւորաց :

3 Դատ արարէք որբոյն և այրւոյ .
իրաւունս արարէք տնանկին և խոնար-
հի :

4 Եպրեցուցէք զաղքատն և զտնանկն ,
'ի ձեռաց մեղաւորի փրկեցէք զնոսա :

5 Ոչ իմացան և ոչ 'ի միտ առին , 'ի
խաւարի գնացին , և չարժեցան ամենայն
հիմունք երկրի :

6 Ես ասացի՝ թէ աստուածք իցէք, կամ որդիք բարձրելոյ ամենեքեան :

7 Դուք ահաւաղիկ որպէս մարդիկ մեռանիք, և որպէս զմի յիշխանաց՝ անկանիք :

8 Երի աստուած, և դատեա զերկիր. զի դու ժառանգեսցես զամենայն հեթանոսս :

ՏՈՒՆՔ 8 : Գորղայս 56 :

ՍԵՂՄՈՍ ԶԻ

Օրհնութիւն . սուրբ յաստ :

1 Եստուած ո՞քեզ նմանիցէ. մի՛ լուեր և մի՛ դադարեր աստուած :

2 Օ՛ի ահա թշնամիք քո գոչեցին, և ատելիք քո համբարձին. զգլուխս իւրեանց :

3 Ի վերայ ժողովրդեան քո խորամանկեցին զգիտութիւն. խորհեցան ՚ի վերայ սրբոց քոց և ասացին :

4 Եկայք սատակեսցուք զնոսա՞ յազգաց, և մի՛ յիշեսցի անուն իսրայելի և ևս :

5 Խորհեցան միաբանութեամբ ՚ի միասին. վասն քո ուխտ արարին :

6 Բանակք եղովմայեցւոց և իսմայելացիք, մովար և հազարացիք :

7 Գերաղ՝ ամոնիւն՝ ամաղեկ, և այլազ-

գիքն ամենայն բնակչօքն հանդերձ ծուրայ :

8 Նա և ասուր եկեալ էր ընդ նոսա . ամենեքեան սոքա զօրավեզն էին որդւոցն զովտայ :

9 Արա զնոսա որպէս մաղիամ , որպէս սիսարայ , որպէս զաբին 'ի ծործորան կիսովնի :

10 Սատակեցան նոքա յականս զովրայ , և եղեն որպէս զաղբ երկրի :

11 Արա զիշխանս նոցա որպէս զովրէրն , զէրն , զգէրէէ , զսաղմանա , և զամենայն իշխանս նոցա :

12 Ոյք ասացին՝ ժառանգեսցուք 'ի մեզ զսրբութիւն աստուծոյ :

13 Աստուած իմ՝ արա զնոսա որպէս զանիւ . որպէս զեղէզն առաջի հողմոյ :

14 Որպէս հուր՝ զի այրէ զանտառս , որպէս բոց՝ զի կիզու զլերինս :

15 Այսպէս հալածեսցես զնոսա մրրկաւքով , և բարկութեամբ քով խռովեսցուցեն զնոսա :

16 Լից զերեսս նոցա անարզանօք . և խնդրեսցեն զանուն քո տէր :

17 Ամաչեսցեն և խռովեսցին յաւիտեանս յաւիտենից , և ամօթալից կորիցեն :

18 Ծանիցեն զի անուն քո տէր է , և

դու միայն բարձրեալ ես 'ի վերայ ամե-
նայն երկրի :

Տունք 18 :

ՍԵՂՄՈՍ ԶԳ

Ի Խորհրդած . Վասն հեյանացն . որդեացն իրիւայ սաղմս :

1 Արպէս սիրելի են յարկք քո տէր
զօրութեանց . ցանկայ և փափազէ անձն
իմ 'ի գաւիթս քո :

2 Սիրտ իմ և մարմին իմ ցնծասցէ
առ աստուած կենդանի :

3 Քանզի ճնճղուկ եզիտ իւր տուն .
տատրակ զբոյն՝ ուր դիցէ զձագս իւր :

4 Սեղան քո տէր զօրութեանց , թա-
գաւոր իմ և աստուած իմ :

5 Երանի ամենեցուն՝ որ բնակեալ են
'ի տան տեառն , յաւիտեանս յաւիտենից
օրհնեսցեն զքեզ :

6 Երանեալ է այր՝ որոյ օգնութիւն 'ի
քէն է . ելս եզ 'ի մտի իւրում 'ի հովտէս
տրամութեան 'ի տեղւոջ՝ յորում ուխ-
տեաց :

7 Չօրհնութիւն ստասցի՝ որ զօրէնս
դնէ . գնասցէ նա 'ի զօրութենէ 'ի զօ-
րութիւն . և երևեսցի աստուած հրեշ-
տակաց 'ի սիովն :

8 Տէր աստուած զօրութեանց՝ լուր
աղօթից իմոց . ունկն դիր աստուած
յակովբայ :

9 Բնդունելի ես դու մեր , տես աստուած և նայեա յերեսս օծելոյ քոյ :

10 Ա՛սան զի լաւ է ինձ մի օր 'ի գաւիթս քո , քան զհազարս :

11 Բնտրեցի ընդ աղբ գալ 'ի տան աստուծոյ առաւել քան բնականալ 'ի յարկս մեղաւորաց :

12 Օղորմութիւն և զճշմարտութիւն սիրէ տէր աստուած մեր . զշնորհս և զփառս տացէ .

13 Տէր ոչ պակաս առնէ զօղորմութիւն իւր յայնցանէ , որ գնան յանբրժութեան :

14 Տէր աստուած զօրութեանց , երանեալ է այր՝ որ յուսայ 'ի քեզ :

Տունք 14 :

ՍԵՂՄՈՍ ԶԴ

Ի խորամ . որդոցն խրեայ սաղմոս :

1 Հաճեցար տէր ընդ երկիր քո , և դարձուցեր զգերութիւն յակովբայ .

2 Թողեր զանիրաւութիւն ժողովրդեան քոյ . ծածկեցեր զամենայն մեղսնոցա :

3 Լռեցուցեր զամենայն սրտմտութիւնս քո . դարձար 'ի բարկութենէ սրտմտութեան քո :

4 Դարձ առ մեզ աստուած փրկիչ մեր , և դարձո զսրտմտութիւնս քո 'ի մէնջ :

5 Մի յաւիտեան բարկանար մեզ տէր , և մի՛ ձգեր զբարկութիւն քո ազգէ մինչև յազգ .

6 Եստուած դու դարձեալ կեցուցես զմեզ . ժողովուրդ քո ուրախ եղեցի 'ի քեզ :

7 Յոյց մեզ տէր զողորմութիւնս քո , և զփրկութիւնս քո տուր մեզ :

8 Լուաք զե՛նչ խօսի տէր աստուած մեր . խօսեսցի զխաղաղութիւն ժողովորդեան իւրոյ առ սուրբս իւր , և առ այնոսիկ՝ որ դարձեալ են առ նա սրբատիւք :

9 Սակայն մերձ է առ երկիւղածս իւր փրկութիւն նորա . բնակել փառաց նորա յերկրի մերում :

10 Ողորմութիւն և ճշմարտութիւն պատահեսցին . արդարութիւն և խաղաղութիւն համբուրեսցին :

11 Ճշմարտութիւն յերկրէ բուսաւ . արդարութիւն յերկնից երևեցաւ :

12 Տէր տացէ զքաղցրութիւն , և երկիր մեր տացէ զպտուղ իւր . արդարութիւն առաջի նորա զնասցէ . զիցէ 'ի ճանապարհի զգնացս իւր :

Տունք 12 : Գորդայս 44 :

1 Խոնարհեցո տէր զունկն քո և լուր
ինձ , զի աղքատ և տնանկ եմ ես :

2 Պահեա զանձն իմ սուրբ տէր .
փրկեա զճառայս քո աստուած իմ , որ
'ի քեզ յուսացայ :

3 Ողորմեա ինձ տէր , զի առ քեզ
աղաղակեցի զօրհանապաղ . ուրախ արա
զանձն ծառայի քո , զի առ քեզ տէր
համբարձի զանձն իմ :

4 Օ՛ի դու տէր քաղցր՝ և ուղիղ ես .
բազումողորմ առ ամենեսեան , որ կար-
գան առ քեզ :

5 Ունկն զիր տէր աղօթից իմոց , և
նայեա 'ի ձայն խնդրուածաց իմոց :

6 Յաւուր նեղութեան իմոյ կարդացի
առ քեզ , և լուար ինձ :

7 Ոչ ոք է նման քեզ յաստուածս
տէր , և ոչ ոք է որպէս զգործս քո :

8 Օ՛ամենայն ազգս զոր արարեր՝
եկեսցեն և երկիր պազցեն առաջի քո , և
փառանոր արասցեն զանուն քո յաւի-
տեան :

9 Մեծ ես դու տէր , և առնես սքան-
չելիս . և դու միայն ես աստուած :

10 Եռաջնորդեա ինձ 'ի ճանապարհի
քում , և զնացից 'ի ճշմարտութեան
քում , և ուրախ եղիցի սիրտ իմ յերկն-
չել յանուանէ քումմէ :

11 Խոստովան եղէց առ քեզ տէր աստուած իմ բոլորով սրտիւ իմով . փառաւոր արարից զանուն քո յաւիտեան :

12 Մեծ եղև ՚ի վերայ իմ ողորմութիւն քո . փրկեցեր զանձն իմ ՚ի դժոխոց ներքնոց :

13 Աստուած , անօրէնք յարեան ՚ի վերայ իմ , և ժողովք հզօրաց ինդրեցին զանձն իմ , և ոչ համարեցան զքեզ աստուած առաջի իւրեանց :

14 Այլ դու տէր աստուած իմ , զթածես և ողորմած , երկայնամիտ բազում ողորմ և ճշմարիտ . նայեա առ իս և ողորմեա ինձ :

15 Տուր զօրութիւն ծառայի քո . կեցո զորդի աղախնոյ քո , և արա առ իս նշան բարութեան :

16 Տեսցեն ատելիք իմ և ամաչեսցեն . զի դու տէր օգնեցեր ինձ , և մխիթարեցեր զիս :

Տունք 16 :

ՄԱՂՄՈՍ Զ.Օ.

Սաղմոս օրհնութեան . որդայն իորիայ :

1 Հիմունք նորա ՚ի լեառն սուրբ նորա . սիրէ տէր զզրունս սիրովսի առաւել քան զամենայն յարկսն յակովբայ :

2 Փառաւորեալն խօսեցաւ վասն քո , ահաւաղիկ քաղաքդ աստուծոյ :

3 Յիշեցի զուահաբ և զբաբելոնս՝ ոյք ճանաչեն զիս . ահա այլազգիք և ծուր և ժողովուրդք հնդկաց , սոքա եղեն անդ :

4 Սիովնի ասի մայր , և մարդ ծնաւ 'ի նմա . և ինքն հիմունս արկ 'ի նմա բարձրեալն :

5 Տէր պատմեցէ գրովք ժողովրդեան , իշխանացս այսոցիկ՝ որ եղեն անդ :

6 Որպէս զի ուրախ լեցին 'ի քեզ ամենէքեան , որոց բնակութիւն իւրեանց 'ի քէն է :

Տունք 6 :

ՍՆՂՄՈՍ ԶԷ

Ի կատարոյ՝ . զանս հազարէլայ խնայարու-նի-ն . զի եք պատասխանի եման խնայարու-նի-ն խնայել :

1 Տէր աստուած փրկութեան իմոյ , 'ի տուէ կարգացի և գիշերի առաջի քո :

2 Ատցեն ազօթք իմ՝ առաջի քո տէր , խոնարհեցի ունկն քո ի խնդրուածս իմ :

3 Օի լցաւ չարչարանօք անձն իմ , և կեանք իմ 'ի դժոխս մերձեցաւ . և համարեցայ ես ընդ այնոսիկ , որք իջանեն 'ի գուր :

4 Եղէ ես որպէս մարդ առանց օգնականի , և 'ի մեռեալս ազատ :

5 Որպէս վերաւորս , որ ննջեն 'ի գերեզմանս :

6 Օորս դու ոչ յիշեցեր, 'սոքա 'ի ձեռանէ, քու մտէ մերժեցան :

7 Աղին զիս 'ի գրի 'սերքնումն' 'ի խաւարի և 'ի ստուերս մահու :

8 Յիս հաստատեցաւ սրտմտութիւն քո . զամենայն զբօսանս քո ածեր 'ի վերայ իմ :

9 Հեռի արարեր յինէն զծանօթս իմ . և եղին զիս 'սշաւակ իւրեանց :

10 Մանեցայ և ոչ ելանէի . աչք իմ տկարացան յաղքատութենէ :

11 Աղաղակեցի առ տէր զօրհանապաղ, և համբարձի առ քեզ զձեռս իմ :

12 Մի՛թէ մեռելոց առնիցեն սքանչելիս . կամ բժիշկք յարուցանիցեն՝ խոստովան առնիցին առ քեզ :

13 Մի՛թէ պատմեցէ՞ որ երբէք 'ի զերեզմանի զողորմութիւնս քո , կամ զճշմարտութիւնս քո 'ի կորստեանս :

14 Մի՛թէ ճանաչիցին 'ի խաւարի ըսքանչելիք քո , կամ արդարութիւն քո յերկիր մոռացեալ :

15 Աս առ քեզ տէր աղաղակեցի . առաւօտու աղօթք իմ ժամանեցեն առ քեզ :

16 Ընդէր տէր մերժես զանձն իմ , կամ զարձուցանես զերեսս քո յինէն :

17 Տեսնել և վաստակաւոր եմ ես 'ի

մանկութենէ իմմէ . 'ի բարձրութենէ
խոնարհեցայ և ավշեցայ :

18 Յիս հաստատեցաւ բարկութիւն
քո . արհաւիրք քո խռովեցուցին զիս :

19 Շքեցան զինև որպէս ջուր , զօր
ամենայն պաշարեցին զիս 'ի միասին :

20 Հեռի արարեր յինէն զբարեկամս
իմ և զճանօթս իմ վասն թշուառու
թեան իմոյ :

Յունք 20 : Գորդայս 42 :

ՍՆՂԱՄՈՍ ԶԲ

Խնայողութեան իմանայ յեղբայրացոյ :

1 Ջողորմութիւնս քո տէր յաւի-
տեան օրհնեցից . ազգէ յազգ պատմե-
ցից զճշմարտութիւնս քո բերանով ի-
մով :

2 Եսացեր՝ թէ աշխարհս ողորմու-
թեամբ շինեսցի . յերկինս պատրաստ
եղիցի ճշմարտութիւն քո :

3 Եղի ուխտ ընտրելոց իմոց . եր-
զուայ դաւթի ծառայի իմոյ :

4 Յանխտեան հաստատեցից զզաւակ
քո , և շինեցից ազգէ յազգ զաթոռ
քո :

5 Խոստովան եղիցին երկինք սքանչե-
լեաց քոց տէր , և ճշմարտութիւն քո
յեկեղեցիս սրբոց :

6 Ո՞վ է յամպս որ հաւասարէ քեզ .

կամ ո՞վ նմանիցէ տեառն յորդիս աստուծոյ :

7 Եստուած փառաւորեալ է 'ի խորհուրդս սրբոց իւրոց . մեծ և ահաւոր 'ի վերայ այնոցիկ որ շուրջ են զնովաւ :

8 Տէր աստուած զօրութեանց , ո՞ նրման է քեզ . հզօր ես դու տէր , և ճշմարտութիւն քո շուրջ է զքե :

9 Դու տիրես զօրութեանց ծովու , և զխոռովութիւն՝ ալեաց նորա դու ցածուցանես :

10 Դու խոնարհեցուցանես որպէս վիրաւորս զամբարտաւանս . 'ի զօրութիւն բազկի քո ցրուեցեր զթշնամիս քո :

11 Քո են երկինք և քո է երկիր . զաշխարհս լիւ իւրով դու հաստատեցեր . զհիւսիս և զհարաւ դու արարեր . թաբոր և հերմոն յանուն քո ցնծասցեն :

12 Քո է բազուկ և քո է զօրութիւն . զօրասցի աջ քո , և բարձր եղեցի ձեռն քո :

13 Յարդարութիւն և յերաւունս հաստատեալ է աթոռ քո . ողորմութիւն և ճշմարտութիւն զնասցէ առաջի երեսաց քոց :

14 Երանի ժողովրդեան , որ զիտեն զօրհնութիւն քո տէր . 'ի լոյս երեսաց քոց զնասցեն , և յանուն քո ցնծասցեն :

զօրհանապազ , և յարդարութեան քում
բարձր եղիցին :

15 Պարծանք զօրութեանց մերոց դու
ես տէր . և 'ի կամս քո բարձր եղիցի եղ-
ջիւր մեր :

16 Ի տեառնէ է օգնութիւն սրբոյն
խրայելի թագաւորին մերոյ :

17 Յայնժամ խօսեցար տեսլեամբ ընդ
որդիս քո և ասացեր . եղից զօգնութիւն
իմ 'ի վերայ հօրին , և բարձր արարից
զընտրեալն 'ի ժողովրդենէ իմմէ :

18 Գտի զդաւիթ ծառայ իմ , իւղով
սրբով իմով օծի զնա :

19 Ձեռն իմ ընկալցի զնա , և բազուկ
իմ զօրացուցէ զնա :

20 Մի մեղիցէ նմա թշնամի , և որդի
անօրէնութեան մի՛ չարչարեսցէ զնա :

21 Հարից առաջի նորա զթշնամիս
նորա , և զատելիս նորա 'ի պարտութիւն
մատնեցից :

22 Ղշմարտութիւն իմ և ողորմու-
թիւն իմ ընդ նմա , և յանուն իմ բարձր
եղիցի եղջիւր նորա :

23 Եղից 'ի ծովու զձեռն նորա , և 'ի
վերայ գետոց զաջ նորա :

24 Նա կարդացէ առ իս՝ հայր իմ ես
դու , աստուած ընդունելի փրկութեան
իմոյ :

25 Ես անդրանիկ արարից զնա , և բարձր քան զամենայն թագաւորս երկրի :

26 Յաւիտեան պահեցից նմա զողորմութիւն իմ , և ուխտ իմ հաւատարիմ ընդ նմա :

27 Հաստատեցից յաւիտեանս յաւիտենից զզաւակ նորա , և զաթոռ նորա որպէս զաւուրս երկնից :

28 Թէ թողցեն որդիք նորա զօրէնս իմ , և յիրաւունս իմ ոչ կամեսցին զնալ :

29 Թէ զարդարութիւնս իմ անարգեսցեն , և զպատուիրանս իմ ոչ պահեսցեն :

30 Հարից զաւազանաւ զանօրէնութիւնս նոցա , տանջանօք զանիրաւութիւնս նոցա :

31 Բայց զողորմութիւնս իմ ոչ արգելից 'ի նոցանէ , և ոչ նենգեցից ճշմարտութեան իմում , և ոչ անարգեցից զուխտ իմ . և ինչ որ ելանէ ընդ շրթունս իմ , զայն ոչ արհամարհեցից :

32 Մի անգամ երգուայ 'ի սրբութիւն իմ , թէ զաւթի ես ոչ ստեցից :

33 Օաւակ նորա յաւիտեան կացցէ . և աթոռ նորա որպէս արեգակն առաջի իմ , որպէս լուսին զի հաստատեալ է յաւիտեան վկայ հաւատարիմ յերկինս :

34 Իսկ արդ դու մերժեցեր և անարգեցեր , և ընդ վայր հարեր զօծեալ քո :

35 Դարձուցեր զուխտ 'ի ծառայէ
քումմէ . պղծեցեր յերկրի զսրբութիւն
նորա :

36 Քակեցեր զամենայն պարիսպս նո-
րա , և եղիր զամուրս նորա 'ի դողումն :

37 Յափշտակեցին զնա անցաւորք ճա-
նապարհի . եղև նա նախատ դրացեաց
իւրոց :

38 Բարձր արարեր զաջ նեղչաց նորա .
ուրախ արարեր զամենայն թշնամիս նո-
րա :

39 Դարձուցեր զօգնութիւն 'ի սրոյ
նորա , և ոչ ընկալար զնա 'ի պատե-
րազմի :

40 Մնարդեցեր զսրբութիւն նորա , և
զաթոռ նորա յերկիր կործանեցեր :

41 Նուազ արարեր զաւուրս ժամա-
նակաց նորա , և հեղեր զնովաւ զամօթ :

42 Մինչև յերբ դարձուցանես զերեսս
քո իտպառ . բորբոքեսցի որպէս հուր
բարկութիւն քո :

43 Իսկ արդ յիշեա և տես թէ ո՞վ է
իմ հանգիստ . միթէ 'ի զո՞ւր ինչ ստեղ-
ծեր զամենայն որդիս մարդկան :

44 Ո՞վ է մարդ՝ որ կեցցէ և ոչ տեսցէ
զմահ , կամ փրկեսցէ զանձն իւր 'ի ձե-
ռաց դժոխոց :

45 Ո՞ւր են ողորմութիւնք քո տէր ա-

ուաջինք , զոր երգուար դաւթի ճշմարտութեամբ քով :

46 Յիշեա զնախատինս ծառայի քոյ , զոր ընկալայ 'ի ծոց իմ յազգաց բազմաց :

47 Օր նախատեցին թշնամիք քո տէր . նախատեցին փոխանակ օծելոյ քո :

48 Օրհնեալ տէր աստուած յաւիտեանս յաւիտենից . եղիցի եղիցի :

Տունք 48 :

Կանոն Գորգայ 7 : Սաղմոս 16 : Տուն 348 :

ՄԱՂՄՈՍ ԶԹ

Եղև 'ի հոմեա յայն ասորո-ծոյ :

1 Տէր ապաւէն եղեր մեր ազգէ մինչև յազգ . մինչև լերինք հաստատեալ էին , մինչև ստեղծեալ զերկիր և զամենայն տիեզերս :

2 Յաւիտենից մինչև յաւիտեանս դու ես . և մի՛ դարձուցաներ զմարդ 'ի տառապանս . և ասացեր , դարձարուք առ իս որդիք մարդկան :

3 Հազար ամ յաչս տեառն որպէս օր երեկի՝ զե անց . որպէս պահ մի գիշերոյ . և ամք նոցա անարգութեամբ եղիցին :

4 Ընդ առաւօտս որպէս դալարի բուսցին . ընդ առաւօտս որպէս դալարի

զուարճասցին և ծաղկեսցին . ընդ երեկոյս թարշամեսցին՝ չորասցին և անկցին :

5 Նուաղեցաք մեք 'ի բարկութենէ քումմէ , և 'ի սրտմտութենէ քումմէ խռովեցաք :

6 Եղիբ զմեզս մեր առաջի քո , և զկեանս մեր 'ի լոյս երեսաց քոց :

7 Եմենայն աւուրք մեր նուաղեցան . և 'ի բարկութենէ քումմէ խռովեցաք :

8 Ժամանակ ամաց մերոց անդադար որպէս սարդի . և թիւ աւուրց ամաց մերոց 'ի նոսա եօթանասուն ամ :

9 Եպա թէ առաւել ևս՝ ութսուն ամ . որ ինչ աւելի քան զայն , ցաւօք և հեծութեամբ :

10 Եկն 'ի վերայ մեր հեծութիւն , և խրատեցաք . իսկ արդ ո՞ զիտասցէ զզօրութիւն բարկութեան քո , կամ յահէ քումմէ զսրտմտութիւն քո համարեսցի :

11 Եյսպէս ցոյց ինձ զաջ քո . և որ խոնարհ են սրտիւք , զիմաստութիւնս քո :

12 Դարձ տէր՝ մինչև յերբ . մխիթարեա 'ի ծառայս քո :

13 Լցաք առաւօտու ողորմութեամբ քո . ցնձացաք և ուրախ եղաք զամենայն աւուրս կենաց մերոց :

14 Ուրախ եղաք փոխանակ աւուրցն ,
որ խոնարհ արարին զմեզ , և ամացն
յորս տեսաք զչարհարանս :

15 Հայեա տէր 'ի ծառայս քո և 'ի
գործս ձեռաց քոց , և առաջնորդեա
որդւոց նոցա . և եղեցի լոյս տեառն աս-
տուծոյ 'ի վերայ մեր :

16 Օգործս ձեռաց մերոց ուղեզ արա
'ի մեզ տէր . զգործս ձեռաց մերոց յա-
ջողեա մեզ :

Տունք 16 :

ՍԱՂՄՈՍ Գ

Օրհնութեան գովութեան 'ի դաւիթ :

1 Ո բնակեալն է յօգնութիւն բարձրե-
լոյն , ընդ հովանեաւ աստուծոյ յերկինս
հանգիցէ :

2 Ասացէ տեառն ընդունելի իմ ես ,
ապաւէն իմ աստուած , և ես յուսամ 'ի
նա :

3 Նա փրկեացէ զես յորոգայթէ որսո-
ղն , և 'ի բանիցն խռովութենէ :

4 Ի թիկնամէջս իւր ընկալցի գթեզ . 'ի
հովանի թւոց նորա յուսացիս :

5 Որպէս զէն շուրջ եղեցի գթե ճշմար-
տութիւն նորա :

6 Ոչ երկիցես դու յերկիւզէ գիշերի ,
և ոչ 'ի նետէ՝ որ թռչի 'ի տուէ :

7 Յիրէ որ շօջի 'ի խաւարի , 'ի գայ-

Թագդուլթենէ դիւի 'ի հասարակ աւուր :

8 Անկցին 'ի կողմանէ քումմէ հազարք , և բիւրք ընդ աջմէ քումմէ , որ առ քեզ ինչ ոչ մերձեսցին :

9 Բայց միայն աչօք քով հայեսցես դու , և զհատուցումն մեղաւորաց տեսցես , զի դու տէր յոյս իմ ես :

10 Օբարձրեալն արարեր քեզ ապաւէն . ոչ հասցեն առ քեզ չարք , և տանջանք մի' մերձեսցին 'ի յարկս քո :

11 Հրեշտակաց իւրոց պատուիրեալ է փասն քո պահել զքեզ յամենայն ճանապարհս քո :

12 Ի բազուկս իւրեանց ընկալցին զքեզ , զի մի' երբէք հարցես զբարի զօտն քո :

13 Ի վերայ իժից և քարբից զնասցես դու , և առ ոտն կոխեսցես զառիւծն և զվիշապն :

14 Քանզի յիս յուսացաւ , և փրկեցից զնա . հովանի եղէց նմա , զի ծանեաւ զանուն իմ :

15 Կարդացէ առ իս , և ես լուայց նմա . և առ նմա եղէց 'ի նեղութեան :

16 Փրկեցից և փառաւոր արարից զնա . երկայն աւուրքք լցուցից , և ցուցից նմա զփրկութիւն իմ :

ՍԵՂՄՈՍ ԴԸ

Սաղմոս օրհնութեան ասոր շաբաթոց 'ի դասիլ :

1 Բարի է խոստովան լինել տեառն , սաղմոս ասել անուան քում բարձրեալ :

2 Պատմել առաւօտու զողորմութիւնս քո , և զճշմարտութիւնս քո 'ի զիշերի :

3 Տասնադեաւ սաղմոսարանաւ , 'ի ձայն օրհնութեան գովել :

4 Ուրախ արարեր զիս տէր յարարածս քո , և 'ի գործս ձեռաց քոց ցնծացայց :

5 Ո՛րպէս զի մեծ են գործք քո տէր , և յոյժ խոր են խորհուրդք քո :

6 Ե՛րբ անզգամ զայս ոչ ծանիցէ , և անմիտն զայս ոչ առնու 'ի միտ :

7 Ի բուսանել մեղաւորաց որպէս խոտ , 'ի ծաղկել այնոցիկ՝ որ գործեն զանօրէնութիւն :

8 Սատակեսցին յաւիտեանս յաւիտենից . և զու բարձրեալ ես յաւիտեանս տէր :

9 Օ՛ի ահա թշնամիք քո տէր , զի ահա թշնամիք քո կորիցեն . ցրուեսցին ամենեքեան՝ ոյք գործեն զանօրէնութիւն :

10 Բարձր եղեցի որպէս միեղջերոյ եղջիւր իմ , և ձերութիւն իմ , 'ի ձէթ պարարտութեան :

11 Ատես ահն իմ 'ի թշնամիա իմ, ոյք յարուցեալ են 'ի վերայ իմ չարութեամբ, 'ի նոսա լուիցէ ունկն իմ :

12 Արդարքն որպէս զարմաւենիս ծաղկեցին . որպէս մայրքն լիբանանու բազումք եղիցին :

13 Տնկեալք եղիցին 'ի տան տեառն , և 'ի դաւիթս աստուծոյ մերոյ ծաղկեցին :

14 Աւս և բազումք եղիցին 'ի ծերութիւն պարարտութեան . գիրգք և փափուկք եղիցին 'ի պատմել . ուղեղ է տէր աստուած մեր , և ոչ գոյ 'ի նմա անիրաւութիւն :

Տունք 14 . Գորշայս 46 :

ՍՄԱՐՄԱՆ ՂԵՐ

Յատորն աստղն լախնիւն , յոր հասարակեցաւ երկիր . օրհնութեան գովութեան 'ի դաւիթ :

1 Տէր թագաւորեաց վայելչութիւն զգեցաւ . զգեցաւ տէր զօրութիւն , ընդ մէջ իւր ածաւ :

2 Հաստաձեաց զաշխարհս՝ զի մի՛ սասանեսցի . պատրաստ է ակնոս քո , 'ի սկզբանէ յաճիտեանս զուես :

3 Ամբարձան գետք տէր , և համբարձին գետք զձայնս իւրեանց . յարիցեն գետք 'ի գնացս իւրեանց :

4 Ի ձայնէ ջուրց բազմաց , սքանչելի եղեն զբոսանք ծովու :

5 Աքանչելի ես դու տէր 'ի բարձունս .
վկայութեանց քոց մէք յոյժ հաւատա-
ցաք :

6 Տան քում վայելէ սրբութիւն տէր
ընդ երկայն աւուրս :

• Տունք 6 :

ՍԵՂՄՈՍ ԳՊ

Սաղմոս 'ի դաւիթ . չորսուհարան :

1 Եստուած վրէժխնդիր , տէր աս-
տուած վրէժխնդիր յայտնեցար :

2 Բարձր լեր որ դատիս զերկիր . հատո
զհատուցումն ամբարտաւանից :

3 Մինչև յերբ մեղաւորք տէր , մինչև
յերբ մեղաւորք պարծեսցին :

4 Բարբառեալ խօսէին զանիրաւու-
թիւն . խօսեսցին ամենեքեան՝ որ գոր-
ծեն զանօրէնութիւն :

5 Չժողովուրդս քո տէր խոնարհ ա-
րարին , և զժառանգութիւն քո չար-
չարեցին :

6 Չայրին և զպանդուխտն սպանին ,
զորքսն կոտորեցին և ածացին : ոչ տե-
սանէ զայս տէր , և ոչ 'ի միտ առնու
աստուած յակովբայ :

7 Իմացարուք անզգամք ժողովրդոց ,
և անմիտք՝ մինչև յերբ ոչ առնուք 'ի
միտ :

8 Որպէս զի թէ որ տնկեաց զունկն՝

ինքն ոչ լուիցէ , կամ որ ստեղծ զակն՝
ինքն ոչ տեսանիցէ :

9 Ո խրատէ զազինս , որպէս թէ ոչ
յանդիմանեսցէ . ո ուսուցանէ մարդոյ
զգիտութիւն . տէր ճանաչէ զխորհուրդս
մարդկան , զի են ընդունայն :

10 Արանի մարդոյ՝ զոր խրատես դու
տէր , և յօրինաց քոց ուսուցանես դու
նմա :

11 Յաճուցանես դու նմա՝ զաւուրս չա-
րութեան , մինչև փորեցի խորխորատ
մեղաւորի :

12 Ոչ մերժէ տէր զժողովուրդ իւր ,
և զժառանգութիւն իւր ոչ առնէ ան-
տես :

13 Մինչև դարձցին իրաւունք յար-
դարութիւն . ընկալցին զնա ամենեքեան
որ ուղիղ են սրտիւք :

14 Ո՞ յարիցէ ընդ իս ՚ի վերայ չարաց .
կամ ո՞ հաւասարեսցէ ինձ ՚ի վերայ այնո-
ցիկ , որ զործեն զանօրէնութիւն :

15 Թէ ոչ տեսուն օգնեալ էր ինձ ,
փոքր մի ևս բնակեալ էր անձն իմ ՚ի
դժոխս :

16 Աթէ ասէի՝ թէ ահա սասանեցան
ոտք իմ , ողորմութիւն քո տէր օգնէր
ինձ :

17 Բ՛ստ բազում ցաւոց սրտի իմոյ՝

մխիթարութիւն քո ուրախ առնէր զանձըն իմ :

18 Մի հաւասարեսցէ քեզ աթոռ աւորէնութեան , ո պատճառէ զվաստակա ընդդէմ հրամանի :

19 Որսացան զանձն արդարոյ , և զարիւն անբիծ պարտաւոր առնէին :

20 Եղև տէր ապաւէն իմ . աստուած օգնական յուսոյ իմոյ :

21 Հատուցէ նոցա տէր ըստ անօրէնութեան նոցա . ըստ հարութեան նոցա կործանեսցէ զնոսա տէր աստուած մեր :

Տունք 21 :

ՄԱՂՄՈՍ ԳՂ

Օրհնութեան գովութեան 'ի դասին :

1 Եկայք ցնծացուք 'ի տէր . աղաղակեսցուք առ աստուած փրկիչ մեր :

2 Վանխեսցուք առաջի նորա խոստովանութեամբ . սաղմոսիւք աղաղակեսցուք առ նա :

3 Եստուած մեծ է , տէր թագաւոր մեծ 'ի վերայ ամենայն երկրի :

4 Ի ձեռս նորա են ամենայն տիեզերք երկրի , և բարձրութիւնք լերանց նորա են :

5 Նորա է ծով' և նա արար զնա , և զցամաք ձեռք նորա ստեղծին :

6 Եկայք երկիր պազցուք նմա , անկ-

ցուք և լացցուք առաջի տեառն արարչին մերոյ :

7 Նա ինքն է տէր աստուած մեր . մեք ժողովուրդք ձեռին նորա , և խաշն արօտի նորա :

8 Եյսօր եթէ ձայնի նորա լսիցէք , մի՛ խստացուցանէք զսիրտս ձեր որպէս ՚ի դառնութեան :

9 Յաւուրն փորձութեան յանապատին ուր փորձեցին զիս Հարքն ձեր , քննեցին զիս , և տեսին զգործս իմ զքառասուն ամ :

10 Զանացայ ընդ ազգին ընդ այնմիկ և ասացի՝ միշտ մոլորեալ են սրտիւք . և նոքա ոչ ծանեան զճանապարհս իմ :

11 Որպէս երդուայ ՚ի բարկութեան իմում , թէ մտցեն ՚ի Հանգիստ իմ :

Յունք 11 : Գորդայս 38 :

• ՍԵՂՄՈՍ ԴԵ

Սաղմոս ՚ի դաւիթ . ՚ի ժամանակի զի որսմարն զնեցաւ :

1 Օրհնեցէք զտէր յօրհնութիւն նոր . օրհնեցէք զտէր ամենայն երկիր :

2 Օրհնեցէք զտէր և օրհնեցէք զառնուն նորա . աւետարանեցէք օր ըստ օրէ զփրկութիւն նորա :

3 Պատմեցէք ՚ի Հեթանոսս զփառս նորա , յամենայն ժողովուրդս զսքանչելիս նորա :

4 Մեծ է տէր և օրհնեալ է յոյժ .
ահարկու է նա 'ի վերայ ամենայն կրու-
ոց :

5 Եմենայն կուռք հեթանոսաց դէք
են . և տէր զերկինս արար :

6 Խոստովանութիւն և վայելչութիւն
է առաջինորա . սրբութիւն և մեծվայել-
չութիւն 'ի սրբութեան նորա :

7 Մատուցէք տեառն տոհմք ազանց .
մատուցէք տեառն զփառս և զպատիւ .
մատուցէք տեառն զփառս անուան նո-
րա :

8 Եռէք պատարագս և մտէք 'ի սրահս
նորա . երկիր պագէք տեառն 'ի գաւիթս
սրբութեան նորա , և խռովեսցի յերե-
սաց նորա ամենայն երկիր :

9 Եսացէք 'ի հեթանոսս՝ թէ տէր
թագաւորեաց . հաստատեաց զաշ-
խարհս զի մի՛ սասանեսցի . և դատի
զժողովուրդս իւր ուղղութեամբ :

10 Ուրախ եղեցին երկինք , և ցնծաս-
ցէ երկիր , զուարճացցի ծովւրիւ իւրով .
ցնծացեն դաշտք , և ամենայն որ է 'ի
նոսա :

11 Յայնժամ ցնծացեն ամենայն
ծառք անտառի յերեսաց տեառն զի
գայ , և գայ նա 'ի դատել զերկիր :

12 Դատի զտիեզերս իրաւամբք , և

զժողովուրդս ամենայն ճշմարտութեամբ
իւրով :

Տունք 12 :

ՍԵՂՄՈՍ Դ.Չ.

Սաղմոս 'ի դաւիթ . 'ի ժամանակի զի երկիրն հասարակեցաւ :

1 Տէր թագաւորեաց՝ ցնծասցէ երկիր .
ուրախ եղեցին կղզեք բազումք :

2 Ամպ և մէգ շուրջ է զնովաւ . յի-
րաւունս և յարդարութիւն ուղղեալ է
աթոռ նորա :

3 Հուր առաջի նորա գնասցէ , այրե-
ցէ շուրջ զթշնամիս նորա :

4 Արևեցան փայլատակունք նորա տի-
եզերաց . ետես՝ և սասանեցաւ երկիր :

5 Աերինք որպէս մոմ հալեսցին յերե-
սաց տեառն , յերեսաց տեառն ամենայն
երկիր :

6 Պատմեսցեն երկինք զարդարութիւն
նորա . տեսին ամենայն ժողովուրդք
զփառս նորա :

7 Ամաչեսցեն ամենեքեան որ երկիր
պագանեն կոոց , և ոյք պարծին 'ի դրօ-
շեալս իւրեանց :

8 Արկիր պագցեն նմա ամենայն հրեշ-
տակք նորա , զի լուաւ և ուրախ եղև
սիօփն . և ցնծասցեն դատերք յուղայ
վասն իրաւանց քոց տէր :

9 Օի դու բարձրեալ ես 'ի վերայ ամե-

նայն երկրի . յոյժ բարձրացար 'ի վերայ
ամենայն կռոց :

10 Այք սիրէք զտէր , ատեցէք զչա-
րութիւն . պահէ տէր զանձինս սրբոց
իւրոց , 'ի ձեռաց մեղաւորի փրկեսցէ
զնոսա :

11 Լոյս ծագեաց արդարոց . ուղղոց
սրտից եղև ուրախութիւն :

12 Աւրախ եղերուք արդարք 'ի տէր .
խոստովան եղերուք յիշատակի սրբու-
թեան նորա :

Տունք 12 :

ՍԵՂՄՈՍ ԴԷ

Սաղմոս 'ի դաւիթ օրհնութեան :

1 Օրհնեսցէք զտէր յօրհնութիւն նոր ,
զի սքանչելիս արար :

2 Փրկեաց զնա աջ իւր , և բազուկ
սուրբ իւր :

3 Եցոյց տէր զփրկութիւն իւր , և առա-
ջև ազգաց յայտնեաց զարդարութիւն
իւր .

4 Յիշեաց ողորմութեամբ իւրով զյա-
կովք , ճշմարտութեամբ իւրով զտունն
իսրայելի . և տեսին ամենայն ծագք երկ-
րի զփրկութիւն աստուծոյ մերոյ :

5 Աղաղակեսցէք առ տէր ամենայն եր-
կիր . օրհնեսցէք ցնծացէք և սաղմոս ա-
սացէք :

6 Սաղմոսս ասացէք աստուծոյ մերում օրհնութեամբ , օրհնութեամբ և 'ի ձայն սաղմոսաց :

7 Ի ձայն օրհնութեան կռածոյ փողոյ , օրհնութեամբ ցնծութեամբ և 'ի ձայն եղջեր փողոյ . և աղաղակեցէք առաջի թագաւորին տեանն :

8 Խռովեսցի ծով լսիւ իւրով , տիեզերք և ամենայն բնակիչք նորա . և գետք ծափս հարցեն 'ի միասին ձեռամբ :

9 Աերինք ցնծացեն առաջի տեանն , զե գայ և հասեալ է տէր 'ի դատել զերկիր :

10 Դատի զաշխարհս արդարութեամբ , և զժողովուրդս ուղղութեամբ :

Տունք 10 : Գորգայս 34 :

ՄԱՂՄՈՍ ԴԸ

Սաղմոս 'ի դաւիթ :

1 Տէր թագաւորեաց , բարկացան ժողովուրդք . որ նստիս 'ի քրովբէս , սասանեցաւ երկիր :

2 Տէր 'ի սիրովն մեծ է , և բարձր է 'ի վերայ ամենայն ժողովրդոց :

3 Խոստովան' եղիցուք անուան քում մեծի , զի ահաւոր և սուրբ է . և պատիւ թագաւորի զերաւունս սիրէ :

4 Դու պատրաստեցեր զուղղութիւն . զերաւունս և զարդարութիւն յակովբայ դու արարեր :

5 Բարձր արարէք զտէր աստուած մեր . երկիր պագէք պատուանդանի ոտից նորա , զի սուրբ է :

6 Մովսէս և ահարոն երիցունք նորա . սամուէլ ընդ այնոսիկ , որ կարդան զանուն նորա :

7 Կարդային առ տէր , և նա լսէր նոցա , և ՚ի սիւն ամպոյ խօսէր ընդ նոսա :

8 Պահէին զվկայութիւն նորա և զըհրամանս զոր ետ նոցա :

9 Տէր աստուած մեր՝ դու լսէիր նոցա , աստուած՝ դու քաւիչ լինէիր , վրէժինդիր ՚ի վերայ ամենայն զործոց նոցա :

10 Բարձր արարէք զտէր աստուած մեր՝ երկիր պագէք ՚ի լեառն սուրբ նորա , զի սուրբ է տէր աստուած մեր :

Տունք 10 :

ՍԵՂՄՈՍ ԴԹ

Սաղմոս խորոզանո-լեան ՚ի դաւիթ :

1 Աղաղակեցէք առ տէր՝ ամենայն երկիր . ծառայեցէք տեպոն ուրախութեամբ :

2 Մտէք առաջի նորա ցնծութեամբ . ծաներուք զի նա է տէր աստուած մեր :

3 Նա արար զմեզ , և ոչ մէք էաք . մէք ժողովուրդք և խաշն արօտի նորա :

4 Մտէք ընդ դրունս նորա խոստո-

վանութեամբ , և օրհնութեամբ 'ի յարկրս նորա :

5 Խոստովան եղերուք տեառն , և օրհնեցէք զվանուն նորա :

6 Քաղցր է տէր , յաւիտեան է ողորմութիւն նորա . ազգէ. մինչև յազգ է ճշմարտութիւն նորա :

Ցունք 6 :

ՍՇՂՄՈՍ Ճ

Սողոմոն 'ի դաւիթ :

1 Յողորմութիւն և յիրաւունս օրհնեցից զքեզ տէր . սաղմոս ասացից , և 'ի միտ առից :

2 Ճանապարհ անբիծ մինչև եկեսցէ առ իս . զի գնայի ես յամբժութեան սրտի իմոյ 'ի մէջ տան իմոյ :

3 Ոչ եղի առաջի աչաց իմոց իրս անիրաւութեան . ոյք առնէին զուրացութիւնս , ատեցի :

4 Ոչ մերձեցաւ առ իս որ թիւրն էր սրտիւ . խոտորեալ յինէն անզգամին , և ես ինչ ոչ փոյթ. առնէի :

5 Որ խօսէր՝ զազտ զընկերէ իւրմէ , զնա բացէ 'ի բաց հալածէի :

6 Որ ամբարտաւան էր աչօք և ազահ սրտիւ , ընդ նմա և հաց ոչ ուտէի :

7 Աչք իմ 'ի հաւատացեալս երկրի , զի նստցին նորա ընդ իս :

8 Որ գնայր 'ի ճանապարհ անբիծ , նա պաշտէր զիս :

9 Ոչ բնակէր 'ի մէջ տան իմոյ՝ որ առնէր զամբարտաւանութիւն . որ խօսէր զանիրաւութիւն , չէր յաջողեալ նմա առաջի աչաց իմոց :

10 Ընդ առաւօտս սպանանէի զամենայն մեղաւորս երկրի . սատակեցից 'ի քաղաքի տեառն զամենեսեան՝ որ գործեն զանօրէնութիւն :

Տունք 10 : Գորդայս 26 :

ՍԵՂՄՈՍ ԱՇ

Եղև+ ուրի՛ . իբրև յանչրայցի՛ առաջի պետան սփռեացե զմեքոսաւս իւր :

1 Տէր՝ լուր աղօթից իմոց , աղաղակ իմ առ քեզ եկեացէ , մի՛ դարձուցաներ զերեսս քո յինէն :

2 Յաւուր նեղութեան իմոյ խոնարհեցո առ իս զունկն քո . յորում աւուր կարդամ առ քեզ , վաղվաղակի . լուր ինձ :

3 Սպառեցան որպէս ծուխ աւուրք իմ , և ոսկերք իմ որպէս խոխ . չորացան :

4 Հարաւ որպէս խոտ՝ և ցամաքեաց սիրտ իմ . մոռացայ ուտել զհաց իմ՝ 'ի ձայնէ հեծութեան իմոյ :

5 Ացեցաւ ոսկր իմ 'ի մարմին իմ . նմանեցայ ես հաւալսան յանապատի :

6 Եղէ ես որպէս բու յաւերակի . տըք-

Նեցայ և եղէ ես որպէս ճ'նճղուկ միայն
'ի տանիս :

7 Նախատեցին զիս թշնամիք իմ զօր-
հանապազ , և գովեչք իմ ինև երդնուին :

8 Չմոխիր որպէս հաց կերայ , և զըմ-
պելի իմ արտասուօք խառնեցի :

9 Յերեսաց բարկութեան սրտմտու-
թեան քո . զի դու բարձրացուցեր , և
խոնարհեցուցեր զիս :

10 Եւուրք իմ որպէս հովանի անցին .
և ես որպէս խոտ ցամաքեցայ :

11 Դու տէր յաւիտեան կաս , և յի-
շատակ քո ազգէ մինչև յազգ :

12 Դու յարուցեալ գթասցիս 'ի վերայ
սիոնի . ժամանակ գթալոյ նորա հասեալ
է ժամ :

13 Հաճեցան ծառայք քո ընդ քա-
րինս նորա , և 'ի հողս նորա գթասցին :

14 Երկիցեն հեթանոսք յանուանէ
քումմէ , և ամենայն թագաւորք երկրի
'ի փառաց քոց :

15 Ենէ տէր զսիոն , և երևեսցի
փառօք իւրովք 'ի նմա :

16 Հայեցաւ նա յաղօթս խոնարհաց ,
և ոչ արհամարհեաց զխնդրուածս նոցա :

17 Գրեսցի այս յազգ յայլ . ժողո-
վուրդ զոր ստացեալ է , օրհնեսցէ զտէր :

18 Հայեցաւ նա 'ի բարձանց 'ի սրբու-

Թենէ իւրմէ . տէր յերկնից յերկիր հա-
յեցաւ :

19 Ասել զհեծութիւն կապելոց , և ար-
ձակել զորդիս մահապարտաց :

20 Պատմել 'ի սիռլն զանուն տեառն ,
և զօրհնութիւնս նորա յերուսաղէմ :

21 Ժողովել ժողովոցոց 'ի միասին , և
թաղաւորաց ծառայել տեառն :

22 Պատասխանի ետ նմա 'ի ճանա-
պարհի զօրութեան իւրոյ . զնուազու-
թիւն աւուրց իմոց ասա ինձ , և մի' հա-
նէր զես 'ի կէս աւուրց իմոց . զի ազգէ
յազգ են ամբ քո :

23 Ի սկզբանէ տէր զհիմունս երկրի
հաստատեցեր . և զործք ձեռաց քոց
երկինք են :

24 Նոքա անցանեն , և դու կաս և մը-
նաս յաւիտեան :

25 Եմենքեան որպէս ձորձս մաշե-
ցին . որպէս վերարկուս փոխեսցես զնո-
սա , և փոխեսցին :

26 Բայց դու նոյն իսկ ես , և ամբ քո
ոչ անցանեն . որդիք ծառայից քոց բնա-
կեսցեն 'ի նմա . և զաւակի նոցա յաւի-
տեան յաջողեսցի :

Տունք 26 .

1 Օրհնեա անձն իմ զտէր , և ամենայն ոսկերք իմ զանուն սուրբ նորա :

2 Օրհնեա անձն իմ զտէր , և մի՛ մոռանար զամենայն տուրս նորա :

3 Ո քաւէ զմեզս քո , բժշկէ զամենայն հիւանդութիւնս քո :

4 Ո փրկէ յապականութենէ զկեանսս քո , պսակէ զքեզ ողորմութեամբ և զբթութեամբ :

5 Ո ընու 'ի բարութենէ զցանկութիւն քո . նորոգեսցի որպէս արծուոյ մանկութիւնս քո :

6 Եռնէ ողորմութիւնս տէր , և իրաւունս՝ ամենայն զրկելոց :

7 Եցոյց տէր զճանապարհս իւր մովսեսի , և որդւոցն իսրայելի զկամս իւր :

8 Գթած ողորմած է տէր , երկայնամիտ և բազումողորմ :

9 Ոչ իսպառ բարկանայ մեզ տէր , և ոչ յաւիտեան պահէ ոխս :

10 Ոչ ըստ մեղաց մերոց արար մեզ , և ոչ ըստ անօրէնութեան մերում հատոյց մեզ :

11 Եյլ որպէս բարձր են երկինք յերկրէ , այնպէս զօրացոյց տէր զողորմութիւն իւր 'ի վերայ երկիւղածաց իւրոց :

12 Որչափ հեռի են արևելք յարևմը-

տից , այնպէս հեռի արար 'ի մէնջ զանօրէնութիւնս մեր :

13 Որպէս գթայ հայր 'ի վերայ որդւոց իւրոց , այնպէս գթասցի տէր յերկիւղածս իւր :

14 Քի նա գիտաց զստեղծուածս մեր . և յիշեաց թէ հող եմք :

15 Մարդոյ որպէս խոտոյ են աւուրք իւր . որպէս ծաղիկ վայրի այնպէս ծաղկէ :

16 Շնչէ 'ի նմա հողմ , և ոչ է՝ և ոչ ևս երևի տեղի նորա :

17 Բայց ողորմութիւն տեառն յաւիտեանս յաւիտենից 'ի վերայ երկիւղածաց իւրոց . և արդարութիւն նորա յորդւոց մինչև յորդիս :

18 Ոյք պահեն զուխտս նորա , յիշեն զպատուիրանս նորա և առնեն զնա :

19 Տէր յերկինս պատրաստեաց զթոռ իւր . արքայութիւն նորա ամենեցուն տիրէ :

20 Օրհնեցէք զտէր ամենայն հրեշտակք նորա՝ հօրք զօրութեամբ , որ առնէք զբան նորա 'ի լսել ձայնի պատգամաց նորա :

21 Օրհնեցէք զտէր ամենայն զօրութիւնք նորա , պաշտօնեայք և արարողք կամաց նորա :

22 Օրհնեցէք զտէր ամենայն գործք

նորա . ընդ ամենայն տեղիս է տէրու-
թիւն նորա . օրհնեա անձն իմ՝ զտէր :

Տուփ 22 : Գորդայս 48 :

ՄԱՂՄՈՍ ԱՊ

Սաղմոս 'ի Գաւթի . 'ի վերայ պիտորհմործ արարածոց :

1 Օրհնեա անձն իմ՝ զտէր . տէր աս-
տուած իմ մեծ եղեր յոյժ :

2 Խոստովանութիւն և մեծփայելչու-
թիւն զգեցար . արկար զլոյս որպէս զօ-
թոց . ձգեցեր զերկինս որպէս խորան ,
և յարկար 'ի վերայ ջուրց զվերնայարկս
նորա :

3 Ո զնէ յամպս զգնացս իւր , և շօջի
նա 'ի վերայ թևոց հողմոց :

4 Ո արար զհրեշտակս իւր հողիս , և
զպաշտօնեայս իւր 'ի հուր կիզելոյ :

5 Հաստատեաց զերկիր 'ի վերայ հաս-
տատութեան իւրոյ , զի մի՛ սասանեսցի
յաւիտեան :

6 Խորք որպէս զգեստ վերարկու է նո-
րա . 'ի վերայ լերանց կացցեն ջուրք :

7 Ի մաստէ քումմէ փախիցեն , և 'ի
ձայնէ որոտալոյ քումմէ սարսիցեն :

8 Ելանեն լեռնանան՝ և իջանեն դաշ-
տանան , 'ի տեղի յոր հաստատեցեր
զնոսա :

9 Սահման եղիր՝ և ոչ անցանեն , և
ոչ ևս դառնան 'ի ծածկել զերկիր :

10 Եռաքեցեր զաղբիւրս ընդ ծործորս . 'ի մէջ լերանց զնասցեն ջուրք :

11 Երբուցանել զամենայն զազանս վայրի . յազեսցին ցիւք 'ի ծարաւս իւրեանց :

12 Ենդ թռչունք երկնից բոյնս դիցեն . և 'ի միջոյ վիմաց տացեն զձայնս իւրեանց :

13 Երբուցանէ զլերինս 'ի շտեմարանաց իւրոց . 'ի պտղոյ զործոց իւրոց լցցի երկիր :

14 Բուսուցեր զխոտ 'ի լերինս , զգալարի 'ի ծառայութիւն մարդկան :

15 Հաներ զհաց յերկրէ . զինի ուրախ առնէ , իւզ զուարթ , և հաց հաստատէ զսիրտ մարդոյ :

16 Յազեսցին ծառքն տեառն , և մայրքն լիբանանու՝ զորս դու տնկեցեր :

17 Ենդ թռչունք երկնից ձագս հանցեն . և բոյն արազլի ապաւէն է նոցա :

18 Լերինք բարձունք են եղջերո՞ւաց , և վէմք ապաւէնք նապաստակաց :

19 Երարեր զլուսին վանն ժամանակի . արեգակն ծանեալ զժամ մտանելոյ իւրոյ :

20 Երարեր զխաւար՝ և եղև զիշեր . 'ի նմա զնան ամենայն զազանք անտառի :

21 Կորիւնք առիւծուց մոնչեն և յա-

փրշտակեն և խնդրեն յաստուծոյ զկերակուրս իւրեանց :

22 Ի ծագել արևու ժողովին , և 'ի մորիս իւրեանց դադարեն :

23 Ալանէ մարդ 'ի գործս իւր , և 'ի վաստակս ձեռաց իւրոց մինչև յերեկոյ :

24 Ո՛րպէս զի մեծ են գործք քո տէր , զամենայն ինչ իմաստութեամբ արարեր , և լցաւ երկիր ստեղծուածովք քովք :

25 Այս ծով մեծ և անդորր . 'ի սմա են սողունք , որ ոչ գոյ թիւ . զազանք մեծամեծք և մանունք . 'ի սմա և նաւք զնան . վիշապն զոր ստեղծեր խաղալ նովաւ :

26 Ամենեքեան քեզ սպասեն . և դու տաս կերակուր նոցա 'ի ժամու :

27 Տաս դու նոցա՝ և կերակրին . բանաս զձեռն քո , կերակրես զամենեսեան կամօք քովք :

28 Դարձուցանես զերեսս քո 'ի նոցանէ՝ և խռովին , հանես զոգի 'ի նոցանէ , պակասին և 'ի հող դառնան :

29 Առաքես զոգի քո և ստանաս զնոսա , և նորոգես զերեսս երկրի :

30 Ազեցին փառք տեառն յաւիտեան . տէր ուրախ եզեցի յարարածս իւր :

31 Ո՛ հայի յերկիր , և տայ դողալ սմա . մերձի 'ի լերինս , և ծխեսցին :

32 Օրհնեցից զտէր 'ի կեանս իմ .
սաղմոս ասացից աստուծոյ իմոյ մինչև
եմ ես :

33 Քաղցր եղեցի նմա օրհնութիւն
իմ . և ես ուրախ եղէց 'ի տէր :

34 Պակասեսցին մեղաւորք յերկրէ , և
ամբարիշտ մի' ևս գտցի 'ի նմա . օրհնեա
անձն իմ զտէր :

Տունք 34 :

ՄԱՂՄՈՍ ԱՂԻ

Եւեւ-իս :

1 Խոստովան եղերուք տեառն և կար-
դացէք զանուն նորա . պատմեցէք 'ի
հեթանոսս զգործս նորա :

2 Օրհնեցէք և սաղմոս ասացէք նմա .
պատմեցէք զամենայն սքանչելիս նորա .
պովեցարուք յանուն սուրբ նորա :

3 Ուրախ եղեցին սիրտք այնոցիկ՝ որ
խնդրեն զտէր . խնդրեցէք զտէր՝ և հը-
զօրք եղերուք . խնդրեցէք զերեսս նորա
յամենայն ժամ :

4 Յիշեցէք զսքանչելիս նորա՝ զոր ա-
րար . զարուեստս և զիրաւունս բերանոյ
նորա :

5 Չաւակն արբահամեան ծառայք նո-
րա . որդիք յակոբայ ընտրեալք նորա :

6 Նա ինքն է տէր աստուած մեր . յա-
մենայն երկրի են իրաւունք նորա :

7 Յիշեաց յաւիտենից զուխտ իւր, և զբանն՝ զոր պատուիրեաց մինչև 'ի հազար ամ :

8 Օուխտն զոր եղ ընդ արբահամու . և զերդումն իւր ընդ սահակայ :

9 Հաստատեաց առ յակոբ զհրաման իւր, և առ իսրայէլ զուխտ իւր յաւիտենից :

10 Եսէ . ձեզ տաց զերկիրն քանանու, զվեճակ ժառանգութեան ձերոյ :

11 Օի էին նոքա թուով սակաւք՝ նուազք և պանդուխտք 'ի նմա :

12 Ենցին նոքա ազգէ յազգ, 'ի թագաւորութենէ 'ի ժողովուրդ յայլ :

13 Ոչ եթող մարդկան մեղանչել նոցա . կշտամբեաց զթագաւորս վասն նոցա :

14 Մի մերձենայք ասէ՝ յօծեալս իմ, և 'ի մարգարէս իմ մի՝ մեղանչէք :

15 Կոչեաց սով յերկիր նոցա . զամենայն զօրութիւն հացի երեկ :

16 Եռաքեաց առաջի նոցա այր . 'ի ծառայութիւն վաճառեցաւ յովսէփ :

17 Խոնարհ արարին 'ի կապանս զոտս նորա . և անց ընդ երկաթս անձն նորա :

18 Մինչև եկեսցէ բան նորա . և բան տեսան փորձեաց զնա :

19 Եռաքեաց թագաւորն և ելոյծ զնա . իշխան ժողովրդեան եթող զնա :

20 Կացոյց զնա տէր տան իւրոյ . իշխանն 'ի վերայ ամենայն ստացուածոց իւրոց :

21 Խրատել զիշխանս նոցա որպէս զինքըն . և զծերս նոցա իմաստունս արասցէ :

22 Եմուտ իսրայէլ յեզիպտոս . յակոբ պանդխտեցաւ յերկիր քամայ :

23 Աճեցոյց զժողովուրդ իւր յոյժ , և զօրացոյց զնոսա քան զԹՀնամիս իւր :

24 Դարձոյց զսիրտս նոցա ատել զժողովուրդ իւր , և 'ի նենգել զճառայս իւր :

25 Առաքեաց զմովսէս ծառայ իւր , և զահարոֆն ընտրեալ իւր :

26 Ետ նոցա զբան նշանաց իւրոց , և զարուեստս իւր յերկիր քամայ :

27 Առաքեաց խաւար և խաւարեցոյց զնոսա , զի դառնացուցին զբան նորա :

28 Դարձոյց յարիւն զգետս նոցա , և սպան զամենայն ձկունս նոցա :

29 Եռաց յերկիր նոցա գորտ , և 'ի շտեմարանս Թագաւորաց նոցա :

30 Ասաց՝ և եկն շանաճանճ և մժեխ ընդ ամենայն սահմանս նոցա :

31 Դարձոյց զանձրես նոցա 'ի կարկուտ . և հուր յերկիր նոցա բորբոքեցաւ :

32 Եհար զայգիս և զԹզենիս նոցա , և

փշրեաց զամենայն ծառս սահմանաց նոցա :

33 Եւսաց՝ և եկն մարախ , և խառնիճ՝ զի ոչ գոյր թիւ :

34 Եկեր զամենայն խոտ երկրի նոցա . սպառեաց զամենայն պտուղ անդոյ նոցա :

35 Եհար զամենայն անդրանիկս եզիպտացոց , զսկիզբն ամենայն վաստակոյ նոցա :

36 Եհան զնոսա ոսկւով և արծաթով . և ոչ գոյր յազգի նոցա հիւանդ :

37 Ուրախ եղև եզիպտոս ընդ ելանել նոցա . զի անկաւ ահ տեառն ՚ի վերայ նոցա :

38 Սփռեաց ամպ՝ հովանի առնել նոցա ՚ի տուէ , և հրով լոյս տայր նոցա ՚ի գիշերի :

39 Խնդրեցին՝ և եկն լորամարգի . և հացիւ երկնից լցոյց զնոսա :

40 Եհար զվէմն՝ և բղետեցին ջուրք , և զնացին՝ գետք ընդ անջողիս :

41 Յիշեաց զբան իւր սուրբ , որ ընդ արբահամու ծառայի իւրում :

42 Եհան զժողովուրդ իւր ցնծութեամբ , և զընտրեալս իւր ուրախութեամբ :

43 Ետ նոցա զգաւառս հեթանոսաց .

ի վաստակս ժողովրդոց ժառանգեցոյց զնոսա :

44 Քի պահեսցեն զվկայութիւնս նորա , և զօրէնս նորա խնդրեսցեն :

ՏՈՒՆՔ 44 : ԳՈՐԷՂՅՍ 78 :

ՄԱՂՄՈՍ ԱՆ

ԵԷԼ-ԻԱ :

1 Խոստովան եղերուք տեառն զի քաղցր է . զի յաւիտեան է ողորմութիւն նորա :

2 Ո՞ խօսեսցի զզօրութիւնս տեառն . լսելի արասցէ զամենայն օրհնութիւնս նորա :

3 Երանի ոյք պահեն զիրաւունս , և առնեն զարդարութիւն յամենայն ժամ :

4 Յիշեա զմեզ տէր ընդ հաճոյս ժողովրդեան քոյ , և այց արա մեզ ՚ի փրկութեան քում :

5 Տեսցուք մեք զքաղցրութիւն ընտրելոց քոց . ուրախ եղեցուք յուրախութիւն ազգի քոյ , և զովեսցուք մեք ՚ի ժառանգութեան քում :

6 Մեղաք մեք ընդ հարսն մեր , անօրինեցաք և յանցեաք :

7 Հարքն մեր յեզիպտոս ոչ իմացան զսքանչելիս քո , և ոչ յիշեցին զբազում ողորմութիւնս քո :

8 Բարկացուցին զքեզ յանցանելն իւրեանց ընդ ծով կարմիր . փրկեաց զնո-

սա վասն անուան իւրոյ , զի ծանխցեն
զգօրութիւնս նորա :

9 Սաստեաց 'ի ծով կարմիր՝ և ցամա-
քեցաւ . առաջնորդեաց նոցա ընդ ան-
դունդս որպէս ընդ անապատ :

10 Աեցոյց զնոսա 'ի ձեռաց ատելեաց
նոցա , և փրկեաց զնոսա 'ի ձեռաց թըշ-
նամեաց նոցա :

11 Ծածկեաց ծով զնեղիչս նոցա . և
մի 'ի նոցանէ ոչ ապրեցաւ :

12 Հաւատացին 'ի բան նորա , և օրհ-
նեցին զօրհնութիւնս նորա :

13 Աղաղակեցին և մոռացան զգործս
նորա , և ոչ անսացին խորհրդոց նո-
րա :

14 Յանկացան զցանկութիւն յանա-
պատի , և փորձեցին զաստուած յան-
ջըրդի :

15 Ետ նոցա զխնդրուածս նոցա . ա-
ռաքեաց լիութիւն յանձինս նոցա :

16 Բարկացուցին զմովսէս 'ի բանակի ,
և զահարոնս սուրբ տեառն :

17 Բացաւ երկիր և եկուլ զգաղան , և
ծածկեաց զբանակսն զաբիրովնի :

18 Հուր վառեցաւ 'ի ժողովս նոցա , և
բոց մաշեաց զմեղաւորս :

19 Արարին զօրթ 'ի բորբ . երկիր
պազին պատկերի , և փոխեցին զփառս

իւրեանց 'ի նմանութիւն որթու խոտակերի :

20 Մոռացան զաստուած կենարար իւրեանց , որ արար զմեծամեծս իւր յեզիպտոս , զսքանչելիս իւր յերկիր քամայ , և զահիւր 'ի վերայ կարմիր ծովուն :

21 Եսաց սատակել զնոսա , եթէ ոչ մովսէս ընտրեալ կայր առաջի նորա :

22 Դարձաւ առ տէր և անցոյց զբարկութիւն նորա , զի մի' սատակեսցին նոքա :

23 Ենարգեցին զերկիրն ցանկալի , և ոչ հաւատացին բանի նորա :

24 Տրտնջեցին 'ի բանակս իւրեանց , և ոչ լուան ձայնի տեառն :

25 Համբարձ զձեռն իւր 'ի վերայ նոցա , հարկանել զնոսա յանապատի :

26 Յրուեսցի զաւակ նոցա ընդ հեթանոսս . ցրուեսցի զաւակ նոցա ընդ գաւառս :

27 Պղծեցան նոքա 'ի բելլիեգովր , զի կերան զոհեալ և զմեռելոտի :

28 Բարկացուցին զնա 'ի գործս իւրեանց . յաճախեաց 'ի վերայ նոցա բեկումն :

29 Եպա եկաց 'ի մէջ փենեհէս , քաւեաց և արգելաւ մահ . համարեցաւ նմա

յարդարութիւն ազգէ յազգ մինչև յա-
փտեան :

30 Բարկացուցին զնա 'ի ջուրսն հա-
կառակութեան . չարչարեցաւ մովսէս
վասն նոցա , զի դառնացուցին զոգի
նորա :

31 Հրամայեաց շրթամբք իւրովք , և
ոչ սատակեցին զազգսն՝ զոր ասաց նոցա
տէր :

32 Խառնակեցան ընդ հեթանոսս , և
ուսան զգործս նոցա . ծառայեցին կռոց
նոցա , և եղև նոցա 'ի գայթազղու-
թիւն :

33 Օռհեցին զուստերս և զգստերս
իւրեանց զիւաց , և հեղին արին ամբիծ :

34 Արին ուստերաց և գստերաց իւ-
րեանց՝ զոր զոհեցին կռոցն քանանու :

35 Շաղախեցաւ երկիր յարենէ նոցա ,
և պղծեցաւ 'ի գործոց նոցա , զի պո-
ռնկեցան 'ի գնացս իւրեանց :

36 Բարկացաւ սրտամտութեամբ տէր 'ի
վերայ ժողովրդեան իւրոյ , և վարչեցոյց
զժառանգութիւն իւր յոյժ :

37 Մատնեաց զնոսս 'ի ձեռս հեթա-
նոսաց , տիրեցին նոցա ատելքք իւ-
րեանց , և թշնամիք իւրեանց նեղեցին
զնոսս , և խոնարհ եղեն 'ի ներքոյ ձե-
ռաց նոցա :

38 Բազում անգամ փրկեաց զնոսա ,
և նորա դառնացուցին զնա 'ի խորհուր-
դրս իւրեանց , և կորացան յանօրէնու-
թեան իւրեանց :

39 Հայեցաւ տէր 'ի նեղութիւնս նոցա
'ի լսել ձայնի աղօթից նոցա :

40 Յիշեաց զուխտ իւր , և զղջացաւ
ըստ բազում ողորմութեան իւրում . ետ
զնոսա 'ի զթութիւնս առաջի ամենայն
գերչաց նոցա :

41 Փրկեա զմեզ տէր աստուած մեր . և
ժողովեա զմեզ 'ի հեթանոսաց :

42 Խոստովան եղեցուք անուան քում
սրբոյ , և պարծեսցուք յօրհնութիւնս
քո :

43 Օրհնեալ տէր աստուած իսրայելի
յաւիտեանս յաւիտենից :

44 Եւ ասացէ ամենայն ժողովուրդն
եղեցի եղեցի :

Տունք 44 :

ՄԱՂՄՈՍ ԱՉ

Եւեւիա :

1 Խոստովան եղերուք տեառն զի քաղ-
ցրօ է , զի յաւիտեան է ողորմութիւն
նորա :

2 Եսացեն փրկեալք տեառն , զորս
փրկեաց 'ի ձեռաց թշնամւոյն :

3 Յամենայն զաւառաց ժողովեաց

զնոսա , յարևելից և յարևմտից , 'ի հիւսիսոյ և 'ի ծովէ :

4 Մոլորեցան նոքա յանապատի յանջրդի ճանապարհի , քաղաք բնակութեան ոչ գտին :

5 Քաղցեան և ծարաւեցան , և անձինք նոցա 'ի նոսին նուաղեցան :

6 Աղաղակեցին առ տէր 'ի նեղութեան իւրեանց . 'ի վշտաց նոցա փրկեաց զնոսա :

7 Առաջնորդեաց նոցա 'ի ճանապարհ ուղիղ , զի երթիցեն 'ի քաղաք բնակութեան իւրեանց :

8 Խոստովան եղիցին տեառն ողորմութեանց նորա , սքանչելեաց նորա որդիք մարդկան :

9 Օի յազեցոյց զանձինս քաղցեալս , և զանձինս կարօտեալս լի արար բարութեամբ :

10 Այք նստէին 'ի խաւարի և 'ի ստուերս մահու , կապեալ էին յաղքատութեան որպէս յերկաթս :

11 Օի զառնացուցին զբանն աստուծոյ , և զխորհուրդս բարձրելոյն բարկացուցին :

12 Խոնարհ եղեն 'ի ցաւոց սիրտք նոցա . տկարացան , և ոչ ոք էր՝ որ օգնէր նոցա :

13 Աղաղակեցին առ տէր 'ի նեղու-

Թեան իւրեանց , 'ի վշտաց նոցա եհան զնոսա :

14 Փրկեաց զնոսա 'ի խաւարէ և 'ի ստուերաց մահու , և խղեաց զկապանս նոցա :

15 Խոստովան եղիցին տեառն ողորմութեանց նորա , սքանչելեաց նորա որդիք մարդկան :

16 Օի փշրեաց զղրունս պղնձիս , և զնիզս երկաթիս խորտակեաց :

17 Օգնեաց նոցա 'ի ճանապարհի անօրէնութեան իւրեանց . զի վասն մեղաց իւրեանց խոնարհ եղեն յոյժ :

18 Յամենայն կերակրոց գարշէին սիրտք նոցա . մերձեցան մինչև 'ի դրունս մահու :

19 Եղաղակեցին առ տէր 'ի նեղութեան իւրեանց , 'ի վշտաց նոցա ապրեցոյց զնոսա :

20 Եռաքեաց զբան իւր և բժշկեաց զնոսա , և փրկեաց զնոսա յապականութենէ իւրեանց :

21 Խոստովան եղիցին տեառն ողորմութեանց նորա , սքանչելեաց նորա որդիք մարդկան :

22 Մատուցեն նմա պատարազ օրհնութեան , և պատմեցեն զգործս նորա ցնծութեամբ :

23 Ոյք իջանէին 'ի ծով նաւովք , և առնէին զգործս 'ի ջուրս բազումս :

24 Նոքա տեսին զգործս տեառն և զսքանչելիս նորա 'ի խորս անդնդոց :

25 Եսաց՝ և յարեաւ հողմ և մրրիկ , և բարձրացան ալեք նորա :

26 Նլանէին յերկինս և իջանէին յանդունդս . և անձինք նոցա յանձինս իւրեանց մաշեցան :

27 Խռովեցան սասանեցան որպէս արբեալք , և ամենայն իմաստութիւն նոցա ընկաւ :

28 Եղաղակեցին առ տէր 'ի նեղութեան իւրեանց . 'ի վշտաց նոցա կեցոյց զնոսա :

29 Դարձոյց զմրրիկն յօդ՝ և դաղարեցին ալեք նորա . ուրախ եղեն զի դաղարեցին . և առաջնորդեաց նոցա 'ի նաւահանգիստ կամաց իւրեանց :

30 Խոստովան եղեցին տեառն ողորմութեանց նորա , սքանչելեաց նորա որդիք մարդկան :

31 Բարձր արասցեն զնա 'ի ժողովս ժողովոցոց , և յաթոռս ձերոց օրհնեցեն զնա :

32 Օի դարձոյց զգետս 'ի ցամաք , և զգնացս ջուրց յերկիր ծարաւուտ :

33 Երար զերկիրն պտղաբեր յաղտաղ-

տուկս՝ վասն չարութեան բնակչաց նոցա :

34 Երար զանապատն՝ ի ճահիճս ջուրց ,
և զերկիրն ծարաւուտ ՚ի գնացս ջուրց :

35 Բնակեցոյց ՚ի նմա քաղցեալս . և
շինեցին քաղաք բնակութեան իւրեանց :

36 Վարեցին արտս և տնկեցին այգիս ,
և արարին պտուղ արմտեաց իւրեանց :

37 Օրհնեաց զնոսա՝ և բազմացան
յոյժ . և անասունք նոցա ոչ նուազեցան :

38 Նուազեցան նոքա և չարչարեցան
՚ի նեղութենէ չարեաց և ՚ի վշտաց :

39 Եկն անարգութիւն ՚ի վերայ իշխանաց
նոցա . մոլորեցոյց զնոսա յանապատի
և ոչ ՚ի ճանապարհի :

40 Օգնեաց տնանկին . յաղքատութեան
առաջնորդեաց որպէս խաշին ազգի
նոցա :

41 Տեսցեն ուղիղք և ուրախ եղեցին .
և ամենայն անօրէն խցցէ զբերան իւր :

42 Ո՞վ է իմաստուն՝ որ պահեսցէ՞ զայս ,
և ՚ի միտ առցէ զողորմութիւնս տեառն :

Տունք 42 :

ՍԵՂՄՈՍ ՆԷ

Օրհնութեան սաղմոսաց ՚ի Դաւիթ :

1 Պատրաստ է սիրտ իմ աստուած ,
պատրաստ է սիրտ իմ օրհնել և սաղմոս
ասել քեզ փառօք իմովք :



2 Չարթիք փառք իմ, զարթիք սաղմոսիւք և օրհնութեամբ, և ևս զարթեայց առաւօտուց :

3 Խոստովան եղեց թեզ 'ի ժողովուրդս տէր, և սաղմոս ասացից թեզ յազննս :

4 Մեծ եղև մինչև յերկինս ողորմութիւն քո, մինչև 'յամպս ճշմարտութիւն քո :

5 Ըարձրեալ ևս դու յերկինս աստուած, և յամենայն երկրի են փառք քո :

6 Որպէս փրկեցան սիրելիք քո. կեցո աջով քով և յուր մեզ :

7 Աստուած խօսեցաւ 'ի սրբութենէ իւրմէ. բարձր եղեց՝ բաժանեցայց դսիւքէմ, և զհովիտան յարկաց չափեցից :

8 Իմ է զազաաղ և իմ է մանասէ. եփրեմ հզօրիչ զլսոյ իմոյ :

9 Յուզայ թագաւոր իմ. մովար աւաղան 'յուսոյ իմոյ :

10 Յեզովմէ ուղղեցից զգնացս իմ. և ինձ այլեղիք հնազանդ եղևն :

11 Ո՞ տարցէ զես 'ի քաղաք ամուր, կամ ո՞ առաջնորդեցէ ինձ մինչև յեզովմէ :

12 Թե՛ ոչ դու աստուած, որ մերժեցեր զմեզ. և ոչ ելեր աստուած ընդ զօրս մեր :

13 Տուր մեզ օգնութիւն 'ի նեղութեան , զի սուտ է փրկութիւն մարդոյ :

14 Աստուծով արասցուք զօրութիւն .
և նա յամօթ արասցէ զթշնամիս մեր :

Տունք 14 :

ՄԱՂՄՈՍ ԱՐ

Ի խորամ . սողնոս 'ի դաւիթ :

1 Աստուած օրհնութեան իմոյ մի՛ լռուեր , զի բերան մեղաւորի՝ բերան նենգաւորի բացաւ 'ի վերայ իմ :

2 Խօսեցան զինէն լեզուաւ նենգաւորաւ , և բանիւ ատելութեամբ պաշարեցին զես :

3 Մարտեան ընդ իս 'ի տարապարտուց . փոխանակ սիրոյ իմոյ մատնէին զես , այլ ես յաղօթս կայի :

4 Հատուցին ինձ չար փոխանակ ընդ բարոյ , ատելութիւն փոխանակ սիրոյ իմոյ :

5 Կացո 'ի վերայ նորա մեղաւոր . սատանայ կացցէ ընդ աջմէ նորա :

6 Ի դատաստանէ իւրմէ ելցէ դատապարտեալ , և աղօթք նորա 'ի մեղս դարձցին :

7 Եղեցին աւուրք նորա նուազ , և զայցելութիւն նորա զայն այլ տարցի :

8 Եղեցին որդիք նորա որբ , և կին նորա այրիսահեսցին փոփոխեսցին . որդիք

Նորա մուրողք եղեցին , և ելցեն 'ի բնակութենէ իւրեանց :

9 Քննեսցէ փոխատու զամենայն ինչս նորա . յափշտակեսցեն օտարք զվատակս նորա :

10 Մի գտցի օգնական նմա . և մի՛ ոք ողորմեսցի 'ի վերայ՝ որբոց նորա :

11 Եղեցին որդիք նորա 'ի սատակումքն , և յազգէ ջնջեսցի անուն նորա :

12 Յիշեսցին մեղք հօր նորա առաջի տեառն . և մեղք մօր նորա մի՛ ջնջեսցին , և եղեցին առաջի տեառն յամենայն ժամ :

13 Սատակեսցի յերկրէ յիշատակ նորա , փոխանակ զի ոչ յիշեաց առնել զողորմութիւն :

14 Հալածեաց զայր աղքատ և զտընանկ . սպանանել զայն , որ խոնարհ է սրտիւ :

15 Սիրեաց զանէծս՝ և ելցէ նմա . ոչ կամեցաւ զօրհնութիւն , հեռի եղեցի 'ի նմանէ :

16 Օգեցաւ զանէծս որպէս հանդերձ . մտցէ որպէս ջուր 'ի փոր նորա . որպէս ձէթ ընդ ոսկերս նորա :

17 Եղեցի նմա որպէս հանդերձ՝ զի ազանի , որպէս գօտի՝ որ ածի հանապազ ընդ մէջ :

18 Այս գործ է այնոցիկ , որ չարախօս

կային զինէն առ տէր , և ոչք խօսէին չար զանձնէ իմմէ :

19 Այլ դու տէր տէր՝ արա ընդ իս ըստ անուան քում , զի քաղցր է ողորմութիւն քո . և փրկեա զիս , զի աղքատ և տնանկ եմ ես :

20 Սիրտ իմ խռովեցաւ ՚ի փորի իմում . և ես որպէս ստուեր ՚ի խուսափել իմում պակասեցայ , և թօթափեցայ որպէս մարախ :

21 Ծուռնկք իմ տկարացան ՚ի պահոց , և մարմին իմ այլագունեաց յիւղոյ :

22 Եղէ ես նախատ նոցա . տեսին զիս՝ և շարժեցին զգլուխս իւրեանց :

23 Օգնեա ինձ տէր աստուած իմ , և փրկեա զիս ըստ ողորմութեան քում :

24 Ծանիցեն զի ձեռն քո այս է , և դու տէր արարեր զայս :

25 Նոքա անիծանիցեն , և դու օրհնեսցես . ոչք յարուցեալ են ՚ի վերայ իմ , ամօթ կրեսցեն . այլ ծառայ քո ուրախ եղեցի ՚ի քեզ :

26 Օգեցցին զամօթ՝ որ չարախօս կային զանձնէ իմմէ . և արկցեն որպէս կրկնոց զամօթ իւրեանց զիւրեամբք :

27 Այլ ես խոստովան եղէց առ տէր յոյժ բերանով իմով . ՚ի մէջ բազմաց օրհնեցից զքեզ :

28 Օ՛ր եկաց նա ընդ աջմէ անանկին ,
փրկել զես յայնցանէ՛ , ոյք հալած են զան-
ձրն իմ :

Յու՛նք 28 :

ՍԵՂՄՈՍ ՆՊ

Ի խորորմ : սողնա՛ ՚ի գաւիթ :

1 Եսաց տէր ցաւէր իմ , նիստ ընդ
աջմէ իմմէ , մինչեւ եղից զԹ շնամիս քո
պատուանդան ոտից քոց :

2 Գաւազան զօրութեան առւերեցէ
քեզ տէր ՚ի սիոնիսէ , և տիրեցես դու ՚ի
մէջ Թ շնամեաց քոց :

3 Ընդ քեզ է ինձ սկիզբն աւուրց զօ-
րութեան . ՚ի վայելչութիւն սրբոց քոց
յարգանդէ յառաջ քան զարուսեակ ծը-
նայ զքեզ :

4 Արդուաւ տէր և ոչ ևս զզջացի , Թէ
դու ևս քահանայ յաւիտեան ըստ կար-
գին մելքիսեղեկի , և տէր ընդ աջմէ
քումմէ :

5 Խորտակեցէ յաուր բարկութեան
զԹ ազանորս , դատի զհեթանոսս , և
բազում առնէ՛ զհարուածս , և խորտա-
կեցէ զզլուխս բազմաց յերկրի :

6 Օռզես ՚ի ճանապարհի արբուցէ .
վասն այսորիկ և բարձր արացէ զըզ-
լուխս :

ՄԱՂՄՈՍ ՆՃ

ԵՆԵԼԻՄ :

1 Խոստովան եղէց քեզ տէր բոլորով սրտիւ իմով , 'ի խորհուրդս ուղղոց 'ի ժողովուրդս մեծ, են գործք տեառն , և քննեալ են յամենայնի կամք նորա :

2 Խոստովանութիւն և վայելչութիւն են գործք նորա . արդարութիւն նորա մնայ յաւիտեանս յաւիտենից :

3 Յիշատակ արար սքանչելեաց իւրոց ուղղոց . ողորմած գթած է տէր , կերակուր տայ երկիւղածաց իւրոց :

4 Յիշեաց յաւիտենից զուխտ իւր . զզօրութիւն գործոց իւրոց պատուիրեաց ժողովրդեան իւրում :

5 Տալ նոցա ժառանգութիւն հեթանոսաց . և գործք ձեռաց նորա արդարութիւն և իրաւունք են :

6 Հաւատարիմ են յամենայնի պատուիրանք նորա . հաստատեալ են յաւիտեանս յաւիտենից . արարեալ են ճշմարտութեամբ և ուղղութեամբ :

7 Փրկութիւն առաքեաց տէր ժողովրդեան իւրում . պատուիրեաց յաւիտենից զուխտ իւր . սուրբ և ահեղ է անուն նորա :

8 Սկիզբն զգծնութեան երկիւղ տեառն .

խմաստութիւն բարի ամենեցուն՝ որ առնեն զնա . և օրհնութիւն նորա մնայ յաւիտեանս յաւիտենից :

Յունք 8 :

ՍՄԳՄՈՍ ՆԺԸ

Բեւեալսն . 'ի վերայ ազաշարաւեցոց անգիւյ և զտարեայ :

1 Արանեալ է այր՝ որ երկնչի 'ի տեառնէ , զպատուիրանս նորա նա կամի յոյժ :

2 Հզօր եղեցի յերկրի զաւակ նորա , և ազգ ուղղոց օրհնեացի :

3 Փառք և մեծութիւն են 'ի տան նորա . արդարութիւն նորա մնայ յաւիտեանս յաւիտենից :

4 Օճազեաց 'ի խաւարի լոյս ուղղոց . ողորմած զթած և արդար է տէր :

5 Բազցր այր ողորմի և տայ փոխ . յօրինէ զբան իւր 'ի դատաստանի , զի յաւիտեանս նա մի՛ սասանեացի :

6 Յիշատակ յաւիտենից եղեցի արդարն : 'ի համբաւէ չարէ նա մի՛ երկիցէ :

7 Պանորաս է սիրտ նորա յուսալ առաստուած :

8 Հաստատեալ է սիրտ նորա . և նա մի՛ երկիցէ մինչև տեցէ 'ի թշնամիս իւր :

9 Սփռեաց՝ և ետ ազբատաց . արդարութիւն նորա մնայ յաւիտեանս յաւի-

տենից , և եղջիւր նորա բարձր եղեցի
փառք :

10 Մեղաւորն տեսցէ , և բարկացի .
զատամունս իւր կրճտեսցէ , և հալեսցի .
և ցանկութիւն մեղաւորաց կորիցէ :

Յունք 10 :

ՍԱԳՄՈՍ ՆՃԳ

Եկե-իս :

1 Օրհնեցէք մանկունք զտէր , և օրհ-
նեցէք զանուն տեառն :

2 Եղեցի անուն տեառն օրհնեալ յայսմ
հետ մինչև յաւիտեան :

3 Յարեւելից մինչև 'ի մուտս արևու
օրհնեալ է անուն տեառն :

4 Բարձր է 'ի վերայ ամենայն ազգաց
տէր , և յերկինս են փառք նորա :

5 Ո՞վ է որպէս տէր աստուած մեր 'ի
բարձունս բնակեալ , և զխոնարհս տե-
սանէ յերկինս և յերկրի :

6 Յարուցանէ զազքատս յերկրէ , և
բարձր առնէ զտառապեալս յազբեաց :

7 Աստուցանէ զնոսա իշխանս ընդ իշ-
խանս ժողովրդեան իւրոյ :

8 Բնակեցուցանէ զամուլն 'ի տան ու-
րախամիտ որպէս մայր որդւոց բերկրեալ :

Յունք 8 :

ՍԱԳՄՈՍ ՆՃԳ

Եկե-իս :

1 Յերաննին իսրայելի յեզիպտոսէ .
տաննն յակովբայ 'ի ժողովրդենէ այլազ-
գեաց :

2 Աղև հրէաստան սրբութիւն նորա ,
և իսրայել իշխանութիւն նորա :

3 Օտով ետես և փախեաւ , և յորդա-
նան անդրէն դարձաւ :

4 Աերինք ցնծացին որպէս խոյք , և
բլուրք որպէս գառինք մաքեաց :

5 Օջի է քեզ ծով . դո՞ տեսեր և փա-
խեար . կամ դու յորդանանն՝ զի՞ դարձար
անդրէն :

6 Աերինք՝ ցնծացէք որպէս խոյք , և
բլուրք որպէս գառինք մաքեաց :

7 Յերեսաց տեսուն սասանեցաւ եր-
կիր , յերեսաց աստուծոյ յակովբայ :

8 Ո դարձոյց զվէմն 'ի վտակս ջուրց ,
և դապառաժն յաղբերակունս :

9 Մի մեզ տէր՝ մի մեզ , այլ անուան
քում տնւր զփառս վասն ողորմութեան
և ճշմարտութեան քոյ :

10 Մի՛ երբէք ասացեն 'ի հեթանոսս ,
թէ ո՞ր է աստուած նոցա :

11 Աստուած մեր յերկինս և յերկրի ,
զամենայն զոր ինչ կամեցաւ և արար :

12 Կուռք հեթանոսաց ոսկի և ար-
ծաթ են , ձեռագործ են որդւոց մարդ-
կան :

13 Բերան ունին , և ոչ խօսին . աչս ունին , և ոչ տեսանեն :

14 Եկանջս ունին և ոչ լսեն . ունչս ունին , և ոչ հոտոտին :

15 Ձեռս ունին , և ոչ շօշափեն . ոտս ունին , և ոչ գնան . և ոչ գոյ բարբառ 'ի կոկորդս նոցա :

16 Նման նոցա եղեցին՝ ոյք արարին զնոսա , ամենեքեան որ յուսացեալ են 'ի նոսա :

17 Տուն իսրայելի յուսացաւ 'ի տէր . օգնական ընդունելի է նոցա :

18 Տուն ահարոնի յուսացաւ 'ի տէր . օգնական ընկերելի է նոցա :

19 Երկիւղածք տեառն յուսացան 'ի տէր , օգնական և փրկիչ է նոցա :

20 Յիշեաց զմեզ տէր և օրհնեաց զմեզ . օրհնեաց տէր զտունն իսրայելի . օրհնեաց տէր զտունն ահարոնի :

21 Օրհնեաց տէր զերկիւղածս իւր , զփոքրկունս և զմեծամեծս :

22 Յաւելցէ 'ի ձեզ տէր , 'ի ձեզ և յորդիս ձեր :

23 Օրհնեալ էք դուք 'ի տեառնէ , որ արար զերկինս և զերկիր :

24 Երկինք երկնից տեառն են . և զերկիրս ետ որդւոց մարդկան :

25 Ոչ թէ մեռեալք օրհնեսցեն զքեզ ,

և ոչ ամենեքեան՝ որ իջանեն ՚ի դժ-
ժոխս :

26 Այլ կենդանիքս օրհնեսցուք զտէր
յայսմ հետէ մինչև յաւիտեան :

Տունք 26 : Գորդայս 52 :

ՍԱՂՄՈՍ ՆՃԻԴ

ԱԵՆԻՄ :

1 Սիրեցի զի լուիցէ տէր զձայն աղօ-
թից իմոց . խոնարհեցոյց զունկն իւր
առ իս , և ես յաւուրս իմ կարդացի
առ նա :

2 Շքեցան զինև երկունք մահու , և
վիշտք դժոխոց գտին զիս :

3 Օնեղութիւն և զանձկութիւն գտի ,
և զանուն տեառն կարդացի :

4 Ո՛ տէր՝ փրկեա զանձն իմ . ողորմած
և արդար է տէր աստուած մեր . ողորմի
և պահէ զտղայս տէր :

5 Ես խոնարհ եղէ՝ և տէր կեցոյց զիս .
դարձ անձն իմ՝ ՚ի հանգիստ քո , զի տէր
օգնեաց քեզ :

6 Փրկեաց զանձն իմ ՚ի մահուանէ ,
զաչս իմ յարտասուաց , և զոտս իմ ՚ի
գայթազղութենէ . հաճոյ եղէց առաջի
տեառն յերկրին կենդանեաց :

Տունք 6 :

ՍԱՂՄՈՍ ՆՃԻԵ

ԱԵՆԻՄ :

1 Հաւատացի զոր և խօսեցայ , և ես խոնարհ եղէ յոյժ :

2 Ես ասացի 'ի զարմանալ իմում , թէ ամենայն մարդ սուտ է :

3 Չի՞նչ տաց տրիտուր տեառն ընդ ամենայնի՞ զոր և ետ ինձ :

4 Բաժակ փրկութեան ընկալայց , և զանուն տեառն կարգացից :

5 Չաղօթս իմ տեառն տաց առաջի ամենայն ժողովրդեան նորա :

6 Պատուական է առաջի տեառն մահ սրբոց իւրոց . ո՞ տէր ես ծառայ քո եմ , ծառայ և որդի աղախնոյ քո :

7 Հատեր զկապանս իմ . քեզ մատուցից պատարագ օրհնութեան , և զանուն տեառն կարգացից .

8 Չաղօթս իմ տեառն տաց առաջի ամենայն ժողովրդեան նորա , 'ի զաւիթս տան տեառն , և 'ի մէջ քո երուսաղէմ :

Տունք 8 :

ՄԱՂՄՈՍ ԱԺ.Չ

Եկե-իս :

1 Օրհնեցէք զտէր ամենայն ազինք . գովեցէք զնա ամենայն ժողովուրդք :

2 Չօրասցի ողորմութիւն նորա 'ի վերայ մեր . ճշմարտութիւն տեառն մնասցէ յաւիտեան :

Տունք 2 :

ՍԱՂՄՈՍ ՆԺԷ

ԵԼԵԻԻ :

1 Խոստովան եղերուք տեառն , զի բարի է , զի յաւիտեան է ողորմութիւն նորա :

2 Եսասցէ տուն իսրայելի՝ զի բարի է . զի յաւիտեան է ողորմութիւն նորա :

3 Եսասցէ տուն ահարոնի՝ զի յաւիտեան է ողորմութիւն նորա :

4 Եսասցեն երկիւղածք տեառն՝ զի բարի է , զի յաւիտեան է ողորմութիւն նորա :

5 Ի նեղութեան կարգացի առ տէր , և լուաւ ինձ յանդորր :

6 Տէր է իմ օգնական , և ես ոչ երկեայց , զի՞ արասցէ ինձ մարդ :

7 Տէր է իմ օգնական , և ես տեսից 'ի թշնամիս իմ :

8 Բարի է յուսալ 'ի տէր՝ քան յուսալ 'ի մարդիկ . բարի է յուսալ 'ի տէր՝ քան յուսալ յիշխանս :

9 Եմենայն ազինք շրջեցան զինև , և անուամբ տեառն յաղթեցի նոցա :

10 Շրջելով շրջեցան զինև , պաշարեցին զես 'ի միասին . և անուամբ տեառն վանեցի զնոսա :

11 Շուրջ եղեն զինև որպէս մեղուք ,

վառեցան բորբոքեցան որպէս փուշք 'ի
հուր . և անուամբ տեառն մերժեցի զնո-
սա :

12 Ի մերժելն զբղուեցայ , և եղի
մերձ 'ի գլորել : և տէր ընկալաւ զիս :

13 Օգորութիւն իմ և օգնութիւն իմ
տէր , և եղև ինձ 'ի փրկութիւն :

14 Չայն ցնծութեան փրկութեան 'ի
յարկս արդարոց :

15 Աջ տեառն արար զօրութիւն , աջ
տեառն բարձր արար զիս , և աջ տեառն
արար զօրութիւն :

16 Ոչ մեռայց , այլ կեցից և պատմե-
ցից զգործս տեառն :

17 Խրատելով խրատեաց զիս տէր , և
'ի մահ ոչ մատնեաց :

18 Բացէք ինձ զգրունս արդարու-
թեան , զի մտից ընդ այն , և խոստո-
վան եղէց տեառն :

19 Այս դուռն տեառն է , և արդարք
մտանեն ընդ սա :

20 Խոստովան եղէց քեզ տէր , զի
լուար ինձ , և եղեր 'ինձ 'ի փրկու-
թիւն :

21 Ա էմն զոր անարգեցին շինողքն ,
'նա եղև զլուխ անկեան :

22 Ի տեառնէ եղև այս , և է սքանչելի
առաջի աչաց մերոց :

23 Եւ յս օր է զոր արար տէր . եկայք
ցընծասցուք և ուրախ եղիցուք 'ի
սմա :

24 Ո՛ տէր փրկեա , ո՛ տէր առաջնոր-
դեա . օրհնեալ որ գալոցդ ես յանուն
տեառն , և օրհնեցաք զքեզ 'ի տանէ
տեառն :

25 Տէր աստուած մեր երևեցաւ մեզ .
արարէք տօնս ուրախութեան կանխաւ ,
մինչև յանկիւնս սեղանոյ :

26 Եստուած իմ ես դու՛ խոստովան
եղէց քեզ . աստուած իմ ես դու՛ և
բարձր արարից զքեզ :

27 Խոստովան եղէց քեզ տէր՝ զի լուար
ինձ , և եղեր ինձ 'ի փրկութիւն :

28 Խոստովան եղերուք տեառն զի
բարի է , զի յաւիտեան է ողորմութիւն
նորա :

Տունք 28 : Գորղայս 44 :

ՄԱՂՄՈՍ ԱԺԸ

Եկեա՛ւ :

1 Երանեալ են անբիձք 'ի ճանապարհի ,
և ոյք գնան յօրէնս տեառն :

2 Երանի ոյք քննեն զվկայութիւն նո-
րա , բոլորով սրտիւ իւրեանց խնդրեսցեն
զնա :

3 Աչ թէ ոյք գործեն զանօրէնութիւն ,
'ի ճանապարհս նորա գնասցեն :

4 Դու պատուիրեցեր զպատուիրանսս քո՝ ՚ի պահել ինձ յոյժ :

5 Երանի թէ յաջողեալ էին ինձ ճանապարհք իմ՝ ՚ի պահել ինձ զարդարութիւնս քո :

6 Յայնժամ ես ոչ ամաչէի ՚ի զգուշանայ ինձ ՚ի պատուիրանսս քո :

7 Խոստովան եղէց քեզ տէր յուզղութիւն սրտի իմոյ . որպէս ուսայց զերաւունս արդարութեան քո :

8 Օխրաւունս քո պահեցի , մի՛ թողուր զես մինչ իսպառ :

9 Ի՞նչ ուզղեսցէ երիտասարդ զճանապարհս իւր , այլ ՚ի պահել զբանս քո :

10 Բողորով սրտիւ իմով խնդրեցի զքեզ , մի՛ մերժեր զես ՚ի պատուիրանաց քոց :

11 Ի սրտի իմում թագուցի զբանս քո , որպէս զի մի՛ մեղայց քեզ :

12 Օրհնեալ ես դու տէր , ուսո՞ ինձ զարդարութիւնս քո :

13 Եթ՛ամբք իմովք պատմեցից զամենայն իրաւունս բերանոյ քո :

14 Ի ճանապարհս վկայութեանց քոց դուարճացայ , որպէս յամենայն ՚ի մեծութեան :

15 Ի պատուիրանս քո հոգացայ , և զգուշացայ ՚ի ճանապարհս քո :

16 Օխրաւունս քո խօսեցայ , և ոչ մոռացայ զբանս քո :

17 Հատո ծառայի քում , և կեցից և պահեցից զբանս քո :

18 Օարթո զաչս իմ , և նայեցայց 'ի սքանչելիս օրինաց քոց :

19 Պանդուխտ եմ ես յերկրի , մի' թագուցաներ յինէն զպատուիրանս քո :

20 Փափագեաց անձն իմ 'ի ցանկալ ինձ յիրաւունս քո յամենայն ժամ :

21 Սաստեցեր ամբարտաւանից . անիծեալ՝ ոյք խոտորեցան 'ի պատուիրանաց քոց :

22 Ի բաց արա յինէն զնախատինս և զարհամարհանս , զի զվկայութիւնս քո խնդրեցի :

23 Քանզի նստան իշխանք և չարախօսէին զինէն . այլ ծառայ քո խորհէր յիրաւունս քո :

24 Օի վկայութիւնք քո խօսք իմ էին ; և խորհուրդք իմ արդարութիւն քո :

25 Մերձեցաւ անձն իմ 'ի հող , տէր կեցո զիս ըստ բանի քում :

26 Օճանապարհս իմ պատմեցի քեզ և լուար ինձ , ուսո ինձ զարդարութիւնս քո :

27 Ի ճպնապարհս արդարութեանց

քոց իմաստունն արա զիս , և քննեցից
զսքանչելիս քո :

28 Տքնեցաւ անձն իմ առ 'ի ձանձ-
րանալ . հաստատեա զիս 'ի բանս քո :

29 Օճանապարհս մեղաց 'ի բաց արա
յինէն , և յօրէնս քո ողորմեա ինձ :

30 Օճանապարհս ճշմարտութեան
քո ընտրեցի , և զերաւունս քո ես ոչ
մոռացայ :

31 Մերձեցայ ես 'ի վկայութիւնս քո ,
տէր մի՛ յամօթ առներ զիս :

32 Ի ճանապարհս պատուիրանաց
քոց ընթացայ , զի անդորր արարեր
սրտի իմոյ :

33 Օրէնսգէտ արա զիս տէր 'ի ճա-
նապարհս իրաւանց քոց , և խնդրեցից
զնա յամենայն ժամ :

34 Իմաստունն արա զիս . և քննեցից
զօրէնս քո , և պահեցից զնա բոբորով
սրտիւ իմով :

35 Եռաջնորդեա ինձ 'ի շաւիղս՝ պա-
տուիրանաց քոց , զի ընդ նոսա՝ հաճե-
ցայ :

36 Խոնարհեցո զսիրտ իմ 'ի վկայու-
թիւնս քո , և մի՛ յազահուութիւն :

37 Գարձո զաչս իմ , զի մի՛ տեսից
զնանրութիւն . 'ի ճանապարհս քո կեցո
զիս :

38 Հաստատեա ծառայի քում զբան
քո յերկիւղ քո :

39 Հան յինէն զնախատինս , զոր և
կարծեցի . զի դատաստանք քո քաղցր
են :

40 Ահա ցանկացայ պատուիրանաց
քոց . յարդարութեան քում կեցո զես :

41 Եկեցէ 'ի վերայ իմ ողորմութիւն
քո տէր , և փրկութիւն քո ըստ բանի
քում :

42 Տաց պատասխանի ոյք նախատեն
զես բասիւք . զի ես 'ի բանս քո յուսա-
ցայ :

43 Մի' 'ի բացէ առներ 'ի բերանոյ
իմմէ զբան ճշմարտութեան մինչև
յոյժ , զի յիջաւունս քո յուսացայ :

44 Պահեցի զօրէնս քո յամենայն
ժամ , յաւիտեան և յաւիտեանս յաւի-
տենից :

45 Գնայի ես յանդորրու , զի զպա-
տուիրանս քո խնդրեցի :

46 Խօսէի զվկայութիւնս քո առաջի
թագաւորաց , և ոչ ամաչէի :

47 Խորհէի 'ի պատուիրանս քո , զոր
սիրեցի :

48 Համբարձի զձեռս իմ 'ի պատու-
իրանս քո զոր սիրեցի , և խորհէի յար-
դարութեան քում :

49 Յիշեա զբան ծառայի քո , յոր և յուսացուցեր զիս :

50 Սա մխիթարեսցէ զիս 'ի խոնարհութեան իմում . զի բան քո կեցոյց զիս :

51 Եմբարտաւանք անիրաւեցան յիս յոյժ . այլ յօրինաց քոց ես ոչ խոտորեցայ :

52 Յիշեցի զերաւունս քո յաւիտենից տէր , և մխիթարեցայ :

53 Տրամութիւն կալաւ զիս 'ի մեղաւորաց , և ոչք թողին զօրէնս քո :

54 Գովելի են ինձ իրաւունք քո 'ի տեղոջ պանդխտութեան իմոյ :

55 Յիշեցի 'ի գիշերի զանուն քո տէր , և պահեցի զօրէնս քո :

56 Սա եղև ինձ ճանապարհ 'ի կեանս , զի զարդարութիւնս քո խնդրեցի :

Տունք 56 :

57 Բաժին իմ ես դու տէր , ասացի պահել ինձ զօրէնս քո :

58 Եղաչեցի զերեսս քո՝ բոլորով սրտիւ իմով . ողորմեա ինձ ըստ բանի քում :

59 Խորհեցայ 'ի ճանապարհս իմ , և դարձուցի զոտս իմ 'ի վկայութիւնս քո :

60 Պատրաստեցայ և ոչ խռովեցայ , զի պահեցի զպատուիրանս քո :

61 Տոռունք մեղաց պատեցան զինև .
այլ զօրէնս քո ես ոչ մոռացայ :

62 Ի մէջ գիշերի յառնէի խոստովան
լինել առ քեզ վասն իրաւանց և արդա-
րութեան քո :

63 Հաղորդ էի ես ամենայն երկիւղա-
ծաց քոց , որոց սրահեալ է զպատուի-
րանս քո :

64 Ողորմութեամբ տեսուն լի եղև եր-
կիր . զարդարութիւնս քո ուսո ինձ :

65 Քաղցրութիւն արարեր ընդ ծա-
ռայի քում տէր ըստ բանի քում :

66 Քաղցրութիւն , զխրատ և զգի-
տութիւն ուսո ինձ , զի ՚ի պատուիրանս
քո ես հաւատացի :

67 Մինչև խոնարհեալ էի ես՝ մեղայ .
վասն այսորիկ զբանս քո պահեցի յոյժ :

68 Քաղցր ես դու տէր , և քաղցրու-
թեամբ քով ուսո ինձ զարդարութիւնս
քո :

69 Բազմապան յիս անիրաւութիւնք
ամբարտաւանից . այլ ես բոլորով սրտիւ
իմով քննեցի զպատուիրանս քո :

70 Մածեաւ որպէս կաթն սիրտք նո-
ցա . այլ ես զօրէնս քո խօսեցայ :

71 Բարի է ինձ զի խոնարհ արարեր
զիս , որպէս ուսայց զարդարութիւնս
քո :

83 Եղէ ես որպէս տիկ 'ի պարզի , զի զարդարութիւնս քո ես ոչ մոռացայ :

84 Քանի՞ ինչ են աւուրք ծառայի քո . երբ արասցես ինձ իրաւունս 'ի հալածչաց իմոց :

85 Պատմեցին ինձ . անօրէնք զխորհուրդս , այլ ոչ որպէս զօրէնս քո :

86 Եմենայն պատուիրանք քո ճշմարիտ են . 'ի սանիր հալածեցին զես , օգնեա ինձ :

87 Փոքր մի ևս և կորուսանէին զես յերկրի . այլ ես ոչ թողի զպատուիրանս քո :

88 Ըստ ողորմութեան քում կեցո զես , և պահեցից զվկայութիւնս բերանոյ քո :

89 Յաւիտեան տէր բան քո կայ յերկինս , ազգէ մինչև յազգ է ճշմարտութիւն քո :

90 Հաստատեցեր զերկիր՝ և կայ :

91 Հրամանի քում մնայ տիւ , զի ամենայն ծառայ քո է :

92 Եթէ ոչ օրէնք քո խօսք իմ էին , կանխաւ ևս արդեօք կորուսեալ էի 'ի խոնարհութեան իմում :

93 Յաւիտեան ոչ մոռացայց զարդարութիւնս քո , զի նոքօք կեցուցեր զես .

94 Քո եմ ես և կեցո զես , զի զարդարութիւնս քո խնդրեցի :

95 Ինձ սպասեցին մեղաւորք 'ի կորուսանել, զի զվկայութիւնս քո ես 'ի միտառի :

96 Յամենայն կատարածի տեսի զըվախճան . յոյժ անդորր էին ինձ պատուիրանք քո :

97 Որպէս սիրեցի՞ զօրէնս քո, զօրհանապազ խօսք իմ էին :

98 Քան զթշնամիս իմ իմաստուն արարեր զիս 'ի պատուիրանս քո, զի յաւիտեան իմ էին :

99 Քան զամենայն ուսուցիչս իմ իմաստուն եղէ, զի վկայութիւնք քո խօսք իմ էին :

100 Քան զծերս իմաստուն եղէ, զի զպատուիրանս քո քննեցի :

101 Յամենայն ճանապարհաց չարաց արգելի զոտս իմ, որպէս զի պահեցից զբանս քո :

102 Յիրաւանց քոց ես ոչ խտտորեցայ, զի դու օրէնսդէտ արարեր զիս :

103 Որպէս զի քաղցր են 'ի քիմս իմ բանք քո՝ քան զմեղո բերանոյ իմոյ :

104 Ի պատուիրանաց քոց իմացեալ ատեցի զամենայն ճանապարհս չարաց, զի դու օրէնսդէտ արարեր զիս :

105 Արագ է բան քո ոտից իմոց, և լոյս տայ շաւղաց իմոց :

106 Երդուայ և հաստատեցի , զի պահեցից զամենայն իրաւունս արդարութեան քո :

107 Խոնարհ եղէ մինչև յոյժ . տէր կեցո՞ զիս ըստ բանի քում :

108 Ընդ կամս բերանոյ իմոյ հաճեա տէր , և զիրաւունս քո ուսո ինձ :

109 Ենձն իմ 'ի ձեռս քո-յամենայն ժամ , և զօրէնս քո ես ոչ մոռացայ :

110 Եղին ինձ մեղաւորք որոգայթ . 'ի պատուիրանաց քոց ես ոչ մոլորեցայ :

111 Ժառանգեցի զվկայութիւնս քո յաւիտեան , զի ցնծութիւն է սրտի իմոյ :

112 Խոնարհեցուցի զսիրտ իմ առնել զարդարութիւնս քո յաւիտեան վասն հատուցման :

113 Օանօրէնս ատեցի , և զօրէնս քո սիրեցի :

114 Օգնական և փրկիչ իմ ես դու , և ես 'ի բանս քո յուսացայ :

115 'Ի բաց եղերուք յինէն չարք , և քննեցից զպատուիրանս աստուծոյ իմոյ :

116 Օգնեա ինձ ըստ բանի քում և կեցո զիս , և մի՛ յամօթ առներ զիս 'ի յուսոյ իմմէ :

117 Օգնեա ինձ և ապրեցո զիս , և խորհեցայց յիրաւունս քո յամենայն ժամ :

118 Ենարգեցեր զամենեսեան՝ որ ապրատամբ եղեն յարդարութեանց քոց . զի անիրաւութեամբ էին խորհուրդք նոցա :

119 Յանցաւորս համարեցայ զամենայն մեղաւորս երկրի . վասն այսորիկ սիրեցի զպատուիրանս քո :

120 Բևեռեա ընդ երկիւղ քո զմարմին իմ, զի 'ի դատաստանաց քոց երկեայց յոյժ :

Տունք 64 :

121 Երարի իրաւունս և արդարութիւն . մի՛ մատներ զես 'ի ձեռս նեղչաց իմոց :

122 Բնկալ զծառայս քո 'ի բարի , զի մի՛ ամբարտաւանք զզուեսցեն զես :

123 Սպասեցին աչք իմ փրկութեան քում տէր , և բանից արդարութեան քո :

124 Երա ընդ ծառայի քում տէր ըստ ողորմութեան քում . զարդարութիւնս քո ուսո ինձ :

125 Ծառայ քո եմ էս , իմաստուն արա զես և ծանեայց զվկայութիւնս քո :

126 Ժամ է պաշտել զտէր . խաւիանեցին զօրէնս քո :

127 Վասն այսորիկ սիրեցի զպատուիրանս քո քան զամենայն ոսկի և զտպագիծն :

128 Եմենայն պատուիրանք քո յաջողեցան ինձ , զի ատեցի ես զճանապարհս չարաց :

129 Աքանչելի են վկայութիւնք քո , վասն այսորիկ սիրեաց զնոսա անձն իմ :

130 Յայտնութիւն բանից քոց լուսաւոր և իմաստուն առնէ զտղայս :

131 Օբերան իմ բացի , և առի զհողի . 'ի պատուիրանս քո փափագեաց անձն իմ :

132 Նայեա առ իս և ողորմեա ինձ ըստ իրաւունս սիրողաց անուան քո :

133 Օճանապարհս իմ ուղիղ արա ինձ ըստ բանի քում , և մի' տիրեսցեն ինձ ամենայն մեղք :

134 Փրկեա զիս 'ի զրպարտութենէ մարդկան , և պահեցից զպատուիրանս քո :

135 Երևեցո զերեսս քո 'ի ծառայս քո , և ուսո ինձ զարդարութիւնս քո :

136 Ատակք ջուրց իջին յաչաց իմոց , զի ոչ պահեցին զօրէնս քո :

137 Երդար ես դու տէր , և ուղիղ են գատաստանք քո :

138 Պատուիրեցեր զարդարութիւն վկայութեանց քոց , և ճմարիտ են յոյժ :

139 Մաշեաց զիս նախանձ քո , զի մոռացան զբանս քո թշնամիք իմ :

140 Ընտրեալ է բան քո յոյժ , և ծառայ քո սիրեաց զսա :

141 Մանուկ եմ ես և արհամարհեալ , և զարդարութիւնս քո ես ոչ մոռացայ :

142 Երդարութիւն քո արդարութիւն յաւիտենից , և օրէնք քո ճշմարիտ են :

143 Նեղութիւն և վիշտք զտին զիս , և պատուիրանք քո խօսք իմ էին :

144 Երդարութեամբ են վկայութիւնք քո յաւիտեան . իմաստունն արա և կեցո զիս :

145 Արդացի առ քեզ բոլորով սրտիւ իմով . լուր ինձ տէր , զի զարդարութիւնս քո խնդրեցի :

146 Եղաղակեցի առ քեզ և փրկեա զիս , և պահեցից զվկայութիւնս քո :

147 Անխտեցի տարածամու , աղաղակեցի , և ես 'ի բանս քո յուսացայ :

148 Անխտեցին աչք իմ առաւօտու 'ի խօսել ինձ զբանս քո :

149 Չայնի իմում լուր տէր ըստ ողորմութեան քում . տէր յիրաւունս քո կեցո զիս :

150 Մերձեցուցին յիս հալածիչք իմ զանօրէնութիւն , զի յօրինաց քոց հեռի եղեն :

151 Մերձ ես դու տէր , և ամենայն պատուիրանք քո ճշմարիտ են :

152 Իսկզբանէ ծանեայ 'ի վկայութեանց քոց , զի յաւիտեան հաստատեցեր զնոսա :

153 Տես զխոնարհութիւն իմ և փրկեա զես , զի զօրէնս քո ես ոչ մոռացայ :

154 Դատեա զդատաստան իմ և փրկեա զես , և ըստ բանի քում կեցո զես :

155 Հեռի է 'ի մեղաւորաց փրկութիւն , զի զերաւունս քո ոչ պահեցին :

156 Գթութիւնք քո բազում են տէր , և ըստ իրաւանց քոց կեցո զես :

157 Բազում են , որ հալածեն և նեղեն զես . 'ի վկայութեանց քոց ես ոչ խոտորեցայ :

158 Հայէի յանագորոյնս և մաշէի , զի զպատուիրանս քո ոչ պահեցին :

159 Տես զի ցպատուիրանս քո սիրեցի . տէր՝ ողորմութեամբ քո կեցո զես :

160 Սկիզբն՝ բանից քոց ճշմարտութիւն է . յաւիտեան են ամենայն իրաւունք արդարութեան քո :

161 Իշխանք հալածեցին զես 'ի նանիր , և 'ի բանից քոց երկեալ սիրտ իմ :

162 Յնծացայ ես 'ի բանս քո՝ որպէս այն որ գտանէ աւար բազում :

163 Ջմեղս ատեցի և անարգեցի , և զօրէնս քո սիրեցի :

164 Եօթն անգամ յաւուր օրհնեցից զքեզ վասն իրաւանց և արդարութեան քո :

165 Խաղաղութիւն բազում է այնոցիկ որ սիրեն զօրէնս քո , և ոչ գոյ ՚ի նոսա գայթազղութիւն :

166 Սպասեցի փրկութեան քում տէր , և զպատուիրանս քո սիրեցի :

167 Պահեաց անձն իմ զվկայութիւնս քո , և սիրեաց զնոսա յոյժ :

168 Պահեցից զպատուիրանս և զվրկայութիւնս քո , զի ամենայն ճանապարհք իմ առաջի քո են :

169 Մերձեսցին խնդրուածք իմ առաջի քո տէր , ըստ բանի քում իմաստունն արա զես :

170 Մտցեն աղօթք իմ առաջի քո տէր , և բանիւ քով փրկեա զես :

171 Բղխեսցեն շթունք իմ զօրհնութիւնս քո , յորժամ յուսուցես ինձ զարդարութիւնս քո :

172 Խօսեսցի լեզու իմ զբանս քո , զի ամենայն պատուիրանք քո արդարութեամբ են :

173 Եղեցի ձեռն քո ՚ի կեցուցանել զես , զի զպատուիրանս քո ընտրեցի :

174 Յանկացայ փրկութեան քում տէր , և օրէնք քո խօսք իմ էին :

175 Աեցցէ անձն իմ , օրհնեսցէ զքեզ . և իրաւունք քո օգնեսցեն ինձ :

176 Մոլորեցայ ես որպէս զոչխար կորուսեալ . խնդրեա զծառայս քո , զի զըպատուիրանս քո ես ոչ մոռացայ :

Տունք 56 :

Կանոնս Գորդայս 7 : Սաղմոս 13 : Տունս 362 :

ՍՆԱՄՈՍ ԱԺԹ

Օրհնութիւնս Եւրթանայ :

1 Ի նեղութեան իմում ես առ տէր կարդացի , և լուաւ ինձ տէր . փրկեաց զանձն իմ 'ի շրթանց նենգաւորաց և 'ի լեզուէ չարէ :

2 Օհ տացի քեզ՝ կամ զի՞նչ յաւելցի , լեզու նենգաւոր :

3 Որպէս նետք հզօրի , զի մխեալ են կայծակամբք կաղնոյ :

4 Այ ինձ զի ընդ երկար եղև պանդըխտութիւն իմ . զի բնակեցայ ես 'ի վրանս կեղարու :

5 Բազում անգամ բնակեաց անձն իմ ընդ այնոսիկ , ոյք ատէին զողջոյն :

6 Ես էի խաղաղարար . յորժամ խօսէի , մարտընչէին ընդ իս :

Տունք 6 :

ՍՆՂՄՈՍ ԱԴ

Օրհնութիւնք Աշտիմանայ :

1 Համբարձի զաչս իմ՝ ի լերինս , ուստի եկեսցէ ինձ օգնութիւն :

2 Օգնութիւն ինձ՝ ի տեառնէ եկեսցէ , որ արար զերկինս և զերկիր :

3 Մի տար ի սասանութիւն զոտն քո , և մի՛ ննջեսցէ պահապան քո :

4 Որպէս ոչ ննջէ և ոչ ի քուն երթայ պահապան իսրայելի :

5 Տէր պահեսցէ զքեզ , և տէր ընկալցի աջով ձեռամբն իւրով :

6 Արեգակն ի տուէ քեզ մի՛ մեղիցէ , և մի՛ լուսին ի գիշերի :

7 Տէր պահեսցէ զքեզ յամենայն շաբթէ , պահեսցէ տէր զանձն քո :

8 Տէր պահեսցէ զմուտ և զել քո՝ յայսմ հետէ մինչև յաւիտեան :

Տունք 8 :

ՍՆՂՄՈՍ ԱԴԸ

Օրհնութիւնք Աշտիմանայ :

1 Ուրախ եղէ ես՝ ոչք ասէինցիս , ի տուն տեառն երթիցուք մեք :

2 Հասեալ կային ոտք մեր առ դրունս երուսաղէմ :

Օ երուսաղէմ շինեալ որպէս քա-
և բնակութիւն իւր շուրջ զնովաւ :

4 Ենդ ելին ազգ ազգ տեառն , վկայութիւն իսրայելի խոստովան լինել անուան տեառն :

5 Ենդ արկեալ էր աթոռս դատաստանի , աթոռս արկեալ 'ի տան դաւթի :

6 Հարցէք զողջունէ զերուսաղեմի , և զշնութենէ՝ ոյք սիրէք զնա :

7 Եղեցի խաղաղութիւն 'ի զօրութեան քում , և շնութիւն յաշտարակս յամուրս քո :

8 Ասան եղբարց և ընկերաց իմոց խօսեցայ զխաղաղութիւն . վասն քո և վասն տան տեառն աստուծոյ մերոյ խնդրեցաք զբարութիւն 'ի քէն :

Տունք 8 :

ՄԱՂՄՈՍ ԱՒԲ

Օրհնութիւնք Եւրթեանոց :

1 Եռ քեզ տէր համբարձի զաչս իմ , որ բնակեալդ ես յերկինս :

2 Որպէս աչք ծառայի 'ի ձեռն տեառն իւրոյ , որպէս աչք աղախնոյ 'ի ձեռն տիկնոջ՝ իւրոյ :

3 Եյնպէս են աչք մեր առ քեզ տէր աստուած մեր , մինչև ողորմեսցիս 'ի վերայ մեր :

4 Ողորմեա մեզ տէր ողորմեա մեզ , զբազում լցաք արհամարհանօք :

5 Եւս առաւել լցան անձինք մեր նա-

խատանօք , որ նախատէին զմեզ , և արհամարհանօք ամբարտաւանից :

Տունք 5 :

ՄԱՂՄՈՍ ԱՒԳ

Օրհնութիւնս Ելչիճանաց :

1 Եթէ ոչ տէր էր առ մեզ , ասասցէ իսրայէլ , եթէ ոչ տէր էր առ մեզ :

2 Ընդ յառնել մարդկան 'ի վերայ մեր , կենդանւոյն կամեցան կկանել զմեզ :

3 Ի բարկանալ սրտմտութեամբ նոցա 'ի վերայ մեր , ապա և ջուրք ուրեմն ընկըղմեցին զմեզ :

4 Ընդ ուղիս անցին անձինք մեր , անցին անձինք մեր ընդ ուղիս անդադարս :

5 Օրհնեալ է տէր , որ ոչ ետ զմեզ յորս ատամանց նոցա :

6 Ընձինք մեր ապրեցան որպէս ճընճղուկ յորոգայթէ որսողաց :

7 Որոգայթք նոցա փշրեցան , և մեք ապրեցաք :

8 Օգնութիւն է մեզ յանուանէ տեառն , որ արար զերկինս և զերկիր :

Տունք 8 :

ՄԱՂՄՈՍ ԱՒԳ

Օրհնութիւնս Ելչիճանաց :

1 Ոյուսայ 'ի տէր , որպէս լեառն սիօն , մի' սասանեսցի յաւիտեան՝ որ բնակեալն է յերուսաղէմ :

2 Արի՛նք շուրջ են զնովաւ . տէր շուրջ է զժողովօղեամբ իւրով յայսմ հետէ մինչև յաւիտեան :

3 Աչ թողու տէր զգաւազան մեղաւորաց 'ի վիճակս արդարոց . և արդարք մի՛ ձգեսցեն զձեռս իւրէանց յանօրէնութիւն :

4 Բարի առնէ տէր բարեաց , և այնոցիկ՝ ոյք ուղեղ են սրտիւք :

5 Իսկ զթիւրեալսն՝ յափշտակութեամբ , տանի զնոսա տէր ընդ այնոսիկ ոյք գործեն զանօրէնութիւն . խաղաղութիւն 'ի վերայ իսրայելի :

Տունք 5 : Գորդայս 40 :

ՍՆՂՄՈՍ ՆԻՆ

Օրհնութիւնք Եւրթեանոց :

1 Ի դարձուցանել տեառն զգերութիւն սիովնի . և եղաք մեք մխիթարեալք :

2 Յայնժամ լցան բերանք մեր խընդութեամբ , և լեզուք մեր ցնծութեամբ :

3 Յայնժամ՝ ասացեն 'ի հեթանոսս , մեծ արա տէր՝ զառնել իւր ընդ նոսա . մեծ արար տէր զառնել իւր ընդ մեզ . և մեք եղաք բերկրեալք :

4 Բարձո տէր զգերութիւնս մեր որպէս զուղիսս 'ի հարաւոյ . ոյք վարէին արտասուօք , ցնծութեամբ հնձեսցեն :

5 Երթալով երթային և լային ,
ոյք բարձեալ տանէին զսերմանս իւ-
րեանց :

6 Գալով եկեսցեն և ցնծասցեն , ոյք
առեալ բերիցեն զորայս իւրեանց :

◦ Տունք 6 :

ՄԱՂՄՈՍ ԱԴԸ

Օրհնութիւնս Ելլիճանաց :

1 Եթէ ոչ տէր շնէ զտուն , 'ի նանիր
վաստակին շնողք նորա :

2 Եթէ ոչ տէր պահէ զքաղաք , ըն-
դունայն տքնին պահապանք նորա :

3 Ի նանիր է ձեզ յառնել կանխաւ ,
արդ արիք մինչև էք ննջեցեալ , ոյք
ուտէք զհաց ցաւոց :

4 Ի ժամանակի որպէս տացի քուն
սիրելեաց իւրոց . ժառանգութիւն առն
որդիք են , որոյ վարձք իւր են , այն է
պտուղ որովայնի իւրոյ :

5 Որպէս նետք 'ի ձեռս հզօրի , այն-
պէս են և որդիքն թօթափելոց :

6 Երանի որ ելից զցանկութիւն իւր 'ի
նոցանէ . մի' ամաչեսցեն յորժամ խօ-
սեսցին թշնամիք նոցա ընդ նոսա առ
դրանն :

Տունք 6 :

ՄԱՂՄՈՍ ԱԴԷ

Օրհնութիւնս Ելլիճանաց :

1 Երանի ամենեցուն՝ ոյք երկնչին 'ի տեառնէ, և գնան 'ի Ճանապարհս նորա :

2 Օվաստակս ձեռաց քոց կերիցես . երանի է քեզ, և բարի եղիցի :

3 Աին քո որպէս այգի վայելուչ յանկիւնս տան քո . որդիք քո որպէս նորատունկ ձիթենուոյ շոբջ զսեղանով քո :

4 Եյսպէս օրհնեսցի ամենայն մարդ, որ երկնչի 'ի տեառնէ . օրհնեսցէ զքեզ տէր 'ի սիովսէ :

5 Եւ տեսցես դու զբարութիւն յերուսաղէմ զամենայն աւուրս կենաց քոց :

6 Տեսցես դու զորդին որդւոց քոց, խաղաղութիւն 'ի վերայ իսրայէլի :

Յունք 8 :

ՍԵՂՄՈՍ ՆԻՐ

Օրհնութիւնք Եւրեմիոց :

1 Բազում անգամ մարտեան ընդ իս 'ի մանկութենէ իմմէ, ասացէ իսրայէլ :

2 Բազում անգամ մարտեան ընդ իս 'ի մանկութենէ իմմէ, և ինձ ոչ յաղթեցին :

3 Օթիկունս իմ հարին մեղաւորք . ընդ երկար արարին զանօրէնութիւնս իւրեանց :

4 Տէր արդար է, խորտակէ զուն մեղաւորաց :

5 Եմաչեսցեն և յետս դարձցին ամենեքեան՝ ոյք ատեան զսիրովն :

6 Եղեցին նոքա որպէս խոտ տանեաց , որ մինչև ՚ի բուռն եկեալ՝ չորացաւ :

7 Ուստի ոչ ելեց զբուռն իւր հընձողն , և ոչ զգիրկս իւր՝ որ զորայն ժողովէր :

8 Ոչ ասացին ամենեքեան՝ ոյք անցանէին առ նոքօք ; թէ օրհնութիւն տեառըն ընդ ձեզ է , և օրհնեցաք զձեզ յանուանէ տեառն :

Տունք 8 :

ՄԱՂՄՈՍ ԱՂԻԹ

Օրհնութեան Ելքի մասնոց :

1 Ի խորոց կարդացի առ բեզ տէր , տէր՝ լուր ձայնի իմում :

2 Եղեցին ականջք քո՝ ՚ի լսել զձայն աղօթից իմոց :

3 Թէ զանօրէնութիւնս քննես տէր տէր , իսկ ո՞ կարէ կալ առաջի քո . զե ՚ի քէն է քաւութիւն :

4 Ասն անուան քո համբերի տէր , համբեր անձն իմ բանի քում . յուսացաւ անձն իմ ՚ի տէր :

5 Ի պահէ առաւօտու մինչև յերեկոյ , ՚ի պահէ առաւօտու յուսացաւ իսրայէլ ՚ի տէր :

6 Ի տեառնէ է ողորմութիւն բազում .

'ի նմանէ է փրկութիւն . և նա փրկեաց զխորայել յամենայն նեղութեանց նորա :

Տունք 6 :

ՍԱՂՄՈՍ ՈՂԸ

Օրհնութիւնս Ելչիճամայ :

1 Տէր ոչ բարձրացաւ սիրտ իմ, և ոչ զբօսան աչք իմ :

2 Ոչ զնացի ես ընդ մեծամեծս , և ոչ ընդ այնոսիկ որ սքանչելեղեն քան զես :

3 Բայց թէ խոնարհեցայ ես որպէս մանուկ սարտուցեալ 'ի ստենէ մօր իւրոյ , և դարձ նորա անդրէն 'ի նոյն :

4 Եյլ թէ հպարտացուցի արդեօք զանձն իմ , այսպէս եղիցի հատուցումն անձին իմոյ : յուսացաւ իսրայել 'ի տէր յայսմ հետէ մինչև յաւիտեան :

Տունք 4 : Գորզայս 44 :

ՍԱՂՄՈՍ ՈՂԸ

Երէ Ե-ոյ :

1 Յիշեա տէր զդաւիթ , և զամենայն հեղութիւն նորա :

2 Որպէս երդուաւ տեառն , և ուխտս եղ աստուծոյ յակովբայ :

3 Թէ ոչ մտից 'ի յարկս տան իմոյ , թէ ելից յանկողինս մահճաց իմոյ :

4 Թէ տաց քուն աչաց իմոյ , կամ նինջ արտեանաց իմոյ , կամ հանգիստ

իրանաց իմոց . մինչև գտից զտեղի յարկի տեառն աստուծոյ յակովբայ :

5 Եհա լուաք զնմանէ յեփրաթայ , և գտաք զնա 'ի դաշտս մայրեաց :

6 Մտցուք 'ի յարկս նորա , երկիր պագցուք 'ի տեղւոջ՝ ուր կացեալ են ոտք նորա :

7 Երի տէր 'ի հանգիստ քո , դու և տապանակ կտակի սրբութեան քո :

8 Երիցունք քո զգեցցին զարդարութիւն , և սուրբք քո ցնծալով ցնծացեն :

9 Ասան դաւթի սիրելւոյ քո , մի՛ դարձուցաներ զերեսս քո յօծելոյ քումմէ :

10 Երդուաւ տէր դաւթի ճշմարտութեամբ՝ և ոչ ստեաց նմա . 'ի պտղոյ որովայնէ քումմէ նստուցից յաթոռ քո :

11 Թէ պահեսցեն որդիք քո զօրէնս իմ , և զվկայութիւնս իմ զոր ուսուցից նոցա :

12 Որդիք նոցա նստցին յաւիտեանս յաւիտենից յաթոռ քո :

13 Հաճեցաւ տէր ընդ սիովն , և ընտրեաց ընակել 'ի նմա . առէ՛ այս է հանգիստ իմ յաւիտեանս յաւիտենից , 'ի սմա բնակեցայց՝ զի հաճեցայ ընդ սա :

14 Օորս սորա օրհնելով օրհնեցից , և զաղբատս սորա լցուցից հացիւ :

15 Երիցանց սորա զգեցուցից զփրկու-

թիւն , և սուրբք սորա ցնծալով ցնծացեն :

16 Ընդ ծագեցից զեղջիւր 'ի դաւիթ . պատրաստ արարից զճրագ օծելոյ իմոյ :

17 Թշնամեաց նորա զգեցուցից զամօթ . այլ 'ի վերայ նորա ծաղկեսցի սրբութիւն իմ :

Տուևք 17 :

ՍԵՂՄՈՍ ԱՂԲ

Երբ 2^{րդ} :

1 Քի՞ բարի կամ զե՞ վայելուչ , զե բընակեն եղբարք 'ի միասին :

2 Որպէս իւղ զե իջանէ 'ի գլուխ և 'ի մօրուսն ահարովնի . 'ի մօրուացն իջանէ 'ի գրապանս զգեստու նորա :

3 Որպէս ցօղ զե ցօղէ 'ի հերմոնէ 'ի վերայ լերին սիովնի :

4 Տէր անդ պատրաստեաց զօրհնութիւն և զկեանս յաւիտենից :

Տուևք 4 :

ՍԵՂՄՈՍ ԱՂԳ

Երբ 2^{րդ} :

1 Ըստ օրհնեցէք ամենայն ծառայք տեառն զտէր . ո՞ կայք 'ի տուն տեառն և 'ի գաւիթս աստուծոյ մերոյ :

2 Ի գիշերի համբարձէք զձեռս ձեր 'ի սրբութիւն , և օրհնեցէք զտէր :

3 Օրհնեցէ զմեզ տէր 'ի սիովսէ , որ արար զերկինս և զերկիր :

Տու.ք 3 :

ՍՇՂՄՈՍ ՆԼԴ

Եւեւ-իս :

1 Օրհնեցէք զանուն տեառն . օրհնեցէք ծառայք տեառն զտէր , ո՛ր կայք 'ի տուն տեառն , 'ի գաւիթս աստուծոյ մերոյ :

2 Օրհնեցէք զտէր , զի բարի է . սաղմոս ասացէք անուաննորա , զի քաղցր է :

3 Ջյակովք ընտրեաց իւր տեր , և զհարայել ժառանգութիւն իւր :

4 Ես ծանեայ՝ զի մեծ է տէր , և տէր մեծ է քան զամենայն կուռս :

5 Ջամենայն զոր ինչ կամեցաւ և արար տէր , յերկինս և յերկրի , 'ի ծով և յամենայն խորս :

6 Հանէ զամպս 'ի ծագաց երկրէ . զփայլատակունս իւր յանձրևս արար . և հանէ զհողմս 'ի շտեմարանաց իւրոց :

7 Եհար զամենայն անդրանիկն եգիպտացւոց 'ի մարդոյ մինչև յանասուն :

8 Եռաքեաց զնշանս և զարուեստս իւր 'ի մէջ քո եգիպտոս , 'ի փարաւովն և յամենայն զօրս իւր :

9 Եհար զազգս բազումս , և սպան զթագաւորս հզօրս :

10 Օսեհոյն թագաւոր ամուրհաց-
ւոց , զովդ թագաւոր բասանու , և զա-
մենայն թագաւորութիւնս քանանաց-
ւոց :

11 Ատ զերկիր նոցա 'ի ժառանգու-
թիւն , ժառանգութիւն իսրայելի ժո-
ղովրդեան իւրոյ :

12 Տէր անուն քո յաւիտեան , տէր
յիշատակ քո ազգէ մինչև յազգ :

13 Դատի տէր զժողովուրդ իւր . և 'ի
ճառայս իւր մխիթարի :

14 Աուր ք հեթանոսաց ոսկի և ար-
ծաթ են , ձեռագործք են որդւոց մարդ-
կան :

15 Բերան գոյ՝ և ոչ խօսին , աչք են՝
և ոչ տեսնեն :

16 Մկանջք են՝ և ոչ լսեն , և ոչ գոյ
շունչ 'ի բերանս նոցա :

17. Նման նոցա եղիցին ոյք արարին
դնոսա : ամենեքեան ոյք յուսացեալ են
'ի նոնա :

18 Տուն իսրայելի օրհնեցէք զտէր .
տուն ահարոնի՝ օրհնեցէք զտէր :

19 Տուն զևեայ օրհնեցէք զտէր . եր-
կիւղածք տեառն օրհնեցէք զտէր :

20 Օրհնեալ տէր 'ի սիոնէ , որ բնա-
կեայն է յերուսաղէմ :

ՍԵՂՄՈՍ ՈՂԵ

Եփեմ. 1 :

1 Խոստովան եղերուք տեառն , զի բարի է . զի յաւիտեան է ողորմութիւն նորա :

2 Խոստովան եղերուք աստուծոյն աստուծոց . զի յաւիտեան է ողորմութիւն նորա :

3 Խոստովան եղերուք տեառն տերանց . զի յաւիտեան է ողորմութիւն նորա :

4 Երար զսքանչելիս մեծամեծս միայն . զի յաւիտեան է ողոր :

5 Օերկինս արար իմաստութեամբ իւրով . զի յաւիտեան է ողոր :

6 Հաստատեաց զերկիր 'ի վերայ ջուրց . զի յաւիտեան է ողոր :

7 Երար զլուսաւորս մեծամեծս միայն . զի յաւիտեան է ողոր :

8 Օարեգակն արար իշխանական տունջեան . զի յաւիտեան է ողոր :

9 Օլուսին և զաստեղս իշխանական գիշերոյ . զի յաւիտեան է ողոր :

10 Եհար զերկիրն եգիպտացւոց անդրանկօք իւրովք հանդերձ զի յաւիտեան է ողոր :

11 Եւ եհան զեսրայէլ 'ի միջոյ նորա . զի յաւիտեան է ողոր :

12 Ի ձեռն բարձր և 'ի բազուկ հզօր .
 զի յաւիտեան է ողոր :

13 Եհերձ զծովն մեծ , և բաժանեաց
 յերկուս մասունս . զի յաւիտեան է ողոր :

14 Եւ անցոյց զեսրայէլ ընդ մէջնորա .
 զի յաւիտեան է ողոր :

15 Ընկղմեաց զփարաւովն և զզօրս իւր
 'ի ծով կարմիր . զի յաւիտեան է ողոր :

16 Եւ եհան զժողովուրդ իւր յանա-
 պատ . զի յաւիտեան է ողոր :

17 Եհար զազգս մեծամեծս միայն . զի
 յաւիտեան է ողոր :

18 Եւ սպան զթագաւորս հզօրս . զի
 յաւիտեան է ողոր :

19 Օսեհովն թագաւոր ամովրհաց-
 ւոց . զի յաւիտեան է ողոր :

20 Օովգ թագաւոր բասանու . զի
 յաւիտեան է ողոր :

21 Ետ զերկիր նոցա 'ի ժառանգու-
 թիւն : զի յաւիտեան է ողոր :

22 Ժառանգութիւն իսրայելի ժառա-
 յի իւրոյ . զի յաւիտեան է ողոր :

23 Յիշեաց զմեզ տէր 'ի խոնարհու-
 թեան մերում . զի յաւիտեան է ողոր :

24 Եւ փրկեաց զմեզ 'ի ձեռաց թշնա-
 մեաց մերոց . զի յաւիտեան է ողոր :

25 Ո տայ կերակուր ամենայն կենդա-
 նեաց . զի յաւիտեան է ողոր :

26 Խոստովան եղերուք աստուծոյ երկնաւորի . զի յաւիտեան է ողորմութիւն նորա :

Տունք 26 :

ՄԱՂՄՈՍ ԱՂԶ

Ի դասին . 'ի յետեւ յերկայն . անկան յեկրայնցոցն :

1 Եւ գետս բաբելացւոց , անդ նստեաք և լայաք . որպէս յիշեցաք մեք անդ զըսիովն :

2 Ի մէջ ուռեաց նոցա կախեցաք զըկտակարանս մեր :

3 Ենդ հարցանէին գերիչք մեր զբանս օրհնութեան . գերեվարք մեր ստիպէին զմեզ և ասէին :

4 Օրհնեցէք մեզ յօրհնութենէ սիովնի . իսկ զեանրդ օրհնեսցոք զօրհնութիւնս տեառն յերկիր օտար :

5 Թէ մոռացայց զբեզ երուսաղէմ , մոռացի զես աջ իմ :

6 Ացեսցի լեզու իմ 'ի քիմս իմ , թէ ոչ յիշեցից զբեզ , թէ ոչ նախ նուագեցից զբեզ երուսաղէմ , սկիզբն ուրախութեան իմոյ :

7 Յիշեա տէր զորդիսն եղովմայ յաւուրս երուսաղեմի :

8 Այք ասէին՝ քակեցէք քակեցէք , մինչև 'ի հիմն հասուցէք :

9 Դուստր բաբելացւոց թշուառական ,

Երանի որ հատոյց զհատուցումն քո, զոր դու մեզ հատուցեր :

10 Երանի որ կալաւ զմանկունս քո, և եհար զքարի :

Տուեք 10 :

ՍԵՂՄՈՍ ԱՂԷ

Սուրբ Ի Դասիկ :

1 Խոստովան եղէց քեզ տէր բոլորով սրտիւ իմով . առաջի հրեշտակաց սաղմոս ասացից քեզ :

2 Օ, Ե լուար զբանս բերանոյ իմոյ . երկիր պագից 'ի տաճար սուրբ քո, և խոստովան եղէց անուան քում վասն ողորմութեան և ճշմարտութեան քոյ :

3 Մեծ արարեր յամենայնի զանուն սուրբ քո . յորում աւուր կարդամ առ քեզ, վաղվաղակի լուր ինձ, և բազում արասցես զօրութիւնս յանձն իմ :

4 Խոստովան եղիցին առ քեզ ամենայն թագաւորք երկրի . զի լուան զբանս բերանոյ քո, և օրհնեսցեն զճանապարհս քո :

5 Մեծ են փառք տեառն . բարձր է տէր, զիսոնարհս տեսանէ, և զբարձունս 'ի հեռաստանէ ճանաչէ :

6 Թէ գնացից ես 'ի մէջ նեղութեանց, կեցուսցես զես 'ի բարկութենէ թշնամւոյն :

7 Չգեցեր զձեռն քո , և փրկեաց զես
աջ քո . և տէր հատուցէ ընդ իմ :

8 Տէր ողորմութիւն քո յաւիտեան .
զգործս ձեռաց քոց մի' անտես առներ :

Տունք 8 : Գորշայս 44 :

ՍԵՂՄՈՍ ՆԼԸ

Ի հարարած . սողնա 'ի դաւել :

1 Տէր փորձեցեր զես և ծանեար
զես . դու ծանեար զնստել իմ և զյառ-
նել իմ :

2 Ի միտ առեր զխորհուրդս իմ 'ի հե-
ռաստանէ . զշաւիղս իմ և զվիճակս իմ
դու քննեցեր , և զամենայն ճանապարհս
իմ յառաջագոյն տեսեր , զի ոչ գոյ նեն-
գութիւն 'ի լեզուի իմում :

3 Ահա դու տէր՝ ծանեար զյետին իմ
և զառաջին իմ . դու ստեղծեր զես , և
եղիր զձեռն քո 'ի վերայ իմ :

4 Աքանչելի եղև զիտութիւն քո . յի-
նէն , և զօրացաւ , և ոչ հանդարտեմ
սմա :

5 Յո՛ երթայց ես յողոյ : քումմէ , կամ
յերեսաց քոց ես յո՛ փախեայց :

6 Թէ ելանեմ յերկինս , դու անդ ես .
և թէ իջանեմ 'ի դժոխս , և անդր մօտ
ես :

7 Թէ առից զթևս իմ ընդ առաւօտս ,
և բնակեցայց յեզերս ծովու :

8 Սակայն և անդ ձեռն քո առաջնորդեսցէ ինձ , և աջ քո ընկալցի զիս :

9 Եսացի թէ խաւար ուրեմն արդեօք ծածկեաց զիս , կամ զիշեր փոխանակ լուսոյ փափկութեան իմոյ :

10 Խաւարն 'ի քէն ոչ խաւարեսցի , և զիշերն որպէս տիւ լուսաւոր եղեցի . և խաւար նորա որպէս զլոյս նորա :

11 Դու ստացար զերթկամունս իմ , և ընկալար զիս յորովայնէ մօր իմոյ :

12 Խոստովան եղէց քեզ տէր , զի ահեղ և սքանչելի ես . սքանչելի են գործք քո , և անձն իմ սիրեաց յոյժ :

13 Ոչ թազեաւ ոսկր իմ 'ի քէն՝ զոր արարեր 'ի ծածուկ . և կար զօրութեան իմոյ ընդ ստորինս երկրի :

14 Չանգործս իմ տեսին աչք քո , և 'ի զիրս քո ամենեքեան զրեցան :

15 Ի տուէ մոլորեցան , և ոչ ոք էր որ առաջնորդէր նոցա :

16 Ինձ յոյժ մեծարոյ եղեն բարեկամք քո աստուած , և յոյժ զօրացան իշխանք նոցա :

17 Թուեցի գնոսա , և քան զաւազ բազմացան . զարթեայ , և արդ ընդ քեզ եմ :

18 Եթէ սպանանես զմեղաւորս աստուած , արք արեան 'ի բաց եղերուք յինէն :

19 Ի հակառակութիւն և 'ի նախանձ ,
առցեն 'ի նանիր զբաղաքս քո :

20 Օտելիս քո տէր ատեցի , և 'ի
վերայ թշնամեաց քոց մաշեցայ :

21 Մտելութիւն կատարեալ ատեցի
զնոսա , և եղեն ինձ թշնամիք :

22 Փորձեա զիս նաստուած և ծանիր
զսիրտ իմ , քննեա զիս և ծանիր զշա-
ւիզս իմ . և տես թէ իցեն անօրէնու-
թիւնք 'ի ճանապարհս իմ , և առաջնոր-
դեա ինձ 'ի ճանապարհս քո յաւիտե-
նից :

• Տունք 22 :

ՍՆՂՄՈՍ ՆԴԹ

Ի խորհրդս . ստուի 'ի դռնի :

1 Ապրեցո զիս տէր 'ի մարդոյ չարէ ,
յառնէ անիրաւէ փրկեա զիս :

2 Խորհեցան զանօրէնութիւն 'ի սիրտս
իւրեանց . զօր ամենայն պատրաստեցան
'ի պատերազմ :

3 Սրեցին զլեզուս իւրեանց որպէս զօ-
ձի , և թոյնք իժից 'ի նէրքոյ շրթանց
նոցա :

4 Պահեա զիս տէր 'ի ձեռաց մեղաւո-
րի , և 'ի մարդոյ չարէ փրկեա զիս :

5 Խորհեցան խափանել զզնացս իմ .
թագուցին ամբարտաւանք որոգայթ
ինձ :

6 Լարս ձգեցին որոգայթ ոտից իմոց .
շուրջ զշաւղօք իմովք եղին ինձ գայ-
թագղութիւն :

7 Ասացի՛ տէր աստուած իմ ես
դու , ունկն դիր տէր ձայնի աղօթից
իմոց :

8 Տէր տէր զօրութիւն փրկութեան
իմոյ , հովանի գլխոյ յաւուր պատե-
րազմի :

9 Մի՛ մատներ զիս տէր՝ի ցանկութիւն
մեղաւորաց , ոյք խորհեցան վասն իմ .
մի՛ ընդ վայր հարկաներ զիս :

10 Օ՛ի մի՛ երբէք բարձրացին , և
խորհուրդք նոցա մի՛ կատարեսցին .
վախճան կատարածի նոցա վաստակ
շթմանց իւրեանց ծածկեսցէ զնոսա :

11 Արկցես ՚ի վերայ նոցա կայծակունս
հրոյ , և կործանեսցես զնոսա . ՚ի տա-
ռապանաց մի՛ կարասցեն կեալ :

12 Մարդոյ լեզուանոյ մի՛ յաջողեսցի
ի վերայ երկրի . զայր մեղաւոր չարիք
իւր որսասցեն ՚ի կորուստ :

13 Ծանեայ զի առնես տէր դատա-
տան ազբատի և իրաւունս տնանկի :

14 Արդարք գոհացին զանուանէ
քումմէ , և բնակեսցեն ուղիղք առաջի
երեսաց քոց :

ՍՆՂՄՈՍ ՆԻ

Սաղմոս 'ի դաւիթ :

1 Տէր կարդացի առ քեզ՝ և լուր ինձ , նայեա 'ի ձայն աղօթից իմոց 'ի կարգալ իմում՝ առ քեզ :

2 Ուղիղ եղիցին աղօթք իմ որպէս խունկ առաջի քո տէր . համբարձումն ձեռաց իմոց պատարագ երեկոյի :

3 Դիր տէր պահապան բերանոյ իմոյ . և դուռն ամուր շրթանց իմոց , զի մի' խոտորեսցի սիրտ իմ բանիւ չարութեան :

4 Պատճառել զպատճառս մեղաց ընդ մարդս , որ գործեն զանօրէնութիւն . և ոչ եղէց կցորդ ընտրելեաց նոցա :

5 Խրատեսցէ զես արդարն ողորմութեամբ և յանդիման արասցէ . իւր մեղաւորի մի' օճցէ զզլուխ իմ , և աղօթք իմ 'ի կամս նորա :

6 Արգելան մերձ առ վիմին դատաւորք նոցա . լուիցեն բանից իմոց , և քաղցրասցին :

7 Որպէս թանձրութիւն հողոյ զի սփռեալ է 'ի վերայ երկրի . ցրուեսցին ոսկերք նոցա մերձ 'ի դժոխս :

8 Առ քեզ տէր տէր են աչք իմ . 'ի քեզ յուսացայ , մի' հաներ զհոգի յինէն :

9 Պահեա զես յորոգայթէ որ թագու-

ցաւ ինձ, 'ի գայթազողութենէ գործողին զանօրէնութիւն :

10 Ենկցին 'ի ցանցս նորա մեղաւորք, միայն եմ ես մինչև անցից :

Տունք 10 :

ՍՄԿՆԱՆ ԱՊՈՍՏՈՍ

Իմաստութիւնս 'ի դատելու . ազօրէի, 'ի ժամանակի զի եր նա յայտի անդ :

1 Չայնիւ իմով ես առ տէր կարդացի, ձայնիւ իմով զտէր աղաչեցի :

2 Սփռեցից առաջի տեառն զաղօթս իմ, և զնեղութիւնս իմ առաջի նորա պատմեցից :

3 Ի նուազել յինէն հոգւոյ իմոյ, դու տէր ծանեար զչաւիղս իմ. 'ի ճանապարհ յոր և զնայի, թագուցաւ ինձ որոգայթ :

4 Հայէի յաջմէ տեսանէի, և ոչ որ ճանաչէր զես . կորեաւ յինէն փախուստ իմ, և ոչ գտաւ խնդրող անձին իմոյ :

5 Եղաղակեցի առ քեզ տէր և ասացի, դու ես յոյս և բաժին իմ յերկրին կենդանեաց :

6 Նայեա տէր յաղօթս իմ, զի ես խոնարհ եղէ յոյժ . ապրեցո զես 'ի հալածչաց իմոց, զի հզօր եղեն քան զես :

7 Տէր հան 'ի բանտէ զանձն իմ . գոհանամ զանուանէ քումմէ :

8 Ինձ սպասեն արդարք մինչև հատուցես ինձ :

Տուհք 8 • Գորդայս 54 •

ՍԵՂՄՈՍ ԱԽԻ

Ստորոհ 'ի դու-իլ , 'ի ժամանակի զի հալածէր զես աբխտղոս որդի նորա :

1 Տէր լուր աղօթից իմոց , ունկն դիր խնդրուածաց իմոց՝ ճշմարտութեամբ քով :

2 Լուր ինձ արդարութեամբ քով , և մի՛ մտաներ 'ի դատաստան ընդ ծառայի քում , զի ոչ արդարանայ առաջի քո ամենայն կենդանի :

3 Հալածեաց թշնամին զանձն իմ , խոնարհ արար յերկիր զկեանս իմ . նըստոյց զես 'ի խաւարի որպէս մեռեալ յաւիտենից :

4 Չանձրացաւ յիս հոգի իմ , և սիրտ իմ խռովեցաւ յիս :

5 Յիշեցի զաւուրսն զառաջնս , խորհեցայ յամենայն զործս քո . յարարածս ձեռաց քոց խորհեցայ , և համբարձի առ քեզ զձեռս իմ :

6 Ենձն իմ որպէս երկիր ծարաւի է առ քեզ . վաղվաղակի լուր ինձ տէր , զի նուազեաց յինէն հոգի իմ :

7 Մի՛ դարձուցաներ զերեսս քո յինէն , նմանիցեմ այնոցիկ , որ իջանեն 'ի դուր :

8 Ասելի արա ինձ առաւօտու զօղորմութիւնս քո , զի ես 'ի քեզ տէր յուսացայ :

9 Յոյց ինձ ճանապարհ յոր գնացից , զի առ քեզ տէր համբարձի զանձն իմ :

10 Փրկեա զիս 'ի թշնամեաց իմոց տէր , զի զքեզ ապաւէն ինձ արարի :

11 Ուսո ինձ առնել զկամս քո , զի զու ես աստուած իմ :

12 Հոգի քո բարի առաջնորդեսցէ ինձ յերկիր ուղիղ :

13 Ասն անուան քո տէր կեցուցես զիս , արդարութեամբ քով հանցես 'ի նեղութենէ զանձն իմ :

14 Ողորմութեամբ քով սատակեսցես զթշնամիս իմ . կորուցես զամենայն նեղիչս անձին իմոյ , զի ես ծառայ քո եմ :

Տունք 14 :

ՍՄԵՂՄՈՍ ԱԽԳԻ

Ի ԴԱՎԻԹ . ԵՎ ԳԻՅՈՒՆ :

1 Օրհնեալ տէր աստուած իմ , որ ուսոյց զձեռս իմ 'ի պատերազմ , և զմատունս իմ 'ի ճակատամարտ :

2 Ողորմութիւն իմ և ապաւէն իմ , օգնական իմ և փրկիչ իմ . ապաւէն իմ , և ես յուսամ 'ի նա :

3 Ահա զանդ առնէ զթողովուրդս ընդ

ինև . տէր՝ ո՞վ է մարդ զի յայտնեցար
դու նմա , կամ որդի մարդոյ թէ հա-
մարիս ինչ զնա :

4 Մարդ նանրութեան նմանեաց , և
աւուրք նորա որպէս հովանի անցին :

5 Տէր խոնարհեցո զերկինս և էջ ,
մերձեա 'ի լերինս՝ և ծխեսցին :

6 Փայլատակեա զփայլատակունս քո ,
և խոռովեա զնոսա՝ . առաքեա զնետս քո ,
և ցրուեա զնոսա :

7 Առաքեա զձեռն քո 'ի բարձանց , և
փրկեա զես 'ի ջուրց բազմաց , և 'ի ձե-
ռաց որդւոց օտարաց :

8 Արոց բերանք իւրեանց խօսեցան
զնանրութիւն , և աջ նոցա աջ է մե-
ղաց :

9 Աստուած յօրհնութիւն նոր օրհ-
նեցից զքեզ , տասնադեաւ սաղմոսա-
րանաւ սաղմոս ասացից քեզ :

10 Ո՞ տացէ զփրկութիւն թագա-
ւորաց մերոց , որ փրկելոցն իցէ զդա-
ւիթ ծառայ իւր 'ի սրոյ չարէ :

11 Փրկեա զես և ապրեցո զես 'ի ձե-
ռաց որդւոց օտարաց :

12 Արոց բերանք իւրեանց խօսեցան
զնանրութիւն . և աջ նոցա աջ է մե-
ղաց :

13 Արոց ուստերք իւրեանց որպէս

Նորատունկ հաստատուն են 'ի մանկութենէ իւրեանց . դըստերք նոցա զարգարեալ և պաճուճեալ 'ի նմանութիւն տաճարի :

14 Շտեմարանք նոցա լի են և բղխեն 'ի միմեանս . խաշինք նոցա բազմաճիւղ են , և բազմանան 'ի գնացս իւրեանց . և անդեայք նոցա պարարտք են :

15 Ոչ գոյ խրամատութիւն ցանկոյ նոցա , և ոչ աղաղակ 'ի հրապարակս նոցա :

16 Երդ երանեցից ժողովրդեան , որոց այս այսպէս է . նա երանի ժողովրդեան , որոյ տէր աստուած է նոցա :

Տուր 16 :

ՄԱՂՄՈՍ ՆԻԴ

Օրհնութեանց սաղմոս 'ի դաւիթ :

1 Բարձր առնեմ զքեզ աստուած իմ և թագաւոր իմ , և օրհնեմ զանուն քո յաւիտեան և յաւիտեանս յաւիտենից :

2 Օրհնանապազ օրհնեցից զքեզ , և գովեցից զանուն քո յաւիտեան և յաւիտեանս յաւիտենից :

3 Մեծ է տէր և օրհնեալ է յոյժ , և մեծութեան նորա ոչ գոյ չափ :

4 Եզգք և ազգք գովեսցեն զգործս քո , և զգօրութիւնս քո պատմեսցեն :

5 Օմեծվայելչութիւն փառաց սրբու-

Թեանքո խօսեսցին , և զսքանչելիս քո պատմեսցեն :

6 Օղորութիւն ահի քո ասասցեն , և զմեծութիւնս քո պատմեսցեն :

7 Օյիշատակ բազում քաղցրութեանքո բղեսցեն , և արդարութեամբ քո ցնծասցեն :

8 Գթած ողորմած է տէր , երկայնամիտ և բազումողորմ :

9 Բաղցր է տէր առ ամենեսեան , և զթութիւն նորա ՚ի վերայ ամենայն արարածոց իւրոց :

10 Խոստովան եղիցին առ քեզ տէր ամենայն գործք քո , և սուրբք քո օրհնեսցեն զքեզ :

11 Օփառս արքայութեան քո ասասցեն , և զղօրութիւնս քո պատմեսցեն :

12 Ճանաչել որդւոց մարդկան զղօրութիւնս քո , և զփառս մեծփայելչութեան արքայութեան քո :

13 Արքայութիւն քո՝ արքայութիւն ամենայն յաւիտենից , և տէրութիւն քո ազգէ մինչև յազգ :

14 Հաւատարիմ է տէր յամենայն ՚ի բանս իւր , և արդար է յամենայն ՚ի գործս իւր :

15 Հաստատէ տէր զամենայն զայ-

Թաղղեալս , և կանգնէ զամենայն զլորեալս :

16 Աչք ամենեցուն 'ի քեզ յուսան , և դու տաս կերակուր 'նոցա 'ի ժամու :

17 Տաս դու 'նոցա և կերակրին . բանաս զձեռն քո , և լցուցանես զամենեսեան քաղցրութեամբ կամօք քովք :

18 Արդար է տէր յամենայն ճանապարհս իւր , և սուրբ է յամենայն 'ի գործս իւր :

19 Մերձ է տէր առ ամենեսեան որ կարդան առ 'նա , առ ամենեսեան որ կարդան առ 'նա ճշմարտութեամբ :

20 Օկամս երկիւղածաց իւրոց առնէ տէր . աղօթից 'նոցա լսէ , և կեցուցանէ զնոսա :

21 Պահէ տէր զամենեսեան ոյք սիրեն զնա , և զամենայն մեղաւորս սատակէ տէր :

22 Օօրհնութիւնս տեառն խօսեսցի բերան իմ . օրհնեսցէ ամենայն կենդանի զանուն սուրբ 'նորա յաւիտեան և յաւիտեանս յաւիտենից :

Յունք 22 : Գորդայս 52 :

ՄԱՂՄՈՍ ՆԻՆԵ

Եւրոպայի և Ամերիկայի :

1 Օրհնեա անձն իմ զտէր . օրհնեսցից

զտէր 'ի կեանս իմ, սաղմոս ասացից աստուծոյ իմոյ մինչև եմ ես :

2 Մի յուսայք յիշխանս յորդիս մարդկան, զե ոչ գոյ փրկութիւն 'ի նոսա :

3 Ելցէ հոգի 'ի նոցանէ՝ և դարձցին անդրէն 'ի հող, և յայնմ աւուր կորիցեն ամենայն խորհուրդք նոցա :

4 Երանի ազգի՝ որում տէր աստուած յակորայ օգնական է նմա, և յոյս նորա 'ի տէր աստուած է :

5 Որ արար զերկինս և զերկիր, զծով և զամենայն որ է՝ 'ի նոսա :

6 Ո պահէ զճշմարտութիւն յաւիտեան, և առնէ իրաւունս զրկելոց :

7 Տայ հաց քաղցելոց, և արձակէ զըկապեալս տէր :

8 Տէր բանայ զաչս կուրաց, և կանգնէ զգլորեալս տէր :

9 Տէր սիրէ զարդարս, տէր պահէ զպանդուխտս. զորբս և զայրիս ընդունի տէր, և զճանապարհս ամբարշտաց կորուսանէ :

10 Թագաւորեցէ տէր յաւիտեան, աստուած քո սիրովն ազգէ մինչև յազգ :

Տու. 10 :

ՍԵՂՄՈՍ ՆԻՕ

Եկեղիս . անգիայ և զատրիայ :

1 Օրհնեցէք զտէր՝ զե բարի են սաղ-

մոսք . աստուծոյ մերում քաղցր եղեցի
օրհնութիւն :

2 Եւնէ զերուսաղէմ տէր , և զըց-
րուեալսն իսրայելի ժողովէ :

3 Բժշկէ զբեկեալ սիրտս , և պատէ
զամենայն վերս նոցա :

4 Ո թուէ զբազմութիւն աստեղաց , և
զամենեսեան զնոսա յանուանէ կոչէ :

5 Մեծ է տէր և մեծ է զօրութիւն նո-
րա , իմաստութեան նորա ոչ գոյ բաւ :

6 Ընդունի զհեղս տէր , և խոնարհ
առնէ զամբարտաւանս մինչև յերկիր :

7 Օրհնեցէք զտէր խոստովանու-
թեամբ , սաղմոս ասացէք նմա օրհնու-
թեամբ :

8 Ո զգեցոյց զերկինս ամպովք , պատ-
րաստ արար զանձրև իւր յերկիր :

9 Բուսոյց զխոտ ՚ի լերինս , զգալար ՚ի
ծառայութիւն մարդկան :

10 Ո տայ անասնոց կերակուր , ձա-
գուց ազոաւուց՝ որ կարգան առ նա :

11 Ոչ թէ ընդ զօրութիւնս ձիոյ կա-
մեցաւ տէր , և ոչ ընդ իրանս առն սկայի
հաճեցաւ :

12 Եւս հաճեցաւ տէր ընդ երկիւղածս
իւր , և ընդ այնոսիկ՝ ոյք յուսան յո-
ղորմութիւն նորա :

ՍԵՂՄՈՍ ՆԻՒԷ

Եկեալիս . անգիտայ ե զտարիայ :

- 1 Գոպեա երուսաղէմ զտէր :
- 2 Եւ օրհնեա զաստուած քո սիրովն :
- 3 Օ՛ր զօրացոյց զնիգս զրանց քոց ,
և օրհնեաց զորդիս քո 'ի քեզ :
- 4 Ո եղ զսահմանս քո 'ի խաղաղու-
թիւն . պարարտութեամբ ցորենոյ լցոյց
զքեզ :
- 5 Եռաքէ զբան իւր յերկիր . վաղվաղ
ընթանան պատգամք նորա :
- 6 Դնէ զձիւն որպէս զասր , և զմէգ
որպէս փոշի ցանեաց :
- 7 Երկանէ զսառն որպէս պատառս .
առաջի ցրտոյ նորա ո՞ կարէ կեալ :
- 8 Եռաքէ զբան իւր և հալէ զնոսա .
չնչեսցեն հողմք , և գնասցեն ջուրք :
- 9 Պատմէ զբան իւր յակովբայ , զար-
դարութիւն և զերաւունս իսրայելի :
- 10 Ոչ այսպէս արար ամենայն ազգաց
տէր , և զդատաստանս իւր ոչ յայտ-
նեաց նոցա :

Տունք 10 : Գորդայս 32 :

ՍԵՂՄՈՍ ՆԻՐ

Եկեալիս . անգիտայ ե զտարիայ :

- 1 Օրհնեցէք զտէր յերկնից , օրհնե-
ցէք զնա 'ի բարձանց :

2 Օրհնեցէք զնա ամենայն հրեշտակք նորա . օրհնեցէք զնա ամենայն զօրութիւնք նորա :

3 Օրհնեցէք զնա արեգակն և լուսին , օրհնեցէք զնա ամենայն աստեղք և լոյսք :

4 Օրհնեցէք զնա երկինք երկնից , ջուրք որ ՚ի վերոյ քան զերկինս , օրհնեցէք զանուն տեանն :

5 Օրհնա ասաց՝ և եղեն , հրամայեաց՝ և հաստատեցան :

6 Կացոյց զնոսա յաշխտեանս յաշխտենից . սահման եղ , և ոչ անցանեն :

7 Օրհնեցէք զտէր յերկրէ վիշապք և ամենայն խորք :

8 Հուր և կարկուտ , ձիւն և սառն , հողմ և մրրիկ , որ առնէք զբան նորա :

9 Արինք և ամենայն բարձունք , ծառք պտղաբերք և ամենայն մայրք :

10 Վազանք և ամենայն անասունք , սողունք և ամենայն թռչունք թևաւորք :

11 Թագաւորք երկրի և զօրք իւրեանց , իշխանք և ամենայն դատաւորք երկրի :

12 Արիտասարդք և կուսանք , ճերք և տղայք օրհնեցէք զանուն տեանն :

13 Բարձրացաւ անուն նորա միայն .

խոստովանութիւն նմա յերկինս և յերկրի :

14 Բարձր առնէ տէր զեղջիւր ժողովրդեան իւրոյ . օրհնութիւն յամենայն սրբոց նմա , յորդուոցն իսրայելի՝ ժողովուրդ որ մերձ է առ տէր :

Տունք 14 :

ՄԱՂՄՈՍ ԱՆԹԻ

Ելեւ-իւլ . ասգիւայ և զատարիայ :

1 Օրհնեցէք զտէր յօրհնութիւն 'ի նոր , օրհնութիւն նմա յեկեղեցիս սրբոց :

2 Ուրախասցի . իսրայել յարարիչ իւր . որդիք սիովնի ցնծասցեն 'ի թագաւորն իւրեանց :

3 Օրհնեցեն զանուն նորա օրհնութեամբ , սաղմոսիւք և օրհնութեամբ սաղմոս ասասցեն նմա :

4 Հաճի տէր ընդ ժողովուրդ սուրբ իւր , և բարձր առնէ զհեզս 'ի փրկութեան :

5 Պարծեցին սուրբքն՝ փառօք , և ցնծասցեն 'ի հանդիստս՝ իւրեանց , և բարձր արասցեն զաստուած բերանօք իւրեանց :

6 Սուր երկսայրի ետ 'ի ձեռս նոցա , առնուլ հատուցումն 'ի հեթանոսաց , յանդիմնութիւն ամենայն ժողովրդոց :

7 Ի կապել զթագաւորս նոցա կապա-
նօք , զգօրավարս նոցա ձեռնակապօք
երկաթեօք :

8 Եռնել նոցա դատաստանս 'ի զրոց .
փառք այս են ամենայն սրբոց նորա :

Տունք 8 :

ՍԵՂՄՈՍ Ա՛Ծ

Եկեալիս . անգեայ և գաղարկայ :

1 Օրհնեցէք զաստուած 'ի սրբու-
թեան նորա , օրհնեցէք զնա 'ի հաս-
տատութեան 'ի զօրութեան նորա :

2 Օրհնեցէք զնա 'ի զօրութեան նո-
րա , օրհնեցէք զնա 'ի բաղում մեծու-
թեան նորա :

3 Օրհնեցէք զնա 'ի ձայն օրհնու-
թեան , օրհնեցէք զնա սաղմոսիւք և
օրհնութեամբ :

4 Օրհնեցէք զնա ցնծութեամբ , գո-
վեցէք զնա ուրախութեամբ :

5 Օրհնեցէք զնա 'ի բանս քաղցր ,
գովեցէք զնա 'ի բարբառ լսելի :

6 Օրհնեցէք զնա 'ի ձայն գոհութեան .
ամենայն հոգիք օրհնեցէք զտէր :

Տունք 6 : Գորդայս 28 :

REVUE DE LA

Le premier de ces deux ouvrages est un ouvrage de vulgarisation qui a pour but de faire connaître à un grand nombre de personnes les principes de la physique et de la chimie. L'auteur a su rendre ces sciences accessibles à tous, sans sacrifier à la rigueur scientifique. Les explications sont claires et précises, et les exemples choisis sont très instructifs. Ce livre est un excellent ouvrage de référence pour tous ceux qui s'intéressent à ces sciences.

REVUE DE LA

Le second ouvrage est un ouvrage de vulgarisation qui a pour but de faire connaître à un grand nombre de personnes les principes de la physique et de la chimie. L'auteur a su rendre ces sciences accessibles à tous, sans sacrifier à la rigueur scientifique. Les explications sont claires et précises, et les exemples choisis sont très instructifs. Ce livre est un excellent ouvrage de référence pour tous ceux qui s'intéressent à ces sciences.



İBB Eyüp Sultan Halk ve Çocuk Kütüphanesi



ERM1018

255.07.02.01.06.00/

